



FONDACIJA
HASTOR

GODIŠNJI IZVJEŠTAJ

19
20



1. Uvodna riječ
2. O nama
3. Proces odabira stipendista
4. 14 godina zajedništva
5. Rezultati, uspjesi za 2019/2020
6. Najznačajniji događaji
7. Projekti
8. Uspješne priče stipendista
9. Postignuća bivših stipendista
10. Generacije maturanata
11. Diplomanti i magistranti
12. Volontiranje u doba pandemije
13. RAM – Rubrika Aktivnih Mladih
14. Aktivista godine
15. Stipendisti kao nosioci elementarnih procesa
16. Postanite dio Fondacije Hastor
17. Klub prijatelja i donatora





Na pragu postojanja 15 godina od osnivanja Fondacije Hastor i njenog isto toliko dugog djelovanja u Bosni i Hercegovini, izrazito se ponosim činjenicom da Fondacija Hastor nikada nije bila veća u svim svojim oblicima i aspektima, sve zahvaljujući radu i trudu naših stipendista da aktivnim djelovanjem u svojim lokalnim zajednicama te visokim školskim i akademskim uspjehom opravdaju naše povjerenje i, posljedično, vlastitim primjerima poboljšaju bosanskohercegovačko društvo u cijelosti. Upravo zbog naših stipendista, koji su nedvojbeno i potvrda uspješnosti ove petnaestogodišnje priče, stranice ovogodišnjeg izvještaja pokazuju samo jedan fragment koji implicira održivost dugoročne misije Fondacije prisutne od njenog samog nastanka. Zbog svih 2059 stipendista koliko Fondacija Hastor broji ove godine i koji su direktni faktori pozitivnih promjena, pozitivnih promjena sa zado-

voljstvom vam pišem ove riječi imajući u vidu da smo i ove godine ostvarili težnju da kroz porast broja stipendista, naših aktivnosti i uspjeha zajedno nastavimo kontinuirano sprovoditi dugoročnu misiju čak i u izazovnim, ali ni u kojem slučaju za nas sprečavajućim okolnostima, uzrokovanim pandemijom COVID-19 virusa. Krucijalno je naglasiti da se dijapazon našeg djelovanja ne zasniva samo na finansijskoj podršci za mlade i perspektivne stipendiste koji pripadaju socijalno ugroženim kategorijama društva. Iako je podrška obrazovanju temelj našeg djelovanja, jedan od faktora formule uspjeha koji svakako da diferencira i ističe Fondaciju Hastor i sve njene bivše i trenutne stipendiste jeste društveno odgovorno djelovanje kroz niz volonterskih aktivnosti kroz koje stipendisti usvajaju nova znanja i vještine i otkrivaju i unapređuju vlastite afinitete kroz prizmu filantropije i humanosti, naših glavnih motiva i načela u skladu s kojima djelujemo. Svakom godinom svog profesionalnog djelovanja u Fondaciji ponosniji sam na plemenitu misiju koju sprovodimo, kao i na sve naše stipendiste koji, uprkos međusobnim različitostima, zajedno kreiraju sinergiju koja garantira perspektivno društvo i čini mogućim ostvarenje svih postavljenih, i dugoročnih i kratkoročnih ciljeva, ali i onaj najvažniji ključni element koji je i svojevrsna

spona između istih: oformiti grupu budućih stručnjaka i profesionalaca u interesnim sferama djelovanja koji pored svoje univerzitetske titule imaju najuzvišeniju društvenu titulu – titulu dobrih i plemenitih ljudi s izraženim osjećajem za empatiju i dobročinstvo. Svaka univerzitetska značka, pobjeda na takmičenju, realizirani projekat i inovativna ideja rezultirana zalaganjem naših stipendista, članova porodice Fondacije Hastor, dokazuje njihovu nepokolebljivost da i u najizazovnijim vremenima ne izgube težnju za kontinuiranim napretkom koja našu neprekidnu predanost i dugoročnu misiju čine održivom i ohrabruju nas da svake godine ekspandiramo kapacitete i razmjere našeg društveno-odgovornog djelovanja.

Svaka univerzitetska značka, pobjeda na takmičenju, realizirani projekat i inovativna ideja rezultirana zalaganjem naših stipendista, članova porodice Fondacije Hastor, u protekloj godini kada se obrazovni sistem našao u veoma nezgodnoj i neočekivanoj poziciji izrazito je značajna jer dokazuje njihovu nepokolebljivu i neprestanu motivaciju za kontinuiranim napretkom koji našu neprekidnu predanost i dugoročnu misiju čine održivom i ohrabruju nas da svake godine ekspandiramo kapacitete i razmjere našeg društveno odgovornog djelovanja.

Ideja koja pokreće Fondaciju Hastor postala je primarno i moj lični životni put i istinski vjerujem da su ambiciozni i obrazovani mladi ljudi s razvijenim osjećajem za društvenu odgovornost – kakvi su naši stipendisti – prevashodno glavni razlog za uspješnost priče Fondacije Hastor, njen rast i integrisanost u nove sfere djelovanja, potom, i dugoročno gledano neminovni spiritus movens progresivnog bosanskohercegovačkog društva. Stoga je od krucijalnog značaja i najaviti našu buduću viziju aktivnog uključanja u rješavanje problema kojima se niko ne bavi u saradnji sa svim relevantnim institucijama, s obzirom na to da kroz djelovanje u čak 135 općina i gradova u Bosni i Hercegovini imamo priliku vidjeti stvarni prikaz stanja u tim zajednicama, a samim tim i presjek problema s kojima se društvo susreće, što nam omogućava kreiranje novih, budućih strategija za djelovanje kako bismo ne samo bili podrška našim prosperitetnim stipendistima na njihovom obrazovnom putu nego i sudjelovali u kreiranju sistemskih rješenja unutar kojih bi njihove sposobnosti, znanja i vještine što prije došle do izražaja uprkos svim društvenim i profesionalnim izazovima. Naš dobro poznati moto **Obrazovanje – izbor pobjednika!** sigurno motiviše svakog stipendistu da bude pobjednik vlastite uspješne priče, a naše konzistentno i posvećeno djelovanje će permanentno ostati usmjereno ka pružanju sve raspoložive podrške svakom članu i članici porodice Fondacije Hastor da se razvija u upotpunjenu osobu njegujući temeljne ljudske vrijednosti, koje su za nas imperativ, na putu do blistave uspješne budućnosti.

Seid Fijuljanin
Direktor Fondacije Hastor

Fondacija Hastor je neprofitna organizacija koja je na putu do uspjeha ove godine kroz svoj rad podržala 2059 stipendista u osnovnim i srednjim školama te fakultetima širom Bosne i Hercegovine. Fokus je na odličnim učenicima, kao i na učenicima i studentima slabijeg socio-ekonomskog statusa kojima je finansijska podrška neophodna kako bi ostvarili svoje snove.

Stipendisti naše fondacije svakog mjeseca volontiraju u svojim lokalnim zajednicama i na taj način doprinose vlastitom, ali i razvoju lokalne zajednice. Studenti Fondacije Hastor imaju malo ozbiljniji zadatak – volontiranje kroz rad s mlađim stipendistima, osnovcima i srednjoškolcima. Stariji stipendisti edukuju mlade društveno-ekonomski važnim temama, ali im i pomažu u svakodnevnim problemima unutar i van škole. Također, studenti volontiraju u administraciji, redakciji, prevodilačkom timu, timu za monitoring, timu za grafički dizajn, IT timu, kao i timu čiji

se primarni zadatak odnosi na uređivanje društvenih mreža. Ono što Fondacija Hastor želi pružiti svojim stipendistima jeste osjećaj društvene odgovornosti, ali i odgovornosti prema sebi.

Biti dijelom porodice koja broji preko dvije hiljade članova je privilegija, ali i velika odgovornost. Svako ima svoju ulogu i svi su podjednako važni, a pri čemu su svima pružene jednake prilike u smislu učenja i napredovanja. Fondacija nastoji maksimalno pripremiti svoje stipendiste, čije se školovanje bliži kraju, za buduće tržište rada, a volonterizam kroz praktično iskustvo je najbolji način za naučiti nešto novo. Brojke stipendista Fondacije Hastor rapidno rastu svake godine što je dovoljan pokazatelj koliko je u bosanskohercegovačkom društvu neophodno postojanje podrške za mlade ljude s vizijom i motivacijom za školovanje, koji su bez finansijske sigurnosti, a sve kroz spremnost za slušanje, prihvaćanje i nesebičan oslonac na putu uspjeha od prašine do zvijezda.



“

Ne trebaš hodati po vodi. Ne moraš biti bolji od drugih. Nemaš ništa više od onog što svi ostali imaju, ali ono što čini razliku,

**DJELA SU
kojima kod drugih
ostavljaš svoj trag...**

**PROCES ODABIRA
STIPENDISTA**



14 GODINA ZAJEDNIŠTVA

Sinergija sličnosti, ali i inspirirajućih različitosti male grupe ljudi ujedinjene zajedničkom idejom još prije 14 godina otvorila je vrata umogome prosperitetnijoj budućnosti najznačajnijeg društvenog sloja, prevashodno mladih ljudi, kao bažičnih nosilaca sveopćeg socijalnog progressa u BiH.

Vođena tezom da konzistentno i nesebično zalaganje za obrazovanje mladih, kao najznačajniji proces u životu svake mlade individue, predstavlja najmoćnije sredstvo u cilju podsticanja neophodnih pozitivnih promjena u društvu, Fondacija Hastor već 14 godina kontinuirano afirmira svoju dugoročnu misiju.

Dugoročna misija Fondacija Hastor ogleda se prvenstveno u težnji ka izgradnji stabilnijeg i perspektivnijeg bh. društva, društva temeljenog na ispravnim vrijednostima, a u čijem se središtu nalazi sam proces obrazovanja. Prepoznavši potrebu za orijentiranjem ideja, znanja, talenta mladog ambicioznog čovjeka u pravom smjeru, smjeru

društvene odgovornosti i samoostvarenja, Fondacija je shodno značajnom porastu broja stipendista evoluirala u vodeću fondaciju ovakve vrste u cijelom regionu.

U nastojanju da malim, ali efektivnim koracima postavi čvrste temelje napretka mladih generacija, a time posljedično i bh. društva u cjelini, podršku Fondacije Hastor danas ima 2059 stipendista iz svih dijelova BiH. Govoreći u tom kontekstu, posebno smo ponosni na činjenicu da su naši kako sadašnji, tako i bivši stipendisti, koje smo pratili od školske klupe pa sve do katedre, postali svojevrсни ambasadori i neposredna refleksija filantropije i svih plemenitih težnji i vrijednosti koje unutar Fondacije promoviramo, živimo i nastojimo prenijeti svima onima koji su na bilo koji način dijelom našeg djelovanja i onima koji su u svojstvu prijatelja i donatora posvećeno involvirani u ispunjenje naše dugoročne misije. Najrelevantniji i najkredibilniji pokazatelj našeg progressa zasigurno



“

Nikada ne sumnjaj da mala grupa ljudi može promijeniti svijet, uistinu, to je jedino što ga je ikada i mijenjalo.

predstavljaju brojni uspješno realizirani projekti, pozitivne životne priče, ali i svakodnevna značajna postignuća naših stipendista koja se referiraju na sve domene društvenog

djelovanja. Četrnaest godina djelovanja Fondacije Hastor obilježeno je značajnim promjenama kada je riječ kako o samom broju stipendista, tako i o principima rada...

...ali njen ključni cilj ipak je ostao konstanta i ono što je ubitnome diferencira od sličnih organizacija – izgraditi obrazovane i plemenite individue kao okosnicu društvenog progressa.

600
OBRAZOVNIH
INSTITUCIJA

320000
VOLONTERSКИH
SATI

378
SUPERODLIKAŠA

740
OSNOVACA

410
STUDENATA

130
OPĆINA

1800
BIVŠIH
STIPENDISTA

77
DIPLOMANATA I
MAGISTRANATA

950
ODLIKAŠA

909
SREDNJOŠKOLACA

2059
STIPENDISTA




Potpisani ugovori o stipendiranju sa 390 studenata iz cijele Bosne i Hercegovine

16. novembra 2019. godine, u prostorijama ASA Prevent grupacije upriličeno je svečano potpisivanje ugovora o stipendiranju za 390 studenata s različitih univerzитета u BiH. Nakon potpisivanja 1649 ugovora o stipendiranju učenika osnovnih i srednjih škola, Fondacija Hastor je potpisala ugovore sa studentima stipendistima za akademsku 2019/2020. godinu. Radi se o studentima koji su zahvaljujući rezultatima i uspjehu na fakultetu iz prethodne godine zadržali stipendiju, a raspisan je i konkurs s proširenim kriterijima namijenjen isključivo nadarenim studentima s visokom prosječnom ocjenom. Po završetku istog, samo u ovoj školskoj godini Fondacija je stipendirala 2059 učenika i studenata, što je najveći pojedinačni broj stipendista od svih registrovanih fondacija u BiH i regiji.

Neki od studenata su ove godine ugovor o stipendiranju potpisali prvi put, dok je drugima ovo četrnaesta godina kako im Fondacija Hastor pruža podršku. Kao i prethodnih godina, Fondacija Hastor je ustrajala u nastojanju orijentiranom ka razvoju kreativnih potencijala svojih stipendista, kao i u pružanju finansijske pomoći koja ih motivira na realizaciju ideja i zadatih ciljeva, a sve u dugoročnom cilju doprinosa pozitivnim promjenama u bh. društvu.

„Čast nam je što smo imali priliku potpisati ugovore o stipendiranju s ovolikim brojem studenata. Još jedna godina u nizu i rast broja stipendista Fondacije Hastor dokazuje želju da konstantno pomažemo mladim ljudima, ne samo kroz finansijsku podršku, nego zajedno s njima radimo i gradimo njihov uspjeh, ali i ljudskost. Želimo da svi stipendisti, kada jednog dana formalno prestanu biti dio Fondacije Hastor, nastave pomagati drugim ljudima i pojedinačno ispunjavati misiju Fondacije Hastor kroz unapređivanje svojih lokalnih zajednica i rad na pozitivnim promjenama u Bosni i Hercegovini“, istakao je Seid Fijuljanin, direktor Fondacije Hastor.



NAJZNAČAJNIJI DOGAĐAJI

Fondacija Hastor je i ove školske i akademske godine nastavila živjeti i u skladu s tim konzistentno afirmirati svoju dugoročnu misiju koja se ogleda u težnji ka izgradnji prosperitetnijeg i kvalitetnijeg bosanskohercegovačkog društva u čijem su središtu mlade, perspektivne individue. Naime, mjesec septembar i oktobar 2019. godine unutar Fondacije protekli su u svjetlu zaključivanja ugovora sa starim i novim stipendistima. Kao što je to već i općepoznato, broj stipendista Fondacije Hastor konzistentno je u porastu, a tome u prilog govori i činjenica da je ove godine dodijeljeno čak 1 600 stipendija za učenike osnovnih i srednjih škola u cijeloj Bosni i Hercegovini. Direktor Fondacije, Seid Fijuljanin, ističe kako je sa dodatnih preko 400 stipendija namijenjenih studentima s najuspješnijim rezultatima u okviru visokoškolskog obrazovanja, Fondacija došla do cifre od 2059 potpisanih ugovora sa stipendistima. Mladi ljudi, kao okosnica pozitivnih promjena u svim segmentima društvenog života, prepoznati su kao najrelevantniji potencijal u koji Fondacija Hastor već četrnaest godina nesebično ulaže sve raspoložive kapacitete. Sama finansijska pomoć, kao kratkoročni cilj u ispunjenju bazične misije, samo je jedan od segmenata posredstvom kojeg Fondacija ohrabruje mlade, ambiciozne individue nastojeći orijentirati znanje u ispravnom pravcu, pravcu uspjeha i izgradnje budućih lidera i društveno-odgovornih građana BiH.

Potpisani ugovori o stipendiranju za učenike osnovnih i srednjih škola široom BiH

Govoreći u tom smislu, u okviru Fondacije posebno se apostrofira značaj volonterizma svih stipendista koji su njenim dijelom, a sve u skladu s nastojanjem da i sami stipendisti postanu neposredna refleksija svih vrijednosti na kojima ona temelji svoj dugogodišnji rad i progres. Shodno činjenici da je sam broj stipendista Fondacije Hastor u kontinuiranom porastu, te u skladu s predočenom kratkoročnom misijom Fondacije u smislu pružanja finansijske pomoći djeci marginaliziranoj usljed teškog socio-ekonomskog statusa, njene buduće pretenzije referiraju se na proširenje aktivnosti i različitih vidova pomoći mladima s ekonomski najnerazvijenijih područja BiH. Obrazovanje, kao najoptimalnija investicija u težnji ka postizanju sveopćeg progressa, centralna je tačka oko koje Fondacija Hastor organizira svoje djelovanje, te u skladu s tim opravdava svoj slogan:

„Obrazovanje je izbor pobjednika!“

Fondacija Hastor ugostila ambasadora SAD-a Erica Nelsona i Filippa Tattoni-Marcozzija

Kolektiv Fondacije Hastor je 11. decembra 2019. godine imao čast ugostiti ambasadora Sjedinjenih Američkih Država Erica Nelsona i Filippa Tattoni-Marcozzija Nelson kao ambasador vodi aktivnosti Vlade SAD-a koje su usmjerene na unapređenje partnerstava s Bosnom i Hercegovinom na polju sigurnosti, privrednog rasta, borbe protiv korupcije i jačanja vladavine prava. Kroz podršku aktivnostima građana u sferi reformi i napretka Bosne i Hercegovine ambasador Nelson se zalaže za upotrebu domaćih resursa i snaga. Tokom posjete Fondaciji Hastor, bilo je govora o ciljevima i misiji Fondacije Hastor, te mnogim aspektima našeg djelovanja. U tom smislu, razgovaralo se o projektima koje Fondacija implementira u cilju reforme obrazovnog sistema i prilagođavanja potrebama tržišta rada. Čelnici Ambasade Sjedinjenih Američkih Država su bili impresionirani načinom djelovanja Fondacije Hastor, koja svojim radom po-



država i osnažuje djecu i omladinu u nastojanju da postanu samosvjesni lideri u svojim zajednicama. Također, naši gosti su izrazili riječi hvale kada je riječ o doprinosu Fondacije Hastor kompletnom bosanskohercegovačkom društvu, koji se ostvaruje kroz udruživanje raspoloživih finansijskih i ljudskih resursa koji se efikasno usmjeravaju u razvoj obrazovanja. Na samom kraju posjete, ambasador Nelson je imao priliku upoznati nekoliko naših stipendista, te prisustvovati njihovoj volonterskoj radionici na kojoj stipendisti stiču brojna iskustva koja su od izuzetnog značaja za buduće poslovne uspjehe.



Okrugli sto „Unapređenje obrazovanja kroz saradnju privrednih i obrazovnih institucija s primjerima dobre prakse“, održan u Tuzli 20. februara u organizaciji Fondacije Hastor, njemačkog GIZ-a te društva PREVENT Components d.o.o Goražde, prevashodno je bio posvećen diskusiji o mogućnostima učestvovanja privrednog sektora u Bosni i Hercegovini u kreiranju obrazovnih politika. U tom smislu govoreći, krucijalni, ali istovremeno i dugoročni cilj navedenih diskusija

Održan okrugli sto u okviru projekta IDEAL: „Unapređenje obrazovanja kroz saradnju privrednih i obrazovnih institucija s primjerima dobre prakse“

orijentiran je ka usklađivanju obrazovnog sistema s potrebama tržišta rada, a sve u svrhu prevazilaženja sve zapaženijeg problema nedostatka kvalificirane radne snage.

Shodno prethodnom iskustvu koje se ogleda u pozitivnoj praksi u okviru drugih kantona, a koje podrazumijeva svojevrsnu sinergiju i kompatibilnost djelovanja obrazovnog i privrednog domena, održavanje okruglog stola rezultiralo je kreiranjem slične inicijative i na području Tuzlanskog kantona. Podsjećamo da kompanija PREVENT Components d.o.o. Goražde u saradnji s njemačkim GIZ-om

implementira projekat IDEAL – „Poboljšanje i razvoj obrazovnog sistema za plastičare u BiH“, a sve u sklopu programa developPPP.de Njemačkog saveznog ministarstva za ekonomsku saradnju i razvoj. Naime, prethodno su osigurani svi nužni privredni i zakonski preduvjeti da u BPK u okviru formalnog srednjoškolskog obrazovanja u jednoj školi cijelo odjeljenje obavlja praktičnu nastavu za zanimanje plastičar u gradskim kompanijama. Uzimajući u obzir činjenicu da je implementacija navedenog projekta iziskivala ozbiljne pripreme, pa u tom smislu i

kontinuirano zagovaranje na svim nivoima, te u skladu s njegovom dugoročnom težnjom u kratkom je vremenskom roku naišao na podršku i razumijevanje. Riječ je o specifičnom pristupu na polju stručnog formalnog obrazovanja koji će nadalje rezultirati neophodnim usklađivanjem obrazovnog sistema s konkretnim potrebama tržišta rada, a sve u cilju generiranja kvalificirane radne snage i to posredstvom jačanja i unapređenja počevši još od bazičnog nivoa – nivoa redovne praktične nastave.

Također je bitno apostrofirati i činjenicu da je Vanjskotrgovinska komora BiH, kao izrazito relevantan privredni faktor, invo-

lvirana u proces promocije i kreiranja standarda zanimanja, a koncentrirana je na aktivnosti u vezi s animiniranjem bh. privrednih subjekata. Dakle, primarni cilj je da i same bosanskohercegovačke kompanije uzmu svoje učešće u dizajniranju što kvalitetnijih nastavnih planova i programa i u tom smislu u njihovom efikasnom usklađivanju sa specifičnim tržišnim zahtjevima i potrebama. Jedan od najznačajnijih rezultata realizacije projekta IDEAL je i podrška izradi specifičnih standarda za zanimanje predaivač plastičnih masa u formi jedinstvenog dokumenta posredstvom kojeg se determiniraju posebni uslovi, preciznije set znanja i vještina potrebnih za djelovanje u sektoru plastične industrije. Na bazi ustanovljenog standarda za predaivača plastičnih masa podržano je i kreiranje savremenog nastavnog plana i programa za navedeno zanimanje, koji je u potpunosti kompatibilan s potrebama tržišta u domenu bh. plastične industrije.

„Upravo ono što smo uradili u nekoj drugoj lokalnoj zajednici želimo da napravimo i na području, ne samo Tuzlanskog kantona, već i na širem području BiH. Smatramo da takve aktivnosti nisu značajne samo za poslodavce i privredu, već u dugom roku, kako za mlade ljude u BiH i njihove porodice, tako i za samu državu“, ističe direktor Fondacije Hastor Seid Fijuljanin.

Konkurs za likovne radove

U mjesecu oktobru 2019. godine Fondacija Hastor je uz podršku Prevent grupacije raspisala konkurs za najbolje likovne radove svojih stipendista. Pravo na učešće na konkursu su imali svi stipendisti Fondacije Hastor, raspoređeni u tri kategorije:

Najbolji likovni
rad srednjoškolca

Najbolji likovni
rad osnovca

Najbolji likovni
rad studenta

Broj radova s kojima je jedan stipendista mogao učestvovati nije bio ograničen. Tehnike crtanja kao i teme su bile slobodne, a upravo u svrhu izražavanja svega onog što stipendisti Fondacije smatraju vrijednim predstavljanja svojom maštom i kreativnošću. Naime, trebalo je da iznesu ono što oni osjećaju na individualan način, te da pokušaju dočarati i približiti svoja razmišljanja i emocije kroz likovnu umjetnost.

Fondacija Hastor posebnu pažnju posvećuje podsticanju na polju umjetnosti, koja je u posljednjim decenijama marginalizirana u našem društvu. To je od posebnog značaja za one kojima je to način izražavanja, ljubav, i osigurava njegovanje kulture i održava njeno (veoma važno) prisustvo u našim životima.

Komisija je pregledavši pristigle radove odabrala one najbolje u svakoj kategoriji, te su shodno ostvarenom mjestu stipendistima dodijeljeni certifikati i nagrade. Ovakva dešavanja, pored mogućnosti umjetničkog izražavanja kroz Fondaciju Hastor, imaju za cilj zblizavanje velike porodice stipendista, ali i onih koji joj pomažu i vode je ka ostvarenju njenih dugoročnih ciljeva. Fondacija Hastor svim stipendistima i stipendisticama želi mnogo uspjeha i sreće u budućnosti, te ih svakako ohrabruje da nastave usavršavati svoje vještine i da djeluju u pravcu njegovanja i unapređenja svojih afiniteta ka umjetnosti. Čestitamo našim stipendistima čiji su radovi odabrani za najbolje, ali također i svim stipendistima koji su zauzeli učešće u ovom takmičenju i s nama podijelili svoju osobenost.

Literarni konkurs povodom obilježavanja četrnaeste godišnjice kontinuiranog progresa Fondacije Hastor

U aprilu 2020. godine Fondacija Hastor je obilježila četrnaestu godišnjicu posvećenog i progresivnog djelovanja u pravcu poticanja pozitivnih promjena u bh. društvu, i to prvenstveno u jednom od njegovih najznačajnijih segmenata – kvalitetnom obrazovanju mladih ljudi. Shodno novonastalim okolnostima, rođendan fondacije nismo mogli proslaviti na uobičajen način sastankom sa stipendistima iz svih dijelova BiH, te smo, stoga, odlučili ujediniti naše stipendiste tako što smo organizirali literarni i likovni konkurs.

Ideja pomenutog konkursa bila je da svi stipendisti (osnovci, srednjoškolci i studenti), posredstvom kreativnog likovnog i literarnog izričaja, prepoznaju i na njima svojstven način ilustriraju vlastiti doživljaj dugoročne misije i temeljnih vrijednosti koje Fondacija Hastor već četrnaest godina posvećeno njeguje, promovira, ali i živi. Inspirativni literarni radovi stipendista krasili su stranice naših redovnih mjesečnih biltena i po ko zna koji put u nizu afirmirali tezu da naši naporu u pravcu ulaganja u obrazovanje mladih perspektivnih ljudi nisu uzaludni.



U okviru programa „Speak Truth to Power“ održana dvodnevna radionica tematski posvećena zagovaranju ljudskih prava

Prevažodni cilj dvodnevni radionice održanih u Sarajevu u saradnji s Fondacijom društva zajedničkih vrijednosti, a koje nose naziv „Govoriti istinu onima koji imaju moć“ jeste stvoriti perspektivniju sliku bosansko-hercegovačkog društva usmjerivši fokus na prvenstveno mlade ljude kao zagovornike borbe za ljudska prava. Budući da poštivanje ljudskih prava i temeljnih sloboda, koja su na brojnim primjerima u okviru bh. društva neposredno degradirana i ugrožena, predstavlja osnovnu pretpostavku funkcioniranja demokratskog modela društvenog uređenja, od izuzetnog je značaja aktualiziranje upravo ove problematike. Shodno navedenoj orijentaciji primarni akcenat radionica bio je na nastavnicima i profesorima, odnosno ljudima koji profesionalno djeluju-

jući u domeni obrazovnog sistema svoje znanje prenose na mlade osobe, kao elementarne nosioce budućnosti. Suština se zapravo ogleda u tome da se posredstvom uvida u konkretno zalaganje branitelja ljudskih prava u svijetu ekspliciraju primjeri koji će nadalje biti u funkciji svojevrsne inicijalne osnove za implementiranje borbe za ljudska prava u školama, zajednicama te gradovima, što će se svakako posljedično reflektirati i na sliku bh. društva u cjelini.

Direktor Fondacije Hastor, Seid Fijuljanin, apostrofirao je činjenicu da bi se esencijalna težnja u okviru ove problematike na području BiH trebala ogledati u nastojanju izgradnje kvalitetnijeg i perspektivnijeg bh. društva u smislu promoviranja i poštivanja

ljudskih prava i to posredstvom borbe za bolje sutra, kako za sebe, tako i za svoju zajednicu. Ishod realizacije navedenog seminara je promoviranje 40 mladih lidera u svojstvu zagovornika ljudskih prava na nivou vlastitih lokalnih zajednica.

Ideja za organizaciju ovih radionica potekla je od američke fondacije „Robert F. Kennedy Human Rights“, a plan je uspostavljanje regionalne mreže kako edukatora, tako i boraca za ljudska prava na području Zapadnog Balkana. Tokom tekuće godine planirana je i organizacija još jednog seminara sličnog tipa, a koji bi pored profesionalaca iz oblasti obrazovanja, okupio i donosioce odluka.



Uspostavljanjem modernog obrazovnog sistema do kvalificirane radne snage i dugoročnog odgovora potrebama tržišta rada

U saradnji s Prevent grupacijom, a uz podršku Njemačkog društva za međunarodnu saradnju GIZ, u okviru programa DEVELOPPP.de Fondacija Hastor implementira projekat „IDEAL „Poboljšanje i razvoj obrazovnog sistema za plastičare u BiH“.

U cilju efikasnog, dugoročnog odgovora savremenim potrebama tržišta rada, kao i u cilju prevazilaženja sve izraženijeg problema nedostatka kvalificirane radne snage u različitim industrijskim domenima, saradnja projektnih partnera, bh. kompanije PREVENT Components d.o.o. Goražde, Njemačkog društva za međunarodnu saradnju (GIZ) i Fondacije Hastor, sa Ministarstvom obrazovanja BPK-a,

Srednjom stručnom školom „Džemal Bijedić“, Goražde i Agencijom za predškolsko, osnovno i srednje obrazovanje (APOS0) i rezultirala je uspostavljanjem modernog obrazovnog sistema za zanimanje prerađivač plastičnih masa.

Navedeni obrazovni sistem uspostavljen je značajnoj mjeri i prilagođavanjem specifičnim zahtjevima i potrebama prevashodno privatnog sektora u BiH, a njegova konkretna implementacija počela je od školske 2019/2020.

Bitno je istaći da je stručno obrazovanje za zanimanje prerađivač plastike dostupno u samo jednoj školi u BiH, u JU Srednja stručna škola „Džemal Bijedić“ Goražde, a izuzetno značajan praktični segment nastave omogućen je u pogonima kompanije PREVENT Components.

Savremenim nastavnim planom i programom za zanimanje prerađivač plastičnih masa precizno je determinirano na čemu će mentor konkretno raditi s učenicima pri svakom dolasku na praktičnu obuku u pogon kompanije.



Naime, akcenat je na individualnom pristupu svim učenicima i njihovom raspoređivanju po različitim segmentima proizvodnog procesa kako bi na taj način svaki od učenika dobio optimalniji i potpuniji uvid u sve elemente rada i njihov značaj za cjelokupni proces proizvodnje.

Preporuka odgovornih osoba u PREVENT Components-u je i da se na bazi pomenutog savremenog nastavnog plana i programa i za druga zanimanja izrade novi standardi i to shodno potrebama privatnog sektora. S obzirom na činjenicu da je plastična industrija brzorastući i veoma jak privredni sektor u BiH, te shodno uočenom deficitu kvalitetne radne snage, utjecaj privrednog sektora na kreiranje obrazovnih politika, naročito kada je riječ o stručnim zanimanjima, od iznimnog je značaja.

Efikasnom kooperacijom i adekvatnom usklađenošću privrednih subjekata i obrazovnog sistema, sve izraženiji problem deficita, kao i potražnja za kvalificiranom radom snagom bili bi u velikoj mjeri riješeni. Pored učenika koji praktičnu nastavu obavljaju u kompaniji Prevent Components, dio učenika praktičnu nastavu obavlja i u kompanijama EMKA i EBI.

Važnost ovog projekta kako za učenike, tako i za samu industriju obrade plastike, direktor Fondacije Hastor Seid Fijuljanin opisuje sljedećim riječima:

„Djeca ne samo da do sada nisu imala priliku da rade praktičnu nastavu u kompanijama, već mnogi od njih nisu ni znali kako izgleda jedan radni pogon za ono zanimanje za koje se oni zapravo školuju.

To je jedan od velikih uspjeha ovog projekta jer, ne samo da će se djeca upoznata s radnim procesima i modernim tehnologijama, već će biti u prilici da zavole rad i ono što ih čeka u budućnosti.

Poslodavci i kompanije su shvatili da je to za njih jeftino bez obzira o kakvom

ulaganju govorimo, a roditelji i djeca shvatili su da onaj ko ne želi da se nastavi školovanje dalje i želi da nakon srednje škole počne stvarati uvjete za egzistenciju, za to će imati izvrsnu priliku u jednoj modernoj firmi.”

Jedan od najrelevantnijih doprinosa ovog projekta je i podrška izradi standarda za prerađivača plastikčnih masa kojim su na dugoročnoj osnovi i definirani specifični uslovi, znanja i vještine neophodni za obavljanje ovog zanimanja. U skladu s ustanovljenim standardom, kao svojevrsnom bazom daljeg procesa, izvršeno je i usklađivanje nastavnog plana i programa koji je orijentiran ka zadovoljavanju tržišnih potreba, a dugoročno i ka povećanju izvjesnosti zaposlenja po završetku srednjoškolskog stručnog obrazovanja.

Druga faza projekta odnosi se na neformalno obrazovanje, pri čemu je u toku izrada Programa za obrazovanje odraslih, prema kojem će se vršiti obuka nezaposlenih osoba za zanimanje Prerađivač plastikčnih masa. Finaliziranje projekta planirano je za mjesec septembar 2021.



**Tim stipendiste
Muamera
Duratbegovića odnio
pobjedu na Hifa Oil
Student Competition
2019**

Hifa Oil, vodeći privatni distributer nafte i naftnih derivata u BiH je, prvi put u Tešnju, 18. novembra organizovala Hifa Oil Student Competition 2019. Na takmičenju su učestvovali timovi sa 4 bosanskohercegovačkih univerziteta: Ekonomski fakultet Univerziteta u Zenici, Sarajevu i Banjoj Luci, te Sveučilišta u Mostaru.

Zadatak je bio osmisлити kako povećati prodaju na maloprodaji, gdje su timovi davali različite prijedloge i ideje, od kojih je samo jedna mogla biti najbolja. Pobjedu na takmičenju odnio je tim iz Zenice, a više o samom takmičenju rekao je dugogodišnji stipendista Fondacije Hastor Muamer Duratbegović, član pobjedničkog tima.

„Naš tim brojao je 5 članova, od kojih su 4 bila s katedre menadžmenta, i jedan s katedre računovodstva i finansija, gdje sam bio zadužen za finansijsku opravdanost implementacije ideja kao član tima s katedre za finansije“, ističe Muamer.

„Ostali timovi, za razliku od nas, nisu finansijski opravdali svoju ideju, a pobjeda na takmičenju mi je potvrdila da je u ekonomiji finansijski dio ipak najvažniji, jer ideja nije bitna ukoliko nije profitabilna!“

Pobjedu je, kaže, odnio tim koji je imao najbolje prijedloge, a tim Univerziteta u Zenici je odnio pobjedu jer su svaki detalj razradili i pokazali kako je finansijski opravdan, tj. računski prikazali njihovu isplativost. Za Muamera je takmičenje predstavljalo priliku da u praksi primijeni ono što je do sada učio na fakultetu, a mi ne sumnjamo da će on i u budućnosti ostvariti brojne uspjehe kroz oblast u kojoj je najbolji.



Stipendistica Fondacije Hastor Džana Vrabac, dobitnica Zlatnog novčića Grada Sarajeva

U nastavku donosimo priču o našoj „zlatnoj“ stipendistici Džani Vrabac, koja se za samo šest mjeseci, otkako je dijelom naše fondacije, istakla kao izuzetno vrijedna volonterka, i najvažnije od svega: dobar drug. Za što je zovemo zlatnom, saznajte u nastavku ispisanih redova o Džani koji će vam, nadamo se, biti jednako inspirativni kao što su nama.

Džana Vrabac je rođena u Sarajevu, gdje je završila Srednju medicinsku školu Jezero. Svoje korake ka akademskoj tituli ipak je nastavila u drugačijem polju izučavanja buduću da upisuje Fakultet političkih nauka na Odsjeku za socijalni rad i postaje član upravnog odbora Asocijacije studenata Fakulteta političkih nauka SPONA. Već početkom srednje škole počinje biti aktivna u nevladinom sektoru, te volontirati u različitim organizacijama. Jedan od projekata u kojima je uzela učešće jeste „Trening za ženska ljudska prava i EU integracije“ koji je organizovan od strane Helsinškog parlamenta građana, a u okviru istog projekta trenutno

radi na izradi studentskog rada na temu „Položaj žena migrantkinja u toku migrantske krize u Bosni i Hercegovini“. Za postignuti uspjeh već nakon prve godine studiranja odlikovana je Plaketom za izvrsnost u znanju i Zlatnim novčićem Grada Sarajeva, od strane gradonačelnika Abdulaha Skake.

“Tokom izrade i realizacije različitih projekata najveći fokus je na zagovaranju potreba osoba koje pripadaju marginalnim skupinama društva, prvenstveno su to osobe s invaliditetom, djeca u stanju potrebe te migranti. Kroz radove se trudim da povećam senzibilitet ljudi prema onima koji su zaista ugroženi i kojima je pomoć potrebna.

Međutim, ono najljepše što mi se desilo u proteklih šest mjeseci jeste da sam postala stipendistica Fondacije Hastor.

Slobodno mogu reći da nisam mogla ni sanjati da će se to dogoditi i da ću jednoga dana postati dijelom ove velike porodice.

Već tokom prvih susreta sa članovima Fondacije dojmila me je ljudska toplina i veliko srce koje imaju i nastoje uljepšati živote ostalim ljudima. Smatram da je misija Fondacije Hastor ono što ovaj svijet čini zaista lijepim mjestom. Ispunjavaju ljudske domove i živote osmijehom, uljepšavaju naredne dane i budućnost mnogim mladim ljudima, a nas stipendiste uče da postanemo onaj najbolji dio društva, prije svega da postanemo ljudi! Adekvatnu riječ zahvale nemam, jer je svako hvala malo za ono što sam dobila u ovoj fondaciji! Ovo bih završila citatom Margaret Mead: ‘Nikad nemojte sumnjati u to da mala grupa građana posvećenih određenom cilju može promijeniti svijet. Doista, to je jedino što ga je ikada i mijenjalo.’ Ja smatram da je to Fondacija Hastor i ponosna sam što sam dio ove velike porodice, koja mi je podrška i motiv da nastavim dalje, da se trudim i radim, pružim ruku onima kojima je najteže, te da od mene kao individue započnu bar minimalne promjene u društvu.“

USPJEŠNE PRIČE STIPENDISTA



Aldijana Zukić

***Stipendistici Fondacije Hastor
Aldijani Zukić, kao jednoj od
najboljih studentica i studenata
Pravnog fakulteta u Mostaru,
dodijeljena Dekanova nagrada***

Fondacija Hastor želi posvetiti pažnju studentima stipendistima koji su svojim trudom, upornošću i radom postigli zavidne rezultate tokom školovanja i time postali vlasnici raznih priznanja. Jedna od njih je naša Aldijana Zukić iz Mostara, koja je tokom svojih studija u pomenutom gradu, sa sobom ponijela Dekanovu nagradu. Aldijana nam je ispričala kako je njen put školovanja izgledao.

Nakon završene osnovne škole upisala je Drugu gimnaziju, pedagoški smjer. Budući da je tokom srednjoškolskog obrazovanja postigla odličan uspjeh, postojala je mogućnost da upiše neki od danas prestižnih fakulteta u BiH, ali se ipak odlučila da izabere ono što je bila njena želja od djetinjstva: Pravni fakultet u Mostaru. Od prvih studentskih dana se trudila i nastojala da pokupi što više znanja od profesora pomenutog fakulteta, a pored obavezne, redovno je čitala i dodatnu literaturu iz oblasti koje su je više zanimale.

Trud koji je uložila tokom prve godine fakulteta se isplatio, te je kao krunu svega toga dobila Dekanovu nagradu, čime je proglašena jednim od deset najboljih studenata Pravnog fakulteta u Mostaru. To joj je kako kaže, bio veliki podsticaj i motivacija za buduće napredovanje i usavršavanje. Uskoro upisuje treću godinu, a njeni planovi su svakako da nastavi školovanje i da jednog dana položi advokatski ispit.

“Planiram da ostanem u Bosni i Hercegovini, jer smatram da mladi treba da se potrudite i da urade sve što je u njihovoj moći da poboljšaju i promijene nabolje život u našoj domovini. Ukoliko se ukaže prilika, željela bih da i određeni segment obrazovanja steknem na nekom od prestižnih univerziteta u Evropi, koji bih svakako iskoristila u svojoj državi. Član sam Fondacije Hastor već tri godine, i tokom tih godina sam upoznala mnogo ljudi i sklopila brojna prijateljstva. Iako sam u početku mislila da ću od Fondacije dobiti samo finansijsku pomoć, već sam se tokom prvog mjesečnog sastanka uvjerila u suprotno. Tokom volontiranja sam naučila dosta novih stvari te svakako stekla određene vještine s kojima se prije ovoga nisam susretala. U budućnosti želim na određeni način pomagati drugima, jer sam se sama uvjerila koliko znači pomoć i podrška drugih.

***Zahvalna sam,
a svakako da mi
je velika čast biti
članom ove porodice,
što i ističem u svakoj
prilici.”***



Sara-Medina Šehović

Stipendistica Sara-Medina Šehović ostvarila plasman za Evropsku olimpijadu iz fizike

Bosna i Hercegovina je zemlja sa bogatim prirodnim i kulturno-historijskim naslijeđem, ali i zemlja sa mnogo talentovanih mladih osoba.

Jedna od takvih talentovanih i vrijednih osoba jeste i Sara-Medina Šehović, učenica četvrtog razreda PU Gimnazije "Richmond Park College" Sarajevo, a naša stipendistica je nešto više od godinu dana. Kaže da je još

kao mala s lakoćom rješavala zada tke koji nisu bili predviđeni za njen uzrast, a od osnovne škole učestvuje na takmičenjima iz fizike. Njena ljubav prema prirodnim naukama nastavlja se i u srednjoj školi, gdje niže uspjehe na kantonalnim, federalnim i državnim takmičenjima. Sara-Medina posebno izdvaja sljedeće uspjehe: Kantonalno takmičenje iz fizike, grupa A3; 3. mjesto, te Federalno takmičenje iz fizike, grupa B;1. mjesto. Posljednje takmičenje, koje je održano 22. i 23. februara, bilo je izborno takmičenje za Evropsku olimpijadu iz fizike, na kojem je naša stipendistica ostvarila treće mjesto, te samim tim i plasman na EuPho, koji se ove godine početkom juna trebalo održati u Rumuniji. Medina kaže da pred sobom ima mnoga takmičenja u kojima će se boriti za prolazak na Međunarodnu olimpijadu iz fizike. U slobodno vrijeme voli da čita, a nepresušna inspiracija joj je, kako kaže, priroda, za čije funkcionisanje fizika uvijek ima odgovor.

"Fondacija mi je, prije svega, omogućila nove prijatelje. Način na koji funkcioniše je zaista poseban. Svi stipendisti su povezani, te su mnogi od nas ostvarili i neraskidiva prijateljstva. Zbog toga, sastanke u Fondaciji vidim kao skup s prijateljima sa zajedničkom željom da naučimo nešto novo."

Ponosni smo i sretni što ispunjavamo svoje ideje i vizije – pomoći mladim ljudima, finansijski, moralno i edukativno, da postanu savjesni akademski građani koji će moći da aktivno djeluju, kako u zajednici, tako i šire.

Svestranost je faktor koji najbolje opisuje naše stipendiste: Irma Lipovac, članica Teatra mladih u Mostaru

Fondacija Hastor, kao i uvijek, posvećuje pažnju svojim stipendistima koji su trudom, radom i upornošću postigli vrijedne rezultate tokom školovanja i time postali vlasnici raznih priznanja i diploma. Naša sedamnaestogodišnja stipendistkinja Irma Lipovac iz Konjica je jedna od njih.

Osnovnu školu je završila odličnim uspjehom, a srednjoškolsko obrazovanje nastavlja u Drugoj gimnaziji u Mostaru, na Matematičko-informatičkom smjeru. Kroz svoje obrazovanje stekla je brojne diplome i pohvale na takmičenjima različitih nivoa, iz raznih oblasti matematike, fizike, hemije, informatike, bosanskog jezika i književnosti i turskog jezika. Pored ovih takmičenja učestvovala je i na takmičenjima u pisanju eseja i izradi digitalnih fotografija na kojima je, također, ostvarivala zapažene rezultate. Irma je, kako kaže, zaljubljenik u umjetnost. Pisanje eseja, čitanje knjiga i slikanje, stvari su koje je čine sretnom i ispunjenom. Brojne školske sekcije kroz koje je prošla i prolazi, pomogle su joj u ostvarenju mnogih želja i hobija koji je čine bogatijom za nova isku-



Irma Lipovac

stva i poznanstva. Navodi da je već i kao djevojčica voljela dramske igre, pozornicu i predstave. Svoje prve pozorišne izvedbe imala je u Konjicu, a odlučila je svoje ideje, misli i poruke iznositi i pred mostarskom publikom, te je prije godinu dana postala članicom Mostarskog teatra mladih.

„Za moje ostvarene ciljeve u dosadašnjem radu veliku zaslugu ima Fondacija Hastor. Ova porodica, slobodna sam da je tako nazovem, obogatila je moje znanje uveliko. Zahvalna sam Fondaciji na podršci koju mi pruža, ali i odgovornosti i načinu kojem me uči da, kao član Fondacije, provodim svoje vrijeme. Želja mi je da ostvarim svoje snove, da budem uzor i primjer mnogim mladima naraštajima, da pokažem da se svaki trud isplati, a snovi postaju stvarnost."

Stipendistica Ana Milijević učestvovala na Šestoaprilskoj online izložbi u Historijskom muzeju

Strast prema umjetnosti započela sam u Osnovnoj muzičkoj školi „Mladen Pozajić“, na Odsjeku za klasični balet i klavir. Po završetku sam izabrala drugu vrstu umjetnosti kao svoj životni poziv, upisavši Srednju školu primijenjenih umjetnosti, Odsjek za slikarstvo. Odlučila sam da je to put po kojem želim da idem, nastavivši ga na Akademiji likovnih umjetnosti, također, na Odsjeku za slikarstvo.

Za Anu je mjesec april 2020. godine bio poseban po učešću na Šestoaprilskoj izložbi u Historijskom muzeju, koja je održana online, zbog novonastalih okolnosti. Ana ističe da je za nju uzvišen osjećaj pojavljivanje na ovakvom događaju, gdje je svojim likovnim djelom odgovorila na pitanje WAS IST WALTER? Šta je Sarajevo danas?

Stipendistica Ana Milijević dijelom je Fondacije Hastor tek nepune dvije godine, ali taj kratki vremenski period bio je sasvim dovoljan da se istakne kao izuzetno marljiva volonterka. Ana je uzela učešće u brojnim projektima Fondacije Hastor, a neke od njih je i sama predlagala i osmišljavala. Također, članica je tima grafičkog dizajna, u okviru kojeg svoje obaveze obavlja izvanredno.

„Na početku same želje da poklonim nešto ovom gradu, stajalo je duboko intimno pitanje o njegovoj srži i o onome što ga najbolje opisuje. Obuze me vrtlog kojeg su sačinjavali različiti simboli Sarajeva, no, pitala sam se, postoji li simbol koji nije obojen određenom nacijom, religijom, tradicijom ili običajem, a opet uspijeva da ujedini sve navedeno?“

U ljudskoj srži je da osvoji, to je valjda ono nagonsko u nama što nas podsjeća da u nama leže gladne životinjske potrebe koje moramo zadovoljiti. Baš zbog toga, svako od nas želi malo Sarajeva za sebe, bojeći ga u boju vlastitog interesa, oblikujući ga po svojoj mjeri. Agresivni, sebični, često neumjesni, kidali smo grad na komadiće. Kidali, ali nekom čudnom potrebom i strašću nakon toga lijepili bismo te komade, svako na svoj način. Ma kako da smo znali uništavati, razarati, uvijek bismo slijepom snagom svoje ljubavi pronalazili put ka ujedinjenju rasutog Sarajeva.

Koliko je samo puta Sarajevo tako umiralo i ponovo se rađalo? Koja je to neobjašnjiva snaga njegovog opstanka? Vatra. Vatra mame, tate, nane, dede, bake, strine, amidžinice. Ruke oslikane unutar mog djelu su ruke svih njih, ogrijane Vječnom vatrom, tim simbolom koji ujedinjuje sve komadiće Sarajeva.



Toplota ruku je u snažnom kontrastu s rukama koje ne primaju toplotu Vječne vatre. To su ruke u kojima ne vrišti duh za slobodom, ljubavlju, predanošću i uvijek ponovnom borbom. One ostaju hladne. Kao što je to bilo nekada i dalje opstajemo na osnovu te Vatre koju često stavljamo pod suvišno pitanje. Vjerujem da ćemo vječno u njoj pronalaziti snagu da mirimo naše različitosti, njegujući ih kao srž našeg grada.”



Stipendista Fondacije Hastor Kemil Bekteši učesnik talijanske online izložbe „Insieme“/“Zajedno“

ničke postavke, do animiranih reprodukcija umjetničkih radova. Jedan od vidova online izložbi je i postavljanje reprodukcija radova na privremene web-stranice, a upravo takav oblik poprimila je online izložba koju je organizovao mladi italijanski režiser i umjetnik Gianmarco Donaggio. Na poziv gospodina Donaggia, na spomenutoj izložbi učestvovao je i umjetnički dvojac iz Sarajeva, SINovi, predstavljajući rad “Contemporary (Re) Production”. Iako se originalno radi o videoradu, zbog specifičnosti online postavke, rad je modifikovan u format gif-a.

Umjetnički duo SINovi produkt je dvogodišnjih rasprava i analiza savremene umjetnosti, te međusobnog savjetovanja dva mlada umjetnika, Kemila Bektešija, stipendiste Fondacije Hastor i Adne Muslija, studentice master studija slikarstva na Akademiji likovnih umjetnosti u Sarajevu, koji su višesatne razgovore odlučili pretočiti u sintetiziranu umjetničku praksu.


Pandemija virusa COVID-19 svoj danak je uzela i u umjetničkom svijetu, pa su zbog restriktivnih mjera zabrana kretanja i socijalnog distanciranja otkazana sva otvorenja izložbi, a sve galerijske i muzejske postavke su zatvorene za javnost. Tako se i umjetnost, kao i većina ljudskih djelatnosti danas, premjestila iz realnog u virtuelni svijet. Online izložbe postale su općeprihvaćena alternativa, koja je do sada poprimila različite oblike – od virtuelnih simulacija galerijskog prostora, videomaterijala koji bilježe umjet-

Zbliženi pitanjem identiteta i nedoumicom “Ko smo, šta smo i kome pripadamo?”, postavili su zajedničko pitanje “Kuda idemo?”. Umjetnička praksa, čiji se konceptualni osnov može sažeti u dijalektiku pojmova tradicija – politika - cenzura, spoj je tradicionalnih i savremenih likovnih tendencija.

SINovi svojim radom žele potaknuti dijalog, kritičko razmišljanje i propitati ono o čemu se šuti, s uvjerenjem da umjetnost koja podstiče diskusiju može biti generator društvenih promjena i razvoja građanske svijesti. Do sada su svoj rad predstavili u prostorijama Kolektiva Odron, izložbom SIN teza.

Kemil Bekteši rođen je u Beogradu, gdje započinje svoje osnovno obrazovanje, a završava ga u Sarajevu. U Sarajevu je pohađao Srednju školu primijenjenih umjetnosti na Odsjeku za slikarstvo u klasi prof. Nevenke Ilić Georgijević.

Nakon završene umjetničke škole, upisuje slikarstvo u klasi prof. mr. Amera Bakšića na Akademiji likovnih umjetnosti u Sarajevu. Jedan semestar studija provodi u Portugalu, gdje je slikarstvo učio u klasi prof. Domingosa Loureiro na akademiji u Portu. Pored slikarstva bavi se skulpturom i grafikom, a posebnu pažnju pridaje konceptualnoj umjetnosti i umjetnosti performansa. Do sada je izlagao na nekoliko grupnih izložbi u Sarajevu, Beogradu i Trebinju, Banjoj Luci, te jednoj samostalnoj, kao član dua SINovi. Trenutno živi u Sarajevu.



“Novonastala situacija prouzrokovana pandemijom COVID-19 podsjetila nas je da je solidarnost ljudska osobina, koju ne smijemo zaboraviti, te ukazala nam koliko zapravo ovisimo o međuljudskim odnosima i kontaktima. Rad “Contemporary (Re)Production” podsjeća posmatrača da se život, ali i umjetnost, baziraju na suodnosima, kolaboracijama i tiho govoreći ‘Jedno nije dovoljno’. “

Modna priča u Bosanskom Petrovcu, projekat stipendistice Belme Gutlić

Odlikovana je brojnim priznanjima na takmičenjima iz domena likovnog stvaralaštva, a trag o sebi željela je ostaviti kroz modu, pa je znanja stečena na studiju dizajna tekstila i odjeće u Bihaću pretočila u projekat „Modna priča u Bosanskom Petrovcu“, čije vam detalje donosimo u nastavku.

Problem prilično ugašene tekstilne industrije u Bosanskom Petrovcu i oživljavanje iste kroz kurs šivenja i upoznavanje s cjelokupnim procesom nastanka odjevnih predmeta istovremeno je bijeg od ustaljene svakodnevnice i skromnog programa za mlade kroz novi vid edukacije i interakcije koji potiče kreativnost i produktivnost, ali nudi i mogućnost samozapošljavanja.

Unutar svoje lokalne zajednice u martu Belma odlučuje pokrenuti pisanje projekta „Modna priča u Bosanskom Petrovcu“ koji je usko vezan za njenu buduću struku s nadom da će prenijeti stečena znanja i poku-

šati pokrenuti mlade na kreativno djelovanje mentorstvom na radionicama uz šnajdericu s visokim stepenom iskustva. Kako je interaktivni program u Bosanskom Petrovcu jako skroman, pokretanjem ovakvog tipa radionica Belma je pokušala povezati osobe bez zaposlenja ili s viškom slobodnog vremena koje žele korisno usmjeriti. Mlađi poznavaoци zanata krojenja i šivenja su postali rijetkost, zbog čega je i pokrenula inicijativu. Posebnost ove modne priče leži još u tome što, pored činjenice da znanje mogu iskoristiti oni maštoviti ili izbirljivi i kreirati odjevne predmete po svom ukusu, poznavanje ovog zanata može obezbijediti i finansijsku neovisnost.

„Situacije sa kojima sam odrastala oblikovale su moju estetiku vrlo lično. Radi se o dizajniranju s drugačijom stranom razmišljanja, o tumačenju nečega što postoji i nečega što ima jak DNK i usmjeravanju da radi na moj način, ali na način koji i dalje ima smisla. Mislim da je zaista važno ne izgubiti trag o sebi. Moda se kreće tako brzo i možete se lahko uhvatiti u tom vrtlogu.“

Dodatna vrijednost ovog projekta je inkluzija osoba s invaliditetom njihovim učešćem u kreativnim radionicama i obavljanjem aktivnosti koje su unutar njihovih mogućnosti. Kako kreativne radionice nude širok spektar aktivnosti od istraživanja, preko procesa iscrtavanja ideje i razvijanja iste do izrade gotovog odjavnog predmeta, osobe s poteškoćama na mnogo načina mogu izraziti svoje ideje, zamisli i biti pomognuti od strane volontera da iste i ostvare.



Da mali ljudi, pojedinci, čine čuda i uspijevaju isključivo zahvaljujući svom trudu i upornosti, dokaz je priča o našoj Belmi Gutlić, koja je stipendistica Fondacije Hastor već trinaest godina. Vjetar u leđa koji je dobila od nas iskoristila je za svoje sopstvene vjetrenjače. Belma Gutlić po finaliziranju Mješovite srednje škole u Bosanskom Petrovcu, upisuje Tehnički fakultet u Bihaću na odsjeku Dizajn tekstila i odjeće, gdje je trenutno studentica treće godine.



Kenan Kraković

Prvi put u BiH: Fly Lab-laboratorij za istraživanje vinske mušice, projekat stipendiste Kenana Krakovića

O Kenanovoj posvećenosti i napretku u predmetu njegovog interesovanja svjedoče brojna postignuća na državnim i regionalnim takmičenjima, kao i učešća u okviru mnogih projekata. Pohađanje Srednje medicinske škole u Bihaću okončao je titulom učenika generacije, a svoje obrazovanje odlučio je nastaviti na Burch Univerzitetu u Sarajevu, kao što smo već spomenuli, na studijama Genetike i bioinženjeringa. Na svojoj drugoj godini studija, pored ostvarenog prosjeka ocjena 10.00, postao je Amgen Scholar (Amgen Scholars je program koji širom svijeta bira najbolje studente i pruža im priliku za istraživački rad na najvećim svjetskim institutima). Njegov rad se ticao Alzheimerove bolesti, radio ga je na Institutu Karolinska u Štokholmu, a rad je potom predstavljao na simpozijumu Cambridge Univerziteta. Projekat koji je Kenan nedavno odlučio pokrenuti jeste Fly Lab – laboratorij za istraživanje vinske mušice, koji je prvi ove vrste u našoj zemlji.

Fondacija Hastor se uvijek može pohvaliti velikim brojem stipendista koji ostvaruju zapažene rezultate na polju obrazovanja i nauke. Među njima je svakako i Kenan Kraković, student završne godine odsjeka Genetika i bioinženjering Fakulteta za inženjering i prirodne nauke na Međunarodnom univerzitetu Burch u Sarajevu.

Koliko nas zna za važnu ulogu tako malog organizma kao što je vinska mušica? Kako Kenan kaže, radi se o organizmu koji dijeli veliki broj gena s ljudskim genima, i to je čini idealnim model-organizmom za izučavanje u genetici i srodnim naukama. Objašnjava da smo dosta naučili o stečenom imunitetu, embriogenezi, hromozomima, o tome kako raspoznavamo i pamtimo mirise upravo putem vinske mušice. Kenan se nada da će osnivanjem ovog laboratorija uspjeti povezati više univerziteta i gradova u BiH te ponuditi studentima priliku za praksu na ovom modelorganizmu, i na taj način doprinijeti razvijanju kritičkog razmišljanja studenata. Kenan će u narednom periodu odraditi praksu na vinskoj mušici na Institutu za molekularnu biotehnologiju u Beču, istom institutu gdje je njegova profesorica Amina Kurtović-Kozarić završila svoj doktorski rad, upravo na temu vinske mušice. Nada se da će na taj način biti uspostavljena dugoročna profesionalna saradnja s Univerzitetom u Beču i Institutom za molekularnu biotehnologiju. Također, Kenan i njegova profesorica su već uspostavili saradnju i vezu s jedinim Fly Lab-om u Hrvatskoj, a kojeg vodi profesorica Rozi Andrečić. Kenan očekuje da laboratorij krene s radom u februaru 2020. godine. S obzirom na to da su potrebna određena finansijska sredstva, pokrenuo je i crowdfunding kampanju putem koje svako može donirati bilo koji iznos novca. Kenan je primjer kako jedan student može pokrenuti veliki projekat, donijeti nešto novo u BiH.



Dženefa Kauković objavila knjigu „Da li sam preživjela?“



Dženefa Kauković, poznatija je po nadimku Džana, kojim je potpisala svoju prvu autorsku knjigu pod naslovom „Da li sam preživjela?“ Studira Predškolski odgoj na Pedagoškom fakultetu u Bihaću i ove godine je uspješno završila prvu studijsku godinu. Džana nam otkriva da piše onda kada sebi ne može objasniti sebe, kada želi podijeliti ljubav, reanimirati srce, ispustiti tugu ili osjetiti bilo koji osjećaj koji želi podijeliti. Pored pisanja, svoje slobodno vrijeme provodi u prirodi, fotografišući ono što je oko nje, kako bi ispunila „ladice sreće“ koje se nalaze unutar nje. Avanturista je i voli upoznavati nove ljude, mjesta i gradove, a bavi se i dizajnom interijera. Sloboda je jako važan segment Džaninog života, pa je to pretočeno i u njeno pisanje: sloboda riječi, djela, ljubavi i svih drugih sitnica.

„Život se sastoji od sitnica i momenata koje moramo primijetiti, voljeti i uhvatiti.“

Izdavanje knjige bio je težak put za Džanu koja je pomalo skeptična i svjesna težine takvog poduhvata. Ipak, uz podršku i pomoć njenih bližnjih ostvarila je svoj san.

„Kao neko ko piše od svoje 8. godine, a u 12. se opredjeljuje za poeziju, dajem sebi za pravo da je hrabrost podijeliti svoje tekstove ili u mom slučaju pjesme s nekim, tj. s javnošću. Iznijeti na svjetlo dana sve ono što je samo unutar nas skriveno je hrabrost, jer je to najkrhkiji dio nas, naše emocije.“

Svojom knjigom željela je pomoći mladim ljudima da pronađu sebe čitajući njeno preživljavanje i suočavanje s emocijama. Jedan od problema svakako su bile finansije. Kako nije imala dovoljno novca da samostalno finansira knjigu, na prijedlog prijateljice je počela sakupljati novac na društvenim mrežama. Brojni poznanici i prijatelji su se odazvali na akciju i uskočili u pomoć znajući da je izdavanje knjige Džanin dugogodišnji san, na čemu je Džana zahvalna. U izdavanje knjige bila je uključena izdavačka kuća „Planjax“ koja je stampala i izdala knjigu.

„Objaviti knjigu ili drugim riječima ostvariti san nije mala stvar te kroz sav taj proces nisam bila svjesna šta se uistinu događa jer sam bila u viru obaveza i organizacije promocije koja je na kraju, nažalost, odgođena zbog pogoršanja situacije s pandemijom koronavirusa, ali kada je knjiga došla, na moj rođendan, tek tad sam postala svjesna i preplavile su me sve emocije. Nesebično, zaista sam ponosna na sebe jer znam šta sam sve uložila, a ponajviše ono najvrednije što imam, sebe.“

Ono što je Džana potvrdila redakciji jeste da će se knjiga „Da li sam preživjela?“ možda prevesti na engleski jezik i štampati van granica Bosne i Hercegovine te da već radi na pisanju druge knjige koja bi se uskoro trebala naći u rukama publike. Džana svim piscima poručuje:

**„Ako je to ono što vi želite, ako je to ono što će vas učiniti sretnima, nikada nemojte odustati, uvijek ustanite i ponovite sebi zašto to želite, jer kada nešto želite, svim atomima sebe, onda to podarite i sebi i svijetu.
Za kraj moja poruka bi bila ista ona kojom sam završila svoju knjigu:
Vjerovala sam u svoje srce, ono me nikad nije izdalo.“**

Vjerujte i Vi...“



ERASMUS

program studentske razmjene iz perspektive naših stipendista

Redovno smo, u izdanjima ovogodišnjih biltena, čitali i pratili nekoliko naših studenata koji su bili dijelom programa razmjene studenata i dio svog studija proveli na inostranim univerzitetima. Kroz prelijepu putopise i iskustva Narcise Hadžajlić, Nejle Komar, Amina Sejfića do zapisa o studiju i životu na Cambridgeu naše Lejle Korman, osjećali smo se i sami dijelom njihovih priča. U našu fondaciju su konstantno unosili note novih i drugačijih tački gledišta, iskustava i znanja.

Amin Sejfić, student Ekonomskog fakulteta u Sarajevu i stipendista Fondacije Hastor već šestu godinu, proveo je posljednji semestar svog master studija na Univerzitetu u Glasgowu. Amin nam je slao divne priče svojih iskustava i zaključio:

„Dovoljno puta u životu sam shvatio da ako nešto želim dovoljno jako i ako sam u svojoj glavi čist i odlučan da to postignem, gotovo ništa nije nemoguće. Ako imate pravi cilj u koji vjerujete i za koji ste spremni uložiti šta god je potrebno, istrajte na tom putu jer će se samo tako i one kockice koje vi sami možda ne možete pomjeriti, posložiti na način da vi dostignete svoj cilj. Ljudi su najvažniji resurs koji čovjek u životu može imati i s pravim ljudima oko sebe svaka ideja i svaka odluka mogu postati ostvarive. Čuvajte prave i iskrene ljude koji vas okružuju, brinite se za njih i održavajte kontakt jer to može značiti nevjerovatne stvari. Univerzalna poruka koja nikome nije ništa novo, ali o kojoj vrijedi razmišljati i imati je u glavi, jeste da se dobro dobrim vraća. Pomoći, udijeliti, dati savjet ili „pogurati“ nekoga kada vidimo da je to potrebno, za tu osobu može značiti cijeli svijet, a za vas dobro koje će se sigurno, ali sigurno vratiti onda kada najmanje očekujete, a kada je možda i najpotrebnije.“

„Računati na konstantnu podršku, imati nekoga ko vjeruje u vas i ko se istinski raduje svakom vašem uspjehu kao vlastitom, dijeli s vama radost zbog dostignuća i nudi pomoć u teškim situacijama - to za mene znači biti dijelom porodice Fondacije Hastor. Danas s velikim ponosom i zahvalnošću gledam na godine iza sebe, godine mog obrazovanja i ličnog sazrijevanja u kojima je Fondacija Hastor imala nezamjenjivu ulogu. Vječno će mi biti čast što sam imao ovu mogućnost i radujem se momentima u životu kada ću doći u priliku da i ja dam svoj doprinos u razvijanju novih mladih talenata, kakvih naša država ima napretek, i kakve Fondacija Hastor već godinama prepoznaje i podržava.“



Amin Sejfić

USPJEŠNE PRIČE STIPENDISTA

Narcisa Hadžajlić



Narcisa Hadžajlić je studentica Filozofskog fakulteta u Zenici, a provela je prvi semestar svoje treće godine studija na Erasmus+ programu razmjene studenata na Univerzitetu u Jaenu, u Španiji. Prisjećamo smo se njenih riječi s razmjene:

Nema ljepšeg osjećaja od onoga kada znaš da postoje pravi ljudi koji su uz tebe, uz svaki tvoj životni korak. To je kada osjetiš čar podrške koju dobijaš kao pravo, a i daješ kao obavezu i na taj način izraziš najveću zahvalnost. Ja sam se Fondacijom Hastor pronašla kao korisna osoba svom društvu. Pronašla sam sebe. To je ono što me čini zahvalnom i zašto se trudim da moja veza s Fondacijom bude vječna."

„Uvijek sam voljela izazove, pogotovo ove prirode, gdje mogu otkrivati neki novi svijet s drugim ljudima, mentalitetima, jezicima i kulturama. To je kada čovjek sebe pripremi da izađe iz svoje zone komfora, ali pridržavajući se onoga što je zajedničko u svim tim nepoznatim i misterioznim svjetovima, a to su ljudskost i ljubav. To je moj zaključak. Kada se držite ljudskosti na bilo kojem putu, pa tako i na ERASMUS-u, sve vam bude lakše: prilagodite se novom okruženju, novoj hrani i klimi, novom jeziku, novim ljudima i novom sistemu života i učenja. Iz svih tih novina rode se ideje i sjajne misli koje su spoj ljubavi i želje za onim što je ostalo iza vas (porodica, domovina) i inspiracije koje dobijete u trenutku.“

Nejla Komar je naša stipendistica koja je trenutno studentica četvrte godine na Muzičkoj akademiji u Sarajevu. Svoju treću godinu studija je provela na sjeveru Španije, u malom gradu Vigü, također, na Erasmus+ programu razmjene studenata. Nejla nam je kroz svoje priče pisala o gradovima koje je posjetila, tradiciji, historiji, muzici, svojim utiscima, ali i vještinama i novim poznanstvima koje je stekla. Za kraj je poručila:

„Sa zahvalnošću gledam i poštujem sve što mi se desilo i što sam uradila u proteklom periodu. Osjećam se kao da tek sada vidim sve što mi je do sada bilo „skriveno“ kod kuće. Savjetovala bih svim studentima koji uspješno i na vrijeme obavljaju svoje obaveze prema fakultetu da ne zatvaraju sebi vrata na samom početku zbog straha od novog, nepoznatog, manjka samopouzdanja ili bilo kojeg drugog razloga i uzmu u obzir neke od programa razmjene studenata. Kući ćete se vratiti neuporedivo bogatiji za iskustvo, znanje i poznanstva koje sa sobom ponesete. Vjerujte u sebe, budite smjeli i hrabri, a sve to neka je izgrađeno na nesebičnim temeljima, prvenstveno na filantropiji i vidjet ćete kako će vam se sve to isplatiti i vratiti. Želim napomenuti da je u eri globalizacije u kakvoj se nalazimo danas, važno osim engleskog jezika učiti još stranih jezika, da bismo se mogli na dublji način povezati s drugim ljudima i kulturama,

umjesto građenja komforne zone na stereotipima. Svojoj Fondaciji Hastor ću biti vječno dužna za sve dobre osobine i radne navike kojima nas uče i njeguju u nama. Iako sam provela skoro godinu dana 3000 km daleko, nisam se osjetila odsutnom od Fondacije niti u jednom momentu. Uvijek sam se rado javljala i dijelila svoje priče, a negdje u podsvijesti su uvijek bila meni poznata i draga lica iz cijele Fondacije, koja su mi bila podrška i kada bi stigli oni ne tako lijepi momenti. Zaista, gdje god da odem, uvijek s ponosom kažem da sam dio ove porodice.“



USPJEŠNE PRIČE STIPENDISTA

Lejla Korman



Lejla Korman, studentica i vrijedna stipendistica Fondacije od 2018. godine, provela je godinu dana svog master studija na Univerzitetu u Cambridgeu. Lejla nam je približila kako to izgleda život studenta na takvom svjetskom univerzitetu. Prisjetimo se šta nam je rekla za kraj:

„Moje cjelokupno iskustvo u Cambridgeu mi je pružilo čvrste temelje za dosljedan budući lični razvoj, bilo u akademiji ili praksi te omogućio da unaprijedim svoja istraživačka interesovanja zahvaljujući jedinstvenoj slobodi Cambridgea. Naposljetku, studiranje u Cambridgeu jedinstveno je iskustvo i zbog žive razmjene studenata različitih disciplina, što smatram najvažnijim iskustvom koje ću ponijeti sa sobom.“


„S obzirom na to da je razvoj ljudskih potencijala neizostavna komponenta izučavanja razvoja na master programu koji sam pohađala, volontiranje u Fondaciji Hastor definitivno je jedno od iskustava koje je doprinijelo uspješnom ishodu, kako moje aplikacije na Cambridge, tako i mog cjelokupnog studija. Iskustva i vještine koje sam stekla tokom volonterskih aktivnosti pripremili su me za izazove koje nosi taj cjelokupni proces. Ono što iskustvo u Fondaciji Hastor izdvaja od drugih jeste upravo taj sistem međusobnog pomaganja, kroz koji se nadam da sam, svojim mentorstvom, doprinijela ličnom razvoju mlađih stipendista. Upravo ovaj aspekt ljudskog razvoja koji sam iz prve ruke upoznala volontirajući u Fondaciji mi je izuzetno pomogao u mojim istraživačkim projektima koji su se ticali razvoja mladih. Naposljetku, biti član mreže mladih, ambicioznih i inspirativnih ljudi, kakvi su moje kolege volonteri, dalo mi je dodatni osjećaj sigurnosti i uvjerilo da na svom putu nisam sama, već da iza sebe imam ogroman i moćan sistem podrške.“

Fondacija Hastor je ponosna što se može pohvaliti vrijednim studentima koji ne samo na svojim fakultetima u BiH, već i van njenih granica, osvjetljavaju svoj i naš obraz kroz trud i rad, a koji su im prvenstveno i osigurali mjesta na svjetskim univerzitetima. Osim njihove marljivosti i rada, ponosni smo što prepoznajemo temeljne vrijednosti kod naših stipendista, zasnovane na lijepom odgoju i filantropiji. Nadamo se da će naši studenti sada, pri povratku, uspješno implementirati usvojena znanja i vještine na domaćem terenu, te da će poznanstva i prijateljstva koja su stekli kroz studijske dane s radošću održavati. Želimo im puno sreće u daljnjem studiranju, poslovima, projektima i budućnosti kakvu su zamislili.

Busovačka handmade gitara Ammara Bisera

Busovačka “handmade” gitara stigla je i do Španije, gdje je Ammar svojevremeno studirao. Ammar svoje zanimanje za izradu instrumenata dobija upoznavši se s trinaestoparnom baroknom lutnjom, prepoznatljivim španskim instrumentom.

Znajući koliko je profesionalnom gitaristi potreban kvalitetan instrument, Ammarov otac se odlučuje izvještiti u ručnoj izradi klasičnih gitara. Busovačka “handmade” gitara stigla je i do Španije, gdje je Ammar svojevremeno studirao. Ammar svoje zanimanje za izradu instrumenata dobija upoznavši se s trinaestoparnom baroknom lutnjom, prepoznatljivim španskim instrumentom.



“Istinski sam zaljubljenik u baroknu i renesansnu muziku, stoga i povezanost s ovim nesvakidašnjim instrumentom ne iznenađuje. Trinaestoparna barokna lutnja, rađena prema jednom od najpoznatijih Hoffmanovih modela, specifičnog je, zdjelastog oblika, te je sačinjena od izuzetno tankih rebara. Ovaj instrument neobično tihog zvuka sačinjen je od trinaest pari struna, odnosno dvadeset i četiri žice koje se proizvode od crijeva ovaca ili krava.

Barokna lutnja je, suštinski, dosta intiman instrument predviđen za klasične koncerte zatvorenog tipa, te je za potrebe sviranja, trenutno, moj prvi izbor”, kaže Ammar.

Na pitanje kako izgleda proces izrade instrumenta, navodi: “Iako je svaki instrument priča za sebe, suštinski imaju dosta sličnosti. Prednja ploča rađena je od domaće smreke, dok se za izradu rebara iz inostranstva naručuju indijski palisander ili ružino drvo. Sve žice se ručno rade se te, također, naručuju iz inostranstva, najčešće iz Italije ili Njemačke. Čivije se proizvode isključivo od drveta, dok je ukrasna rozeta napravljena od originalnog pergamenta. Sam proces izrade iziskuje oko 150 radnih sati.”

Ammar Biser

Ammar ističe da svakako ostaje na domaćem terenu s kojeg će i u budućnosti, na sebi svojstven način, predstavljati Bosnu i Hercegovinu u svijetu. Kao jedan od zacrtanih budućih ciljeva ističe izradu harfe. Fondacija Hastor je ponosna na uspjehe talentovanih osoba, poput Ammara, kao i na njegovu ideju o izradi ovih instrumenata.





Bakir Pepelar

Tokom cijele godine na adresu Fondacije Hastor pristižu mnoge lijepe novosti koje uključuju brojne uspjehe naših stipendista, njihove angažmane u raznim sferama života, a kojima se uvijek obradujemo i slavimo ih kao zajedničke uspjehe.



Bakir Pepelar pokrenuo projekat „Malac genijalac“

Naši stipendisti, bilo da su u statusu aktivnog stipendiste Fondacije Hastor, ili su nekada to bili, svojim uspješnim projektima potvrđuju važnost onoga što se njeguje u Fondaciji Hastor – rad i angažiranost, kreativnost i maštovitost, hrabrost i snalažljivost. Jedan od takvih primjera donosimo u nastavku priče. Bakir Pepelar je nekadašnji stipendista Fondacije Hastor, profesor razredne nastave, koji dolazi iz Novog Šehera, mjesta koje se nalazi u blizini Maglaja.

Bakir je kreator i realizator projekta pod nazivom „Malac Genijalac“. Radi se o edukativnom centru koji je otvoren u Maglaju. Naime, „Malac Genijalac“ je škola mentalne aritmetike, u kojoj se bez upotrebe olovke, papira, kalkulatora ili bilo kojeg drugog pomagala povećava i poboljšava sposobnost računanja te koncentracije djece od 4 do 12 godina.

Pored toga što pruža mogućnost da se poboljšaju matematičke sposobnosti djeteta, program mentalne aritmetike pozitivno utječe na razvoj razmišljanja i podstiče niz vještina i sposobnosti koje su djetetu potrebne u životu.

Naš bivši stipendista otkriva kako je početak same realizacije projekta bio nevjerovatan, te da je isti u veoma kratkom vremenskom periodu prepoznat kao najkvalitetnija aktivnost za djecu. Nakon uspješnog početka u Maglaju, Bakir ističe kako mu je sljedeći cilj da otvori edukativni centar i u Tešnju. Njegov životni cilj je ostati u Bosni i Hercegovini i tu pokrenuti biznis. Pobjedom na takmičenju SBF Start-up Challenge, Bakirovi snovi se ostvaruju, te zahvaljujući tome sada ima mogućnost da pokrene vlastitu školu mentalne aritmetike „Malac Genijalac“ u Tešnju. Ističe kako je Tešanj grad koji posjeduje veliki ekonomski potencijal:

„Rad sa djecom me ispunjava, a ovo je jedinstvena prilika da učinim nešto korisno za društvo čijim sam dijelom.“

Stipendista Fondacije Hastor Bakir je bio punih šest godina. Kaže kako je upravo Fondacija bila najvažnija karika u njegovom obrazovanju, te da je zahvaljujući samoj ideji Fondacije postao akademski građanin s proširenim vidicima:

„Volontiranje, brojni sastanci i druženja su na mene ostavili ogroman utisak i dali mi izuzetnu motivaciju da razmišljam o samozaposlenju.“

Za naše stipendiste i sve druge mlade ljude Bakir ima jedinstvenu poruku:

„Želio bih da svojim ličnim primjerom pokažem kako i u našoj zemlji postoje mogućnosti za uspjeh. Ako budem inspiracija samo za jednog čovjeka da pokrene vlastiti biznis i ostane ovdje moja misija će biti ispunjena.“

Našem prijatelju i kolegi od srca želimo da u budućnosti niže uspjehe ostvarujući svoje ciljeve, a sve stipendiste i mlade ljude pozivamo da posjete facebook stranicu <https://www.facebook.com/malacgenijalacmaglaj/> i web-stranicu <https://malacgenijalac.ba/> te na taj način podrže ideju i rad našeg bivšeg stipendiste.

GENERACIJA MATURANATA 2019/2020 *IV stepen*

Ademović Maida
Agić Berun
Ahmeljić Elma
Ahmetović Alma
Alibegović Ajla
Alić Elma
Alić Amina
Alispahić Faris
Ališić Ismeta
Ališić Almira
Aščić Dženana
Bajrić Ajdin
Bašić Mehrim
Bečić Hanan
Bećirspahić Amela
Begić Adelisa
Begić Elmedina
Behlil Nudžejma
Bešić Ismet
Bešlić Izabela
Bokarić Daria
Bošnjaković Mahir
Bradarić Damir
Buljubašić Jusuf
Buljugić Edin
Burić Sedina
Cero Amer
Čakić Šejla
Čamdžić Selvedina
Čejvan Amelina
Čičak Lamija
Čivić Emir
Čolić Nermina

Čomor Adna
Čomor Elma
Čondrić Tijana
Čibo Amina
Čosić Biba
Čukas Nermina
Đaferović Alen
Delić Aldina
Delić Asmir
Dilaver Aida
Dizdarević Almedin
Drljo Adelisa
Dubrić Alma
Đuhera Đenita
Đulić Edina
Đulović Mirnes
Duranović Fatima
Durmišević Edina
Duvnjak Emira
Duvnjak Zada
Duzan Armin
Džafić Irman
Džanić Indira
Džebo Selma
Džebo Ajlana
Džiho Melisa
Đelilović Najla
Elezović Hana
Eminagić Lejla
Golać Vedad
Gradašćević Šejla
Grbo Minea
Habibić Elvedina

Hadžiabdić Amir
Hadžimuratović Ajlla
Hadžović Emina
Hajdarević Ajdin
Hajder Ajna
Haketa Elma
Halilović Salkan
Halilović Eldin
Halimi Ifeta
Hasanović Merima
Hasanović Said
Hasanspahić Elma
Hasković Majida
Herić Samira
Hodžić Minela
Hodžić Davud
Hodžić Esmira
Hodžić Ismet
Hodžić Anel
Hožbo Samra
Hrnjica Edis
Hrnjica Zerina
Hukić Amra
Husejnbegović Naida
Huseljić Elmina
Husić Emrah
Husić Salih
Huskić Bajazina
Ibrahimović Almedina
Ibrahimović Harun
Ibrahimović Saida
Imamović Namira
Jablić Naida

Jarić Edvin
Josipović Aleksandar
Julardžija Aldin
Jusić Ilvana
Kahrimanović Selma
Kalkan Salko
Kamberović Sara
Kapetanović Kristina
Karabašić Amar
Karadža Eni
Karahmet Dalila
Karalić Admir
Karamustafić Aris
Karić Dina
Karić Elma
Karić Azra
Kavazović Mubina
Kevrić Aida
Kezo Erna
Kladušić Edina
Klepić Kenan
Kolasević Hana
Kombić Sadik
Kopić Sevla
Korenić Samir
Korjenić Azra
Kovačević Marijana
Krkalić Azra
Krnjić Amna
Kuč Selvedin
Kuduzović Sara
Kulić Adela
Kurić Hasiba

Leto Bakir
Lišić Arnela
Maglić Mirnesa
Marković Tijana
Mašić Lejla
Mehaković Melisa
Mehanović Emina
Mehmedović Dženana
Mehmedović Senid
Mehmedović Šejma
Mehmedović Muamer
Mekić Šejla
Merajić Alen
Merdan Emin
Meša Abdurrahman
Mešić Arnela
Mešinović Haris
Mezit Kenan
Milak Meliha
Mizdrak Merjem
Muharemović Berisa
Mujabašić Elma
Mujačević Almir
Mujanović Azemina
Mujanović Mejrema
Mujarić Sanel
Mujić Suad
Mujić Amina
Mujkić Ermin
Muratspahić Melika
Musić Zulka
Musić Esma
Mušanović Sadeta

GENERACIJA MATURANATA 2019/2020

IV stepen

Mušanović Almedina
Neimarlija Ajša
Neslanović Sanina
Nezirović Lamija
Nikšić Lejla
Nikšić Adelisa
Okčić Adna
Omerčević Meldin
Omerović Medina
Omić Melina
Omić Ferid
Oprašić Adna
Orlović Hamza
Oruč Adnan
Osmanović Eldina
Osmanović Irma
Osmić Diana
Petak Belma
Petrušić Marijana
Pozder Emela
Puzić Emina
Radić Tamara
Ramić Elma
Redžić Elma
Rešidović Senad
Ribić Mediha
Rizvić Šejla
Salamović Adin
Sarajčić Samed
Sarajlić Lejla
Savić Nikola
Selimotić Benjamin
Silić Belmin

Sinanović Almedin
Smajić Džejlana
Smajić Ismihana
Smajić Ahmed
Smajlović Edna
Smajlović Melisa
Smaka Senedin
Soldo Matea
Stenaklić Samra
Subašić Enisa
Sulejmanović Arnela
Suljić Naser
Suljić Aida
Šabanović Dika
Šabanović Senid
Šabić Alen
Šahbaz Edin
Šahović Amina
Šaldić Ema
Šarić Amina
Šečić Abdulah
Šehić Aiša
Šehović Sara-Medina
Šiljković Hamza
Širić Antonela
Šrndić Ajla
Tabaković Emina
Tiganj Berina
Tiro Selma
Tiro Fikreta
Topovčić Irhad
Tufekčić Adelina
Tufekčić Sanjin

Turić Elmedina
Turković Amila
Tursunović Belmina
Velagić Amar
Vrbić Davud
Vukić Stefan
Vuković Harisa
Zahiragić Azra
Zenkić Emina
Zirak Belma
Zolota Hajrudin
Zukan Amina
Žigo Selvedin
Žigo Adis
Žunić Omar
Žunić Amer



Edin Šahbaz

Jedan od naših ovogodišnjih maturanata je i Edin Šahbaz iz Maglaja. Svoje srednjoškolsko obrazovanje završio je u Gimnaziji "Edhem Mulabdić" u rodnom gradu, a formalno školovanje odlučuje nastaviti na smjeru Informacijske i komunikacijske tehnologije na Fakultetu za saobraćaj i komunikacije u Sarajevu. Kao gimnazijalac učestvovao je na mnogim radionicama i projektima, od kojih posebno ističe ITChallenge za koji je radio testove i pregledao iste nakon izrade, a ujedno je učestvovao i u samoj organizaciji događaja. Naime, ITChallenge je najveće takmičenje iz informatike u BiH koje u Maglaju svake godine okuplja stotine srednjoškolaca uz prigodne evente iz IT domena djelovanja. Edin naglašava da je učešće u organizaciji prethodno pomenutog takmičenja potakla upravo njegova ljubav i afinitet prema samoj informatici, preciznije prema programiranju, što je u značajnoj mjeri i oblikovalo njegovu putanju i djelovanje kroz srednju školu, pa u konačnici i buduće planove kada je riječ o izboru fakulteta i profesionalne karijere.


„Bitno je napomenuti i samu ulogu Fondacije u svemu ovome. Iako sam nedavno postao stipendista, omogućila mi je nove prilike i iskustva koja prije nisam imao. U državi poput naše, u kojoj planiram i želim ostati, pored spoznaje novih mišljenja te stjecanja novih prijateljstava i iskustava, mladima mnogo znači i finansijska pomoć, koja predstavlja svojevrsnu pomoć i njihovim roditeljima.“

GENERACIJA MATURANATA 2019/2020

III stepen

Čirak Elvir
Durmišević Elmir
Džinić Dino
Glamočić Suada
Građan Nirvana
Hadžić Safija
Hadžikić Maida
Hasanović Elma
Kevrić Abdulmelik
Kukić Murat
Lugonja Senad
Mujezinović Ajdina

Mulavdić Berina
Petrović Anđela
Pjano Irma
Puškar Adela
Sarač Tarik
Sarajčić Edin
Stanković Milevka
Šeper Mirnes
Šunj Amela
Talović Samra
Tiro Sabiha
Žigo Ajla



Irma Pjano

Maturantica Srednje škole poljoprivrede, prehrane, veterine i uslužnih djelatnosti u Sarajevu, Irma Pjano, naša je stipendistica tek godinu dana. Stekavši diplomu na smjeru Frizer finalizirala je trogodišnje srednjoškolsko obrazovanje u pomenutoj školi. Ističe da je još kao djevojčica maštala o tome da u budućnosti postane uspješna frizerka, a pored toga njen najveći hobi je crtanje, u čemu i provodi najveći dio svog slobodnog vremena.

„Polahko, ali sigurno, na putu sam ostvarenja svojih snova. U materijalnom i duhovnom smislu u tome mi je pomogla i Fondacija Hastor, koja me je potakla da što više učim i da se što više trudim, jer postoji neko ko cijeni naš trud i rad i ko je spreman da nas nagradi za to. Drago mi je što sam bila dio jedne velike porodice i jako je važno naglasiti izrazito uspješne fondacije, a to je naša Fondacija Hastor.

Željela bih ovim putem da poručim svim mladim stipendistima da nikada ne odustaju od svojih snova ma koliko im put do njih bio težak, jer, zapamtite – za sve što vrijedi u životu moramo se potruditi.“



Alma Ahmetović

Alma Ahmetović je svoje osnovno obrazovanje stekla u Osnovnoj školi "Memići", a obrazovanje nastavlja u Hemijskoj školi u Tuzli, na smjeru Grafičke tehnologije/Web dizajn. Kako je računari, informatika i matematika mnogo zanimaju, odlučila je upisati Fakultet elektrotehnike u Tuzli na odsjeku Automatika i robotika. Svoja interesovanja i ciljeve vidi u svijetu tehnologije i želi biti dio tima koji će Bosnu i Hercegovinu dovesti do

modernizacije i napretka barem za stepen više. Ističe da za doprinos društvu i zajednici nije nužno biti akademski najobrazovaniji čovjek, već je dovoljno imati viziju i cilj prema kojem se treba kretati. Almin cilj, pored obrazovanja, jeste rad na pružanju prilika mladima da se uključe, da dobiju pomoć, odnosno podršku za svoje obrazovanje, kako bi i sami jedan dan bili oni koji pomažu i čine Bosnu i Hercegovinu boljom jer smatra da je mladima potrebno mnogo više prilika da pokažu svoje kvalitete. Tokom cjelokupnog školovanja trudila se postizati odlične rezultate te je učestvovala na mnogim školskim i kantonalnim takmičenjima. Izdvaja takmičenje iz programiranja, Klokan matematičar izazov na nivou Balkana gdje je ostvarila drugo mjesto, te Munja Business Challenge kao jedno drugačije, ali nezaboravno takmičenje. Volontirala je na Bh. Engineering Weeks uzastopno dvije godine, te bila član Junior PR tima najveće info platforme za mlade, hocu.ba. Također, kroz školovanje je učestvovala na brojnim projektima, ali i bila članicom organizacija i društava, poput ORC Tuzla, CAT BiH itd.

"Svim sadašnjim ali i budućim stipendistima poručila bih da je najvažnije da ne sjedimo po strani i čekamo da nam se nešto nevjerovatno dobro desi. Kažu da je najveća prijetnja po naš svijet činjenica da čekamo da drugi nešto mijenjaju, kada moramo upravo biti mi oni koji to čine. Možda zvuči poprilično kliše, ali važno je da ne odustajemo jer: 'The only way out is through.'"

UČENICI GENERACIJE



Emela Pozder

Naša stipendistica Emela Pozder proglašena je ovogodišnjom učenicom generacije Opće gimnazije u Srednjoj školi „Jablanica“. Ističe da je bila dijelom jedne od najuspješnijih generacija ove škole, pa s tim u vezi naglašava da je, pored još mnogo dobrih i vrijednih učenika, uistinu bilo teško doći do titule učenice generacije. Iziskivalo je mnogo truda, redovnog rada i učenja, ali se na kraju zaista isplatilo. Pored redovnih nastavnih aktivnosti, Emela se maksimalno tru-

dila da učestvuje i u brojnim vannastavnim aktivnostima i sekcijama, počevši od onih koje su vezane za nastavne predmete poput matematičke i hemijske, pa do šahovske sekcije u kojoj je, kako kaže, posebno uživala. Također, u sklopu nevladine organizacije Youth Power postala je vršnjački edukator i učestvovala u promovisanju zdravijih životnih stilova. Redovno je osvajala zapažena mjesta na školskim takmičenjima iz bosanskog jezika i književnosti, matematike, njemačkog jezika, hemije i drugih predmeta. Također, uzela je učešće i na kantonalnim takmičenjima iz matematike, hemije, demokratije, te na projektu „Građanin“ sa svojim kolegama iz razreda, u okviru kojeg je njen tim zauzeo drugo mjesto i što je najvažnije, uspjeli su realizirati projekat.

„Podrška Fondacije Hastor u mom obrazovanju zauzima posebno mjesto. Kroz volonterske aktivnosti podijelili smo mnoga znanja i vještine, obogatili sebe i svoju zajednicu, i naučili da mi, mlade generacije, imamo odgovoran zadatak da se borimo za vlastiti napredak i razvoj, te da nam mijenjanje sebe i svoje zajednice nabolje treba biti jedna od glavnih životnih preokupacija.“

Emela je odlučila upisati Mašinski fakultet u Sarajevu, što za nju predstavlja novi početak koji sa sobom donosi brojne izazove kojima se istinski raduje.

„Nadam se da ću biti jednako uspješna i da ćemo zajedno slaviti još mnogo uspjeha.“



Marijana Kovačević

Marijana je stipendistkinja Fondacije Hastor, od ove akademske godine i studentica Kemijsko-tehnološkog fakulteta u Splitu, studija Kemijske tehnologije na smjeru Kemijsko inženjerstvo. Prethodno je završila Srednju strukovnu školu u Tomislav-Gradu na smjeru Farmaceutski tehničar, osvojivši titulu učenice generacije, zahvaljujući postignutim rezultatima u toku srednjoškolskog obrazovanja. Za Marijanu je prethodna školska godina bila prepuna uzbuđenja, nadanja i razočarenja. Ističe kako joj je pandemija koronavirusa ukrala najljepši dio srednjoškolskog obrazovanja, budući da nije mogla sudjelovati u takmičenjima. U toku prošle godine je osvojila treće mjesto na Šimićevim susretima, što je njeno prvo pjesničko priznanje i kao takvo zauzima posebno mjesto u njenom životu. Ranije je osvajala i razna likovna priznanja. Pored toga, tokom srednje škole je bila članica AsuBiH i Frame TG.

„Fondacija Hastor je imala poseban utjecaj na moj život. Osim što sam naučila raspolagati financijama zahvaljujući stipendiji, naučila me puno i o prijateljstvu, zajedništvu i međusobnoj potpori. Na volontiranjima smo se trudili razumjeti jedni druge i pružiti pomoć kome je potrebna. Fondacija mi je pružila šansu da znanjem i volontiranjem pomažem drugima, te ostvarim svoj potencijal, tako da su iskustva koja sam stekla kroz Fondaciju su neprocjenjiva.“

UČENICI GENERACIJE



Elma Čomor

Naša stipendistica Elma Čomor živi u Mostaru, gdje je svoje srednjoškolsko obrazovanje finalizirala osvojivši titulu učenice generacije u Srednjoj elektrotehničkoj školi, na smjeru Informacijske tehnologije. Tokom formalnog obrazovanja uzela je učešće na brojnim kantonalnim i državnim takmičenjima iz različitih predmeta: programiranje, matematika, fizika, hemija, demokratija, ali i na raznim sportskim takmičenjima.

Pored navedenog, članica je i nekoliko nevladinih organizacija, a za sebe kaže da je bila prilično aktivna srednjoškolka, o čemu svakako govore i njena postignuća.

Elma svoje pozitivno iskustvo glede članstva i volonterizma unutar Fondacije Hastor opisuje sljedećim riječima:

“Upoznala sam mnogo novih ljudi, također volontera, koji imaju meni slična zanimanja, ciljeve i razmišljanja. Drago mi je što imam priliku družiti se s mladim ambicioznim ljudima koji imaju viziju, a još draže što znamo da postoji neko ko nas podržava i vjeruje u nas.”

Svoje formalno obrazovanje odlučuje nastaviti u istom smjeru, te upisuje Fakultet informacijskih tehnologija u Mostaru.

“Volim programiranje i pronalazim se u tome te bih se željela u budućnosti baviti ovim poslom. Uvijek kažem da kada nešto radimo trebamo se potruditi da u tome budemo najbolji i nikada se ne zadovoljavati prosjekom. Zaista, u mojoj grupi volontera postoji mnogo vrijednih i talentovanih ljudi koji će, vjerujem, postići mnogo u životu, a najdraže mi je što znam da ćemo uvijek podržavati jedni druge i jedni u drugima imati oslonac.”



Amina Kurdić

Stipendistica Amina Kurdić ovogodišnja je učenica generacije Osnovne škole „Džemal Bijedić“ u Tešnju, a upisala je Gimnaziju „Musa Ćazim Ćatić“ u istom gradu. Gimnaziju je odabrala jer još nije sigurna čime će se baviti u budućnosti.

Od prethodnih uspjeha izdvaja takmičenje iz vjeronauke na kojem je osvojila prvo mjesto. Stipendistica je već četiri godine.

„Fondacija Hastor mi je mnogo pomagala kroz školovanje i život i bila moja podrška, ne samo u finansijskom smislu. Smatram da je to nagrada za moj trud i zalaganje. To je, također, bio podsticaj za ostvarenje još boljih uspjeha. Zahvalna sam Fondaciji za sve što jesu u mom životu.“

UČENICI GENERACIJE



Jusuf Buljubašić

Među stipendistima Fondacije koji su se istakli titulom učenika generacija, izdvajamo Jusufa, koji dolazi iz Zavidovića, gdje je pohađao Osnovnu školu „Gostović“. Potom je upisao Karađoz-begovu medresu u Mostaru, gdje je ponio titulu učenika generacije.

Jusuf je odličan i primjeren učenik, koji se u toku školovanja izdvojio kao učesnik različitih školskih, gradskih, kantonalnih i međumedresanskih takmičenja na kojima je ostvarivao najbolje rezultate. Također, vrstan je sportista i vrijedan član mnogobrojnih vannastavnih aktivnosti, od čega izdvaja članstvo u raznim fudbalskim klubovima u Mostaru: FTC Velež, FC Mostarske kiše te FK Bjelopoljac. Pored toga, učestvovao je u različitim projektima u organizaciji nevladinih organizacija. Jusuf ima položena tri stepena kursa arapskog jezika, položen Access program za nadarene učenike u engleskom jeziku, a član je i volonter Budi Muško Kluba. Od ove akademske godine Jusuf je student Fakulteta prirodnih i tehničkih nauka Internacionalnog univerziteta u Sarajevu (IUS) na smjeru Softverski inženjering.

„Fondacija Hastor zaslužuje samo riječi hvale. Stipendija mi je od velikog značaja, posebno mojim roditeljima, s obzirom na to da imam još dva brata koji se obrazuju, a činjenica je da obrazovanje nije jeftino. Fondacija mi pruža motiv više da ostanem i da se borim za ovu zemlju, znanjem, naukom i svim vrijednostima koje su pozitivne i dobre. Bez podrške i pomoći Fondacije moje obrazovanje bi se mnogo teže odvijalo te im se ovim putem od srca zahvaljujem.“



Tijana Marković

Tijana Marković je završila Prvu osnovnu školu u Srebrenici. Srednjoškolsko obrazovanje nastavlja u SŠC „Srebrenica“ kao farmaceutski tehničar, a nedavno je upisala Tehnološko-metalurški fakultet u Beogradu, smjer Biohemijско inženjerstvo i biotehnologija.

Slobodno vrijeme uglavnom provodi “rastrzana” između knjiga, blokova i klavira. Veliki je ljubitelj knjiga, pa se najviše ponaša dostignućima vezanim za biblioteku - raznim takmičenja na temu očuvanja jezika i kulture. Često nađe inspiraciju za pjesme i poneku priču.

Bila je dijelom mnogih školskih takmičenja vezanih za likovne i literarne konkurse. Takmičenja su uglavnom bila raspoređena tako da samo neke generacije mogu učestvovati, te je Tijanina prilika bilo takmičenje iz engleskog jezika, gde je u školi osvojila drugo mjesto. Dvije godine uzastopno učestvovala je na INOST-u mladih u Banjaluci, gde je s drugim kolegama, na raznim projektima, osvojila dvije zlatne i jednu srebrnu plaketu. Tijana je, također, s kolegama osvojila i treće mjesto na takmičenju za najbolju tehnološku inovaciju Republike Srpske u saradnji s Ministarstvom prosvjete, nauke i tehnološkog razvoja Srbije. S obzirom na to da je volonter, imala je priliku pomagati prilikom posjeta doktorke Fatime Klempić - Dautbašić.

Stipendista Fondacije Hastor je već dvije godine te ističe da joj je Fondacija do sada pružala veliku podršku prilikom napredovanja.

„Drugim stipendistima želim poručiti da budu svjesni činjenice da upravo oni imaju tu priliku da se nazovu stipendistima Fondacije i da je, stoga, ne uzimaju olako.“

UČENICI GENERACIJE



Amra Krnjić

Amra je stipendistkinja Fondacije koja dolazi iz Novog Travnika. Ove godine je završila Opću gimnaziju u Mješovitoj srednjoj školi „Travnik“ u Travniku, gdje je ponijela titulu učenice generacije.

Tokom srednje škole najviše interesa je pokazivala za matematiku i fiziku te je imala priliku predstavljati svoju školu na takmičenjima iz tih oblasti u više navrata.

U završnom razredu srednje škole je učestvovala na naučnoj olimpijadi BOSEPO iz oblasti inženjeringa te je pomenuti projekat osvojio srebrnu medalju. Kada su u pitanju planovi za budućnost, Amra ističe kako svoje formalno obrazovanje nastavlja na Mašinskom fakultetu u Sarajevu.

„Fondacija Hastor je potpomogla moje srednjoškolsko obrazovanje, pružila mi priliku da upoznam nove ljude i steknem prijatelje koji mi predstavljaju vjetar u leđa i podršku da nastavim u ostvarenju svojih ciljeva. Također, volontiranja su uveliko doprinijela stjecanju i nadopunjavanju znanja iz raznih oblasti.“



Aleksandar Josipović

Aleksandar Josipović je završio Osnovnu školu „Stevan Dušanić“ u Pribiniću, a u Banjaluci Srednju muzičku školu “Vlado Milošević”. Dalje školovanje planira nastaviti u Banjaluci na Akademiji umjetnosti. Od djetinjstva je dosta povezan s umjetnošću i muzikom, a u osnovnoj muzičkoj školi stekao je prva opća znanja o muzici. Tokom čitavog školovanja sve svoje obaveze ispunjavao je na vrijeme, te ističe da se to vidi na osnovu rezultata kojima se veoma ponosi.

Nagrađen je kao učenik generacije dva puta, u osnovnoj i u srednjoj školi. Pored toga, dobitnik je Vukove diplome u oba perioda školovanja. Pored obrazovanja, rekreativno se bavi sportom koji je pored muzike, kako kaže, drugi dio njega. Pošao je razne sekcije fizičkog vaspitanja, a rekreativno igra tenis i fudbal.

Aleksandar je učestvovao na brojnim takmičenjima; u osnovnoj školi iz fizike, matematike i fizičkog vaspitanja, a trend takmičenja nastavio je i u srednjoj školi. Na takmičenju “Primavera” u Bijeljini osvojio je dva druga mjesta u disciplini klavir, na republičkom takmičenju srednjih muzičkih škola prvobitno treću nagradu, a može se pohvaliti i osvojenom drugom nagradom u disciplini klavir. Pored toga, takmičio se i u disciplini solfeggio, gdje je osvojio drugu nagradu na republičkom takmičenju. Kao svoj najveći uspjeh u dosadašnjem školovanju izdvaja specijalnu nagradu na republičkom takmičenju muzičkih škola Republike Srpske iz kategorije harmonija i muzički oblici. Stipendista Fondacije Hastor je tek jednu godinu, a uloga Fondacije u njegovom životu je najprije obrazovna. Okupljanja, druženja, rad i obavljanje zadataka su za Aleksandra bili veoma važni u procesu odrastanja i sazrijevanja.

„Drugim stipendistima bih poručio da će za svaki uloženi trud, svaki napor u životu biti nagrađeni kad-tad, samo je pitanje vremena kada će neko to prepoznati. Gradite sebe kao ličnost i kao čovjeka.“

UČENICI GENERACIJE



Kenan Arnaut

Jedan od ovogodišnjih stipendista kojima se Fondacija Hastor izrazito ponosi je i Kenan Arnaut rođen 2005. godine u Tuzli. Nakon samo dvije sedmice po upisu u prvi razred osnovne škole Kenan dobija dijagnozu: maligni tumor neuroblastom, IV stadij s progresijom na kosti. Nakon višegodišnjeg liječenja i hemoterapija, uslijedila je i uspješna transplantacija koštane srži u Hrvatskoj. Možda bi ovi redovi ličili na već negdje pročitane, da naš hrabri Kenan nije nanizao sve petice u đlačku knjižicu, te Osnovnu školu „Mejdan“ u Tuzli završio osvojivši titulu najboljeg učenika u svojoj generaciji. Gdje volje ima – način se pronade.

Mjesto Fondacije Hastor na nimalo lahkom životnom putu Kenan opisuje sljedećim riječima:

“Zahvalan sam Fondaciji što je bivala svjetlom onim danima kada je mraka bilo posvuda oko mene. Radostan sam što znam da postoje ljudi koji brinu o onima kojima je pomoć potrebna, pa makar to bila i lijepa riječ.”

U budućnosti Kenan želi da postane heroj u bijelom te da na taj način učini sve što je u njegovoj moći da mnogim ljudima vrati osmijehe na lice. Sigurni smo u to da će Kenan uspjeti ostvariti svoje ambicije, a njegova životna priča treba poslužiti kao relevantan primjer svima da od svojih snova ne treba odustajati sve dok isti ne postanu java.



Samed Sarajčić

Jedan od ovogodišnjih učenika generacije je i naš stipendista Samed Sarajčić, rođen u Travniku. Srednju školu završava u Novom Travniku i dobija zvanje tehničar drumskog saobraćaja. Dalje školovanje je odlučio nastaviti u Zenici na Politehničkom fakultetu, na Katedri za softversko inženjerstvo. Samed kaže da ne bi mogao nastaviti svoje školovanje da nije bilo Fondacije Hastor, a njen član je već osam godina. Prethodnih godina je učestvovao na školskim takmičenjima iz matematike, osvajajući uvijek prvo mjesto. Kao najbolji učenik u razredu, odlukom razrednog starješine bio je izabran za predsjednika. Navodi da se smatra društvenom osobom s mnogo prijatelja, a slobodno vrijeme voli provoditi vozeći se biciklom, šetajući kroz prirodu, a kaže da internet voli koristiti kako bi naučio nešto novo.

„Fondaciju Hastor smatram velikom podrškom u svom školovanju. Pomogla mi je da shvatim da još postoje dobri ljudi koji su spremni da pomognu. Upravo zahvaljujući njoj mogu nastaviti svoje obrazovanje. Ona zrači pozitivnošću i drago mi je što sam njen član. Mislim da je investicija u obrazovanje pametan izbor.”

UČENICI GENERACIJE

Devetnaestogodišnja Hana Kolasević iz Travnika je završila Srednju ekonomsku školu u istom gradu i ponijela titulu učenice generacije. Kroz srednjoškolsko školovanje bila je članica Vijeća učenika, a kao važnije plasmane na takmičenjima izdvaja prvo mjesto na Ekonomijadi 2020, gdje je sa svojim mentorom i kolegama predstavila biznis ideju pod nazivom „Bosnian culture4you“, treće mjesto na takmičenju „Stilovi učenja i vrste inteligencije“, a kao krunu svoga uspjeha u domenu aktivizma izdvaja projekat „Budi inspiracija“ u organizaciji US-AID-a. Stipendisticom Fondacije Hastor je postala prije godinu dana, a svoje dalje školovanje planira nastaviti na Ekonomskom fakultetu u Tuzli.

„Kroz sastanke koji su održani imala sam priliku upoznati izvrsne mentorice Mirelu Tiro i Inelu Hodžić te ostale mlade stipendiste. Na svakom sastanku razgovaramo o različitim temama, razmjenjujemo mišljenja te usvajamo nova saznanja kroz prezentacije, kvizove i zanimljive igre. Zaista sam sretna što sam imala ovakvu grupu ljudi tokom prethodnih godinu dana jer smo jedni drugima bili uzajamna podrška i vjetar u leđa i sve to zahvaljujući Fondaciji Hastor.“



Hana Kolasević

Nastavljamo nizati imena naših stipendista koji su jedno bitno poglavlje svog obrazovanja završili kao Amina Šarić, maturantica gimnazije u Stocu, učenica generacije.

Amina je rođena 2001. godine, a sada je već studentica prve godine studija na Građevinskom fakultetu u Mostaru. Iako je tek tri godine stipendistica Fondacije Hastor, Amina se pokazala kao izuzetno vrijedan volonter, i prije svega, dobar drug. Za srednju školu ističe da joj je bila od izuzetne važnosti kao odskočna daska u navikama redovnog učenja, samodiscipline i usklađivanja vannastavnih aktivnosti sa svakodnevnim školskim obavezama. Njeni radovi objavljeni su u magazinu „Stav“, a bila je i članica Asu-BiH, gdje je s lokalnim timovima učestvovala u brojnim projektima.

„Volonterski sati su mi donijeli nezaboravne razgovore i razmjenu znanja s novim drugarima, ali i osjećaj ogromne podrške. Fondacija je jedna svijetla tačka u mom obrazovanju i životu koja me motiviše i postiže da se osjećam važnom i korisnom te budi u meni želju za pomaganjem drugim ljudima, društvima i zajednicama. Osim finansijske pomoći koju mi pruža, ona me dodatno podsjeća kako su lijepi maniri kruna uspjeha individue i zajednice.“



Amina Šarić

UČENICI GENERACIJE



Fikreta Tiro

Fikreta Tiro dolazi iz Bugojna i svoje srednjoškolsko obrazovanje je završila u Srednjoj školi „Uskoplje“, na smjeru Medicinska sestra/tehničar. Zahvaljući izvrsnim rezultatima tokom školovanja izabrana je za najbolju učenicu u okviru svoje generacije. Pored redovnih nastavnih aktivnosti, Fikreta je i aktivna članica Gradskog hora Bugojno, kao i članica Omladinskog centra Bugojno.

„Mogu reći da sam ponosna, kako nastavnim, tako i vannastavnim aktivnostima koje su moje obrazovanje učinile još zanimljivijim. Sada želim da radim kao medicinska sestra i da pomažem drugim ljudima jer je to ono što me istinski čini sretnom. Za sve moje uspjehe želim se posebno zahvaliti Fondaciji Hastor koja mi je bila vjetar u leđa i bez koje ne bih uspjela doći do onoga što danas jesam. Svaki uspjeh, svaki dio života, lijepih uspomena i putovanja podijelila sam s vama jer sam znala da se tome iskreno radujete i da ste ponosni na mene. Hvala vam što ste dopustili da i ja budem dijelom ove prelijepe priče.“



Amar Velagić

Amar Velagić, maturant Srednje mješovite škole u Bugojnu, a od ove akademske godine student Latinskog jezika i rimske književnosti i pedagogije, stipendista je Fondacije Hastor već 6 godina. Ljubav prema latinskom jeziku počela je još u srednjoj školi, gdje je osvojio srebrnu medalju na evropskom takmičenju iz poznavanja latinskog jezika i rimske civilizacije.

Također, aktivan je član Omladinskog centra Bugojno. Ono na šta je posebno ponosan jeste pjesnički zbornik koji organizuje već drugu godinu. Riječ je o zborniku mladih pjesnika iz čitave Bosne i Hercegovine pod nazivom CARPE DIEM. Ove godine se na konkurs prijavilo 85 pjesnika, što je zaista veliki uspjeh s obzirom na kratak vremenski period otkad je ovakvo nešto prvi put realizirano.

Amarovi radovi su dijelom dva pjesnička zbornika, 30. i 31. Međunarodnog susreta pjesnika “Garavi sokak”.

Za Fondaciju Hastor kaže:

“Ona je naša vodilja, jako bitna podrška i oslonac kad je najpotrebnije. Fondacija je naša druga kuća, skrovište koje nudi razne pogodnosti. Čast je svakom ko za svoj trud i rad dobije nagradu. Veliko hvala Fondaciji Hastor koja to zna prepoznati!”

GENERACIJA DIPLOMANATA 2019/2020

Aganhodžić Ajla
Ahmetspahić Selmin
Aličehajić Mubina
Bećirović Emina
Bekteši Kemil
Belegić Ajla
Beriša Aldin
Bešlija Esmā
Bešo Ena
Bolić Adisa
Buljubašić Ajla
Čančar Aida
Dedić Amra
Delić Ahmed
Fuško Murisa
Gagić Nikolina
Humić Mirza
Huseinbašić Amina
Ibrić Dženita
Idrizović Vahid
Isaković Alek
Jonuz-Silajdžić Zehra
Kadrić Ismet
Karač Zerina
Karahodžić Dženera
Karamehmedović Irena
Klovo Vedīn
Koluh-Halilović Amina
Kršić Dalila
Latić Jasmina
Lejlić Jasmina

Leko Lajla
Mačkić Elma
Meša Ensar
Milijević Ana
Muharemović Ajdin
Mujanović Sumejja
Pašić Šerifa
Petak Lejla
Petković Igor
Pezer Amela
Pilav Fuada
Polić Adin
Radonja Adnan
Ramić Nermina
Redžić Amra
Salkanović Ajla
Sijamija Alija
Simeunić Željko
Skejić Minela
Spasojević Klaudija
Sultić Hasan
Šljivak Emina
Šljivo Nadira
Tucaković Azemina
Vrnjak Lamija
Zulum Hasija

GENERACIJA MAGISTRANATA 2019/2020

Bećirović Merima
Duratbegović Muamer
Đuherić Ajša
Halilović Amar
Hatibović Adnan
Husnić Maida
Kapić Zinaid
Klobodanović Zuhdija
Korman Lejla
Lazić Ivana

Mekić-Džebo Amila
Pašić Selma
Sejfić Amin
Smajlović Almedina
Suljić Amina
Tabak Ajla
Tiro Mirela
Vatreš Amina
Žilić Emina



Nejlja Graho

Nejlja Graho je dvadesetogodišnja studentica Nastavnčkog fakulteta Univerziteta "Džemal Bijedić" u Mostaru, na smjeru Sport i zdravlje. Nejlja živi u mjestu Gorani kod Konjica, a stipendistica Fondacije Hastor je već 7 godina.

Prvu godinu dodiplomskog studija finalizirala je s prosjekom ocjena 10.0 na šta je iznimno ponosna. Kako ističe, svu zahvalnost duguje svojim dvama porodicama i to s jedne strane, babi, mami i sestri, a s druge strane Fondaciji Hastor. Pored fakultetskih obaveza, aktivna je u domenu sportskih aktivnosti, s obzirom na činjenicu da karate trenira već 13 godina. U februaru tekuće godine postala je i državna prvakinja u karateu, što skupa s postignućem na fakultetu za Nejlju 2020. godinu čini najuspješnijom do sada.

S tim u vezi, Nejlja ističe sljedeće:

„Nadam se da ću i u budućnosti nizati ovakve uspjehe budući da mi podrške nikad ne nedostaje. S obzirom na

fakultetski studij koji pohađam činjenicu da sam u sportu cijeli život, nadam se da ću imati priliku da nove generacije učim pravim vrijednostima i učestvujem u izgradnji njihove ličnosti.“

Ulogu Fondacije Hastor u svom životnom i obrazovnom putu opisuje na sljedeći način:

„Sve ove uspjehe bih mnogo teže postigla da nije bilo podrške Fondacije Hastor. Teško je financirati sestrino i moje školovanje, naročito sada kada smo obje na fakultetu te uz to i takmičenja u karateu, tako da sam nezimjerno zahvalna što nam Fondacija pruža ogromnu podršku sve ove godine i uveliko olakšava sve segmente našeg života. Pored finansijske podrške, kroz časove volontiranja i mjesečne sastanke sam upoznala divne ljude i naučila mnoge stvari od istih. Htjela bih da izdvojim da je moto Fondacije Hastor ujedno i moj moto: Obrazovanje- izbor pobjednika.“

STUDENTI SA PROSJEKOM 10,00

Una Karabeg je studentica Univerziteta Sarajevo School of Science and Technology (SSST) na odsjeku Ekonomija i biznis. Stipendistica je Fondacije Hastor od početka studija, nepunih godinu dana, a povjerenje Fondacije je opravdala izuzetno visokim prosjekom, čak 10.0. Na pitanje o studiranju i prosjeku na fakultetu, uz osmijeh ističe:

„Prosjek 10.0 za mene predstavlja samo brojku koja potvrđuje moje znanje. Zaista sam zaljubljena u nauku koju izučavam – ekonomiju, i baš zato je moj prosjek takav kakav jeste. Kada volite ono što radite, rezultati dođu sami. Desetka kao ocjena je samo numerička potvrda da izučavanje nauke koju volite nije nikakav izazov. Ipak, znanje je ono što je najvažnije, a to se na SSST-u prepoznaje.“

Za sebe kaže da je proaktivna, ambiciozna, komunikativna i uporna osoba koja ne odustaje od svojih ciljeva i koja želi svojim djelovanjem poboljšati društvo.

Još u osnovnoj školi učestvovala je na svim nivoima takmičenja, gdje je već s 13 godina osvojila dva prva mjesta na Državnoj smotri naučno-tehničkog stvaralaštva mladih Bosne i Hercegovine, što joj je donijelo dva prestižna priznanja: zvanje „Najbolji mladi tehničar“ za 2013. godinu i priznanje „Zlatni točak tehnike“ te specijalnu diplomu Federalnog ministarstva obrazovanja i nauke za postignute uspjehe, rezultate na takmičenjima i afirmaciju obrazovanja. Pored ljubavi prema prirodnim naukama, aktivan je član civilnog društva još od 2014. godine, kada se „zaljubila“ u društvene nauke, preduzetništvo, ekonomiju i međunarodne odnose, što je i utjecalo na njen odabir karijere.

Kao članica Upravnog odbora Asocijacije srednjoškolaraca u Bosni i Hercegovini (ASuBiH), imala je priliku godinu dana raditi na dvama državnim inicijativama - “I kopija vrijedi”, koja nastoji omogućiti srednjoškolicima konkurisanje na više fakulteta s ovjerenom kopijom dokumenata, te inicijativi “Naša Škola”, koja je pružala podršku srednjoškolicima iz Jajca u borbi protiv podjela unutar obrazovnog sistema te djeluje u skladu s antidiskriminatornom politikom u obrazovanju.

Jedno od priznanja koje ističe svakako je dvostruka titula jednog od TOP 20 najaktivnijih srednjoškolaraca u Bosni i Hercegovini od strane Mreže savjeta/Vijeća učenika u BiH dvije godine zaredom.

“Predivan je osjećaj znati da neko prepoznaje trud i zalaganje, ali i brojna lična odricanja za dobrobit društva koja su neophodna na trnovitom putu do uspjeha. Ovakve titule svakako da predstavljaju neizmjernu čast, ali i ogromnu dozu odgovornosti da se povjerenje opravda i u budućnosti još aktivnijim djelovanjem.“

Direktno i indirektno je učestvovala u aktivnostima različitih međunarodnih organizacija poput Misije OSCE-a (Organization for Security and Co-operation in Europe) u BiH, IOM (International Organization for Migration) BiH, SHL (Schüler Helfen Leben), SAME (Solidarity Action Movement day in Europe), kao i brojnih drugih. Projektni je koordinator brojnih lokalnih i državnih projekata, a njen projekt prvijenac je nominovan za najbolji projekat podržan od strane SHL-a u 2017/18. godini. Radila je kao event manager kampanje #TvojGlasJeBitan koja promovise važnost učešća mladih u izbornom procesu, a trenutno se bavi freelance-om.



Una Karabeg

„Kao nekome ko stremi nezavisnosti od roditelja, koji su do sada uložili i više nego dovoljno u mene i moje obrazovanje, jako mi je značajna finansijska podrška koju pruža Fondacija, te mi je zadovoljstvo volontiranjem i prosjekom 10.0 opravdati povjerenje, ali i uloženi novac koji je brojnim stipendistima Fondacije presudan za nastavak školovanja. Jako sam zahvalna na prilici da budem dio ove priče te se nadam da ću u budućnosti imati priliku biti s druge strane „novčića“, u ulozi donatora jer su mladi ljudi najbolja investicija!“

Kada je riječ o budućnosti, Una nije mnogo otkrila, ali ističe da ima opći cilj kojem teži, a da će se specifični ciljevi prilagoditi novonastalim situacijama, kao što je bilo neophodno od početka COVID-19 pandemije.

„Tražite prilike za napredovanje i gradite svoju budućnost kako vi želite. Studiranje nije nešto što se „mora“, nego nešto što se želi, a kada jednom shvatite šta je ono što želite – granice ne postoje nigdje osim u vama samima.“



Ivana Lazić

Naša stipendistica Ivana Lazić je dokaz da je samo nebo granica kada srušimo zidove iz očiju i razmišljanja te kada svako “kako ću ja to” zamijenimo s “mogu ja to”.

Ivana je rođena 25.01.1995. godine u Janji, općina Bijeljina, od majke Fadile, za koju kaže da joj duguje sve ono što jeste u životu, i oca Ivana, koji je za nju još jedno ime ljubavi. Odmah po rođenju joj je dijagnosticirana Spina bifida occulta, što predstavlja nedovoljno srastao kičmeni stub, zbog čega tokom odrastanja nije osjetila lijevu nogu te i danas, poslije nekoliko operacija, hoda pomoću štaka, što je s druge strane ne sprečava ni najmanje da vodi više nego uspješan život, kako privatno tako i poslovno. Ona kaže da je djevojka sa štakama, a za nas je čudo s krilima!

Nakon završene srednje škole, upisuje Pravni fakultet Univerziteta u Istočnom Sarajevu, odjeljenje u Bijeljini, a na trećoj godini postaje članom naše porodice. Pored fakultetskih obaveza i aktivnosti, iskoristila je priliku koju je studentima pružila Uprava fakulteta te je bivala članom različitih dešavanja, pravnih klinika i praksi koje je organizovao Pravni fakultet u saradnji s drugim organima i organizacijama. Bila je član Besjedničke sekcije te učesnik na takmičenjima u besjedništvu sa svojim besjedama i pričama, kao i učesnik Pravne klinike “Pravda za djecu” koja je bila organizovana pod pokroviteljstvom UNICEF-a i Pravnog fakulteta. Tokom studiranja, bila je i polaznik kursa “Paragraf lex”, praktikant u Advokatskoj kancelariji “Stevanović” u Bijeljini te Republičkoj upravi za geodetske i imovinsko-pravne poslove Banja Luka, Područna jedinica Bijeljina, gdje je stekla veoma važna znanja za njeno dalje studiranje.

Nakon diplomiranja, upisuje master studije, modul Građansko pravo te nastavlja studiranje sa željom da usavrši svoja znanja u oblasti Notarijalnog prava. Međutim, već u februaru 2020. godine morala je da ide na posljednju i najuspješniju operaciju donjeg dijela leđa, pa je “ubrzala” studiranje na master studijama, tako što je prvu polovinu predmeta položila prije operacije, a drugu nakon operacije, i nije dopustila da je ta operacija ni najmanje svede s puta kojim je ponosno i uspješno koračala. Tokom dvomjesečnog postoperativnog oporavka napisala je naučni rad pod nazivom “Ugovor o doživotnom izdržavanju u teoriji i praksi” koji će biti objavljen u Godišnjaku Pravnog fakulteta, kao i master rad pod nazivom “Nepostojeći pravni poslovi”. Posljednji predmet na master studijama položila je krajem jula, što je dovelo do toga da je ostvarila prosjek na tim studijama 10.00. To bi bio Ivanin put do sticanja zvanja diplomiranog pravnika, odnosno magistra prava.

“Za druge, kada slušaju, a ne znaju me, postoji samo uspjeh, dok za mene i one osobe koje su me pratile na tom putu postoje i bol, i suze, i tuga, i sreća i radost zbog svih dešavanja kako na fakultetu, tako i van fakulteta. I što je najbitnije od svega – da treba, da moram, sve bih isto i ponovo uradila, jer svaki korak koji sam učinila vrijedi te borbe. Fondacija Hastor za mene jeste jedna velika i dobra porodica. U njoj sam pronašla smiraj, prijatelje, upoznala ljude koje je vrijedilo upoznati. S druge strane, Fondacija i osobe u njoj za mene predstavljaju oličenje poštenja, dobrote i humanosti. Vjerujem i znam da ćete uvijek biti moj vjetar u leđa samim svojim postojanjem, a isto tako znam da bih za vas učinila sve što bude potrebno.”

STUDENTI SA PROSJEKOM 10,00

Jedan od naših stipendista koji se istakao među najboljima, s prosječnom ocjenom 10.0 je Adnan Hatibović. Završio je svoj dodiplomski i master studij na Filozofskom fakultetu u Sarajevu, na Odsjeku za sociologiju, a uprkos činjenici da je dijelom Fondacije tek dvije godine, sjajno se pokazao u svim zadacima i opravdao povjerenje koje mu je ukazano.

Kaže da je upisao fakultet u skladu s afinitetima koje ima i stava je da tržište rada ne bi trebalo diktirati odabir studija te da bi se čovjek kao takav trebao boriti protiv „industrijalizacije“ i „komercijalizacije“ obrazovanja koja je čovjeka svela na sredstvo, blokirajući njegove šarolike potencijale. Svoje slobodno vrijeme ispunjava crtanjem stripova japanskog tipa - mangi. Smatra da čovjek treba razvijati svoju ličnost višedimenzionalno, fokusirajući se i na intelektualni, duhovno-moralni, kreativno-umjetnički i u konačnici, fizički aspekt u svrhu izgradnje cjelovite ličnosti, ispunjavanja ljudskih potencijala.

“Ukratko, raditi nešto što se voli znači ulaganje i velikog truda koji potom dovodi do velikih uspjeha; biti najbolji u nečemu je karta za prevazilaženje sivila svakodnevnog sputavanja.”

Za Fondaciju je dodao:

“Vrijeme koje sam proveo u Fondaciji bilo je za mene je uveliko zabavno,

inspirativno, produktivno i stimulativno. Kroz Fondaciju sam stekao nova prijateljstva i širio vidike; omogućeno mi je da na različite načine razvijam svoje sposobnosti i date su mi prilike da stičem nova, za život i profesionalnu oblast, neophodna iskustva; dobijao sam inspirativne impulse, slušao inspirativne priče i svjedočio određenim stimulativnim projektima ili postupcima iz prve ruke; i u konačnici, Fondacija svima nama pruža finansijsku dobrobit i podršku koja nam je uveliko korisna.

Time sam kroz Fondaciju Hastor dobio mogućnost da se u oblastima koje smatram bitnim za ljudski život i ljudsku progresivnost dodatno nadogradim i da otvorim puteve za nova napredovanja. Prema tome, na osnovu rečenog, veoma sam sretan i ponosan što mi je omogućeno biti dijelom Fondacije. Ipak, formalni kraj ne znači i onaj zbiljski. Iskrena identifikacija s ciljevima Fondacije Hastor podrazumijeva aktivno učešće i nakon stipendiranja. Vrijeme provedeno u ovom okruženju podarilo mi je nadogradnju u višestrukim aspektima ličnosti, mogućnosti testiranja i postavljanja novih granica vlastitog razvoja. Nadam se da će moje konekcije s ovim okruženjem i moji doprinosi, u skladu s mogućnostima, biti prisutni i nakon ovog „formalnog razlaza“, jer i ciljevi i ideje Fondacije Hastor upravo to i podrazumijevaju.“



Adnan Hatibović

STUDENTI SA PROSJEKOM 10,00

Maida Husnić je diplomirana profesorica bosanskog jezika i književnosti, koja je svoje master studije na Odsjeku za bosanski jezik i književnost Fakulteta humanističkih nauka Univerziteta „Džemal Bijedić“ u Mostaru privela kraju ostvarivši prosječnu ocjenu 10.0.

U toku studija je učestvovala u organizaciji i realizaciji brojnih naučnih skupova i seminara, od kojih izdvajamo: učešće na Književnoj večeri s Irfanom Horzovićem, predavanjima povodom Dana maternjeg jezika u organizaciji Fakulteta humanističkih nauka, učešće na 6. Međunarodnom studentskom simpoziju u organizaciji Međunarodnog univerziteta Burch te učešće u radionici „ISTRAŽI, OPIŠI, NASLIKAJ ZAVIČAJ“, gdje se našla u ulozi koordinatorice u okviru sekcije za pisanje.

Pored toga, u toku studija se istakla kao najbolji student te dobila priliku da u toku jedne akademske godine bude demonstratorica na jezičkim predmetima na Odsjeku za bosanski jezik i književnost. Zahvaljujući dobrim rezultatima u toku studija, osvojila je više nagrada: nagradu Federalnog ministarstva obrazovanja i nauke za najboljeg studenta dvije godine zaredom (2017. i 2018), Dekanovu nagradu za najboljeg studenta FHN-a (2018), Zlatnu plaketu Unije studenata za najboljeg studenta (2018), a posebno izdvajamo nagradu člana Predsjedništva BiH Šefika Džaferovića za najbolje studente u BiH:

„Činjenica da neko prepoznaje uspjeh studenata predstavlja dodatnu motivaciju i pokazatelj da nismo usamljeni na stazama kojima hodimo ka uspjehu i da se cijene prave vrijednosti i, kao takve, nagrađuju. Uz sav trud, zalaganje i



Maida Husnić

i izdvojeno vrijeme, imala sam sreću da budem okružena pravim ljudima, koji su svaki moj korak činili lakšim. Pored porodice i prijatelja, izdvojila bih podršku Fondacije Hastor, kao jednog od motivacijskih faktora u mom studiranju. Ključno je shvatiti da sami kreiramo vlastitu sudbinu i ukoliko mi nećemo nešto učiniti za sebe – nemamo pravo da očekujemo pozitivne ishode.“

Uz sve navedeno, Maida je u toku studija imala priliku da se okuša u ulozi urednice i voditeljice serijala radioemisija na temu sudjelovanja u liječenju, prevenciji i borbi protiv raznih ovisnosti. Kada je riječ o planovima za budućnost, ističe kako bi se u potpunosti voljela okrenuti istraživanju u oblasti struke za koju se obrazovala:

“Govoreći o mojim planovima za budućnost, po završetku studija se posebno želim posvetiti naučnoistraživačkom radu, jer je to jedan od segmenata koji me posebno raduje i privlači, a nadam se da ću jednog dana imati priliku upisati doktorski studij te se tako posvetiti izgradnji vlastite ličnosti. Mislim da su znanje i naučnoistraživački rad ključni faktori kojima se možemo podići na viši nivo i duboko sam uvjerena da, u saradnji s kolegama širom zemlje, možemo dati značajan doprinos izučavanju bosnistike i nekim novim dostignućima na tom polju.“

Stipendistkinjom Fondacije Hastor je postala prije 4 godine, gdje se od samog početka istakla kao vrijedan volonter te je ubrzo postala članicom redakcijskog tima Fondacije Hastor:

„U decembru 2016. godine sam postala stipendistkinjom Fondacije Hastor, a od polovine 2017. godine sam i član redakcijskog tima Fondacije Hastor, prvo u svojstvu lektorice, a kasnije sam počela i s radom na pisanju članaka. Kada je u pitanju moje članstvo u Fondaciji, dugujem veliku zahvalnost cjelokupnom kolektivu koji me je naučio mnogim značajnim stvarima, ohrabrivao i podržavao godinama unazad. Zahvaljujući volontiranju s učenicima i mjesečnim sastancima studenata imala sam priliku upoznati brojne kolege iz cijele BiH, družiti se s njima, razmjenjivati mišljenja i ideje, razvijati vlastite vještine i sposobnosti kroz rad s djecom. S druge strane, članstvo u redakcijskom timu mi je pružilo nezaboravno iskustvo, s obzirom na moju struku, ali i nezaboravno druženje s mojim kolegicama i kolegama.“



Amina Suljić

Amina Suljić je dugogodišnja stipendistica Fondacije Hastor koja se od samog početka školovanja isticala odličnim uspjehom i izvrsnim vladanjem. Izvršavanje svojih obaveza na vrijeme i na najbolji način nastavila je i u okviru visokoškolskog obrazovanja. Studentica je Tehnološkog fakulteta Univerziteta u Tuzli, gdje je dosad ostvarila mnogobrojne zapažene rezultate. Po završetku prvog ciklusa na pomenutom fakultetu, na odsjeku Agronomija, Amina upisuje master studij na smjeru Ekološka poljoprivreda, gdje ostvaruje prosječnu ocjenu 10.0. Trenutno obavlja volonterski staž u veterinarskoj stanici, gdje usvaja nove informacije o poljoprivredi, kako bi u budućnosti mogla uspješno obavljati posao agronoma.

Njeno članstvo u Fondaciji Hastor traje još od osnovne škole, a o činjenici da se našla među zlatnim stipendistima Fondacije izdvaja:

„Prije svega moram da se zahvalim Fondaciji Hastor na ovoj časti da sam njen član, a i ovoj nagradi da spadam među naše vrijedne zlatne studente. Stipendista Fondacije Hastor sam poslala još u šestom razredu osnovne škole. Naša povezanost traje i danas, na mojoj petoj godini studija. Fondacija Hastor mi je pomogla da postanem ličnost koja svoje obaveze obavlja na vrijeme. Pomogla mi je da pobijedim samu sebe, jer nije uvijek bilo lako ustati i otići u drugi grad na volontiranje po snijegu ili kiši, a pri tome imaš i veliki broj drugih obaveza. Svi mi, volonteri, to razumijemo. Hvala na pruženoj prilici, na mom razvijanju u bolju osobu, na sklapanju prijateljstava na zajedničkom sastancima i volontiranju. Lijepo je čuti druge priče i upoznavati nove ljude. Hvala na mnogim lijepim uspomenama i želim Vam još puno uspješnih godina.“

STUDENTI SA PROSJEKOM 10,00

Ena Bešo je studentica prve godine drugog ciklusa studija elektrotehnike Fakulteta strojarstva, računarstva i elektrotehnike Sveučilišta u Mostaru, na usmjerenju Elektroenergetika. Prethodno je pohađala prvi ciklus na pomenu-tom fakultetu te se istakla ostvarivši ukupnu prosječnu ocjenu 5.0.

Njen uspjeh je prepoznat i na matičnom fakultetu te je imala priliku da se ostvari u ulozi studenta demonstratora na predmetu Elektronički elementi i sklopovi, stekavši na taj način iskustvo vrijedno za buduće aktivnosti. Ističe kako se pronašla u onome čime je odlučila da se bavi u budućnosti te da nije požalila niti jednog trenutka, o čemu, svakako, svjedoče i dosad postignuti rezultati.

„Smatram da sam napravila pravi izbor pri odabiru fakulteta. Segment koji me posebno interesuje je iskorištavanje obnovljivih izvora energije o čemu mnogo samostalno istražujem. Smatram da Bosna i Hercegovina ima mnogo potencijala kada su u pitanju

obnovljivi izvori energije te da se mi, kao mladi inženjeri, trebamo više posvetiti toj branši kako bismo doprinijeli održivom razvoju zajednice i bili korisni članovi iste.“

Kada su u pitanju vannastavne aktivnosti i aktivnosti kojima se okreće u svoje slobodno vrijeme, Ena ističe kako pohađa brojne kurseve putem online platforme Coursera. O postignutom uspjehu naša stipendistkica govori s velikom dozom skromnosti, ali ne skrivajući radost:

„Uspjeh na fakultetu mi donosi veliko zadovoljstvo, ali spoznaja da postoji još članova društva koji prepoznaju i cijene moj trud i rad, među kojima je i Fondacija Hastor, predstavlja dodatnu motivaciju pri ostvarenju ciljeva. Pored toga, smatram da status stipendiste Fondacije Hastor doprinosi razvijanju mnogih karakternih crta jedne zrele ličnosti - odgovornost, spremnost na saradnju, komunikativnost, solidarnost... Osjećam iskrenu zahvalnost prema Fondaciji Hastor.“



Ena Bešo



Eniz Garaplija

Jedan od naših stipendista koji se istakao izvrsnim uspjehom i ostvarenom prosječnom ocjenom 10.0 u toku studija je Eniz Garaplija, student drugog ciklusa studija Primijenjene matematike na Prirodno-matematičkom fakultetu Univerziteta u Sarajevu.

Ono što Eniza izdvaja na svojevrsan način jeste ljubav koju gaji prema matematici, za koju kaže kako nije omiljeni predmet velikom broju učenika tokom obrazovanja. S tim u vezi, Eniz ističe:

„Bio bih presretan kada bih znao da sam barem nekome od mlađih stipendista, radeći s njima, uspio biti motivacija u ovom naučnom polju.“

Osim volonterskog rada u okviru Fondacije Hastor, posvetio se podučavanju te nudi instrukcije iz matematike za srednjoškolce i studente. Pored toga, ističe kako se od malih nogu rekreativno bavi fudbalom i igranjem šaha.

Član Fondacije Hastor je od samog njenog osnivanja, punih 14 godina i ne krije izraze ljubavi i zahvale prema njoj:

„Ne postoje riječi kojima bih izrazio svoju zahvalnost za finansijsku pomoć koju mi je Fondacija pružila. O tome je suviše govoriti. Ipak, akcenat bih stavio na ljubazne, pozitivne i drage ljude s kojima sam provodio svoje volonterske sate u stjecanju novih znanja, radnog iskustva, kao i radne navike, što mi je danas od velike koristi. Svakodnevno se nađem u situaciji kada mogu da primijenim usvojeno znanje na inovativnim edukacijama koje mi je Fondacija Hastor pružila. Čast je biti dio ovog kolektiva, te biti okružen pozitivnim i ambicioznim ljudima.“

STUDENTI SA PROSJEKOM 10,00

Adisa Bolić je dugogodišnja stipendistkinja Fondacije Hastor i studentica prve godine drugog ciklusa studija Teorijske kompjuterske nauke na Prirodno-matematičkom fakultetu u Sarajevu. Prvi ciklus studija je uspješno okončala ostvarivši izvrstan uspjeh i ukupnu prosječnu ocjenu 10.0.

U svoje slobodno vrijeme se voli posvetiti sportskim aktivnostima, trenirajući razne sportove, a posebnu ljubav gaji prema životinjama te ističe kako uživa u šetnjama s psom.

Stipendistkinja Fondacije Hastor je od osnovne škole i kaže kako joj je Fondacije Hastor uveliko pomogla kroz njeno školovanje i život općenito:

„Fondacija mi je omogućila odlazak na školovanje u Sarajevo, gdje sam imala mnogo bolje uvjete za pripreme oko matematičkih takmičenja, ali i za mnogobrojne školske i izvanškolske potrebe. Pored toga, kroz razne aktivnosti u okviru Fondacije – volontiranje, mjesečne sastanke stipendista, upoznala sam osobe s kojima sam ostala u dobrim odnosima, što smatram jako značajnim.“



Adisa Bolić

VOLONTIRANJE U DOBA PANDEMIJE

Pandemija koronavirusa 2019/20. ili pandemija COVID-19, pandemija je nove bolesti disajnih puteva, koja se prvi put pojavila krajem decembra 2019. godine u Wuhanu, proširila se diljem svijeta te zahvatila i našu državu i prouzrokovala velike posljedice po privredu, ekonomiju, politiku, kulturu, obrazovanje i društvo u cjelini. Od polovine marta 2020. godine veliki broj djece i omladine je prestao prisustvovati nastavi u školama zbog privremenog zatvaranja u nastojanju prevencije i sprečavanja širenja bolesti. Kao rezultat zatvaranja škola, digitalno učenje na daljinu, tamo gdje je to tehnološki moguće, preuzima glavnu ulogu.

Volonterski rad koji se svakog mjeseca obavlja unutar našeg kolektiva, na različitim lokacijama poput domova kulture, prostorija mjesnih zajednica, različitih udruženja, školskih učionica i sl., u situaciji poput ove je onemogućen. Ipak, savladavanje školskih i drugih prepreka, usvajanje i prenošenje novih znanja, druženja prepuna zabavnih zadržaja, u Fondaciji Hastor su imperativ te su se ista nastavila održavati unatoč pandemiji koja nas je zadesila. Naime, kolektiv Fondacije se istinski potrudio da svojim stipendistima omogući nastavak rutine koju su stekli godinama unazad unutar naše porodice. S obzirom na novonastalu situaciju, uvjeti rada i volontiranja s najmlađima su se u velikoj mjeri izmijenili, ali se nije izgubi

lo na značaju i sadržajnosti volonterskih sastanaka. Naime, činjenicu da je vodeća fondacija ovakve vrste kako u BiH, tako i u okviru cijelog regiona, te da su njene aktivnosti i domen djelovanja kontinuirano popraćeni napretkom u svim sferama, pa tako i u sferi tehnologije, Fondacija Hastor je ponovno potvrdila, kreirajući platformu za rad sa distance, koja pruža brojne mogućnosti rada i komunikacije s najmlađima. Važno je napomenuti da je pomenuta platforma kreirana od strane bivših stipendista Sanela Delića i Rijada Muminagića, a ista je predstavljena u vrijeme proslave trinaeste godišnjice postojanja Fondacije Hastor, u aprilu 2019. godine, dakle, prije pojave pandemije koja je zadesila cijeli svijet i onemogućila obavljanje svakodnevnih aktivnosti.

Posljedično, zahvaljujući upravo ovoj aplikaciji, administrativni tim, mreža volontera, kao i sam tim supervizora su u neposrednoj interakciji bez eventualnih posrednika u okviru tog procesa, što u mnogome olakšava i ubrzava proces evidencije volonterskih sati i redovnih aktivnosti stipendista. Osim toga, važno je napomenuti i da platforma omogućava praćenje volonterskih sastanaka stipendista širom BiH posredstvom video-poziva i opcije „Monitoring“ koja je sastavnim dijelom ove platforme. Naime, aplikacija nudi opciju gdje svaki korisnik može pronaći kontakt informacije drugih

stipendista, kako studenata, tako i učenika osnovnih i srednjih škola i alumnija, dok je opcija „Monitoring“ u vrijeme pandemije nedostupna, s obzirom na to da se volonterski sastanci svakako izvode putem online platformi te se na taj način i kontrolišu.

Neophodno je istaći činjenicu da se volonterska druženja u Fondaciji Hastor i u doba pandemije koronavirusa odvijaju u punom kapacitetu, zahvaljujući predanosti našeg kolektiva sačinjenog od kreativnih, odgovornih i poduzetnih stipendista. Naime, naši studenti mentori svakoga mjeseca održavaju volonterske sastanke, jednakog kvaliteta kao i ranije i uz posvećenost svakom učeniku ravnopravno, putem raznih online platformi, kakve su Zoom, Microsoft Teams, Google duo, BigBlueButton i sl. Izmijenjene okolnosti nisu predstavljale prepreku za redovne aktivnosti naših stipendista te s ponosom možemo istaći činjenicu da su volonterski sastanci putem pomenutih platformi izuzetno produktivnog karaktera, a naši studenti stipendisti redovno komuniciraju s mlađim učenicima, pomažući im u vezi s potencijalnim poteškoćama koje se javljaju s online nastavom i školskim gradivom, prezentujući edukativne i zabavne sadržaje, razmjenjujući mišljenja i ideje i, što je najvažnije, pružajući podršku i oslonac jedni drugima, onako kako su to oduvijek radili.

Volontiranje se u Fondaciji Hastor za vrijeme pandemije koronavirusa, uz volonterske sastanke organizovane putem online platformi, vrši i putem volontiranja u lokalnoj zajednici, čiji je cilj razvijanje potencijala i mogućnosti naših stipendista. Naši studenti svakog mjeseca provedu nekoliko sati tako što učestvuju u aktivnostima unutar lokalne zajednice, pružaju pomoć starim i iznemoglim osobama, organizuju ekološke i humanitarne akcije.

Na kraju, preostaje nam da neskromno zaključimo kako kolektiv Fondacije Hastor ne prihvata prepreke u bilo kojem kontekstu, zahvaljujući svjesnosti o činjenici da godinama unazad zajedničkim snagama i naporima otklanjamo sve barijere i kreiramo staze kojima naša porodica hrabro korača ka uspjehu!



Po definiciji, RAM je radna memorija računara. U Bosni i Hercegovini, „radna memorija” su upravo proaktivni i marljivi mladi ljudi koji su svojim djelovanjem primjer društva koje naša država treba. Kroz ovu rubriku predstaviti ćemo aktivne mlade stipendiste Fondacije Hastor, koji pored volontiranja, rade fenomenalne stvari i tako predstavljaju Fondaciju u najboljem svjetlu!

Azra Bećirović iz Sarajeva studentica je prve godine informacionih tehnologija na Internacionalnom univerzitetu Burch u Sarajevu. Stipendistica je Fondacije Hastor dugi niz godina, još od 7. razreda osnovne škole, gdje se kroz volontiranje i mentorstvo formirala u ličnost kakva je danas. U šali rado kaže da je po religiji ljubitelj mačaka i da voli Fondaciju zato što ne diskriminira ljude na tom osnovu. Šalu na stranu, kao i mnoge druge stipendiste, i Azru je Fondacija motivisala da se društveno pokrene. Kaže da joj je još od osnovne škole bilo bitno doći na volontiranja i sastanke, jer do tada nije bila baš najdruštvenija osoba, pa su joj upravo mentori pomogli da se oslobodi i da lakše sklopi prijateljstva, a mnoge njihove savjete i danas nosi kroz život.

„Fondacija Hastor je u meni vidjela nešto što ni sama nisam mogla. Svojim vrijednim radom mi je omogućila ne samo da studiram na ovom fakultetu, već i da uopće imam opciju studiranja na njemu. Bez stipendije, nema šanse da bih se mogla finansirati. Ovako, mogu s ponosom reći da sama sebi plaćam fakultet.“

Zbog svega ovog ističe da je za mlade ljude veoma važno biti dio nečega, neke mreže poznanstava, bilo to u Fondaciji Hastor, ili u drugim humanitarnim, neprofitnim, nevladinim, i brojnim drugim organizacijama budući da je samo tako moguće razviti se u potpune ličnosti spremne poboljšati svijet, a prvenstveno Bosnu i Hercegovinu.

IT svijet i programiranje su za Azru izrazito bitni, što je njen univerzitet prepoznao, pa je tako dobila poziv da bude edukator na ovogodišnjem Hour of Code-u. Predavala je osnove programskog jezika Python učenicima osnovne i srednje škole. Obim programa bio je mnogo širi nego što je mislila, te joj je bilo drago vidjeti da je, iako nije profesionalac u ovom polju, uspjela prenijeti znanje učenicima te ih privući da, zajedno s kolegama, budu dio IT svijeta i svoju budućnost grade u tom pravcu.

„Do ove tačke nisam bila svjesna da sam dio tako ogromnog projekta i da sam jednim dijelom zaslužna za to što se preko 100 osnovnoškolaca i srednjoškolaca prije svega zabavilo, a također su i naučili nešto korisno i novo.“

Ubrzo nakon Hour of Code-a su je kontaktirali nadležni iz Centra za poslovnu edukaciju, želeći da zajedno sa još dvoje kolega održi predavanje o programiranju osnovnoškolcima. Nakon toga, imala je priliku ponovno predavati osnovnoškolcima na svom fakultetu, što pokazuje da Fondacija zaista podržava prave mlade, perspektivne i uspješne ljude.

„Sve ovo je bio volonterskog karaktera, ali sam vrlo rado prihvatila. Bitno je dijeliti svoje znanje, pogotovo s tako mladim ljudima. Sreća na njihovim licima kada riješe neki program je bila neprocjenjiva.“

Azra Bećirović



Kroz osnovno i srednje školovanje promijenila je puno mentora, i učila od njih bitne stvari o Fondaciji, a sada konačno ima tu čast da i sama bude mentorica jednoj divnoj grupi učenika iz Srednje zubotehničke škole u Sarajevu.

„Bez obzira na to kakve probleme trenutno imam kući, u školi, u ljubavnom životu ili u apsolutno bilo kojoj sferi svog života, na volontiranjima s ostalim učenicima mogu podijeliti te probleme i dobiti iskren i prijateljski savjet. Htjeli mi to ili ne, naše mlađe kolege u nama vide jedan veliki uzor, kao što vide u majci ili u profesoru. Mi smo tu da ih upoznamo s mnogim stvarima o svijetu i kulturi i da ih uvedemo u aktuelne teme današnjice. Naša volontiranja su odlična prilika za to. Zahvaljujući adekvatnim temama i planom i programom mogu biti vrlo zanimljiva i to vrijeme se može jako kvalitetno ispuniti.“



Hana Kolasević

Hana Kolasević, devetnaestogodišnja stipendistkinja iz Travnika, maturirala je u Ekonomskoj školi u Travniku te čeka početak prve studentske godine na Ekonomskom fakultetu u Tuzli. Hanin, kao i aktivizam brojnih drugih mladih ljudi, počinje u srednjoj školi. Hanina aktivistička priča počinje u trećem razredu, kada je s kolegama dobila poziv da bude dio projekta "Budi inspiracija", organizovanog od strane USAID-a i drugih partnerskih organizacija: Nacionalni demokratski institut (NDI), Inicijativa mladih za ljudska prava u BiH (YIHR) i Infohouse. Projekat "Budi inspiracija" omogućio je Hani učešće na brojnim seminarima. U Doboju je prisustvovala brojnim predavanjima o historiji, pravdi u tranziciji, simulaciji suđenja, te brojnim drugim aktivnostima. Nakon Doboja, u Zenici prisustvuje debatnoj akademiji i osnovama debatiranja. Jedna od aktivnosti je, također, i paintback akcija koja je za cilj imala preslikati uvredljive grafite umjetničkim muralom. Nakon Zenice, uslijedio je trening projektnog pisanja na Jahorini, biciklistička posjeta historijskim lokalitetima u Sarajevu, Srebrenici i Tuzli te evaluacija u Sarajevu. Hana je kroz sve ove aktivnosti uspjela ostvariti mnoga poznanstva, te je jedno od tih upravo rezultiralo učešćem na još jednom projektu - paintback akciji, gdje je ukrašen zid Narodne i univerzitetske biblioteke Republike Srpske.

Hana Kolasević, devetnaestogodišnja stipendistkinja iz Travnika, maturirala je u Ekonomskoj školi u Travniku te čeka početak prve studentske godine na Ekonomskom fakultetu u Tuzli. Hanin, kao i aktivizam brojnih drugih mladih ljudi, počinje u srednjoj školi. Hanina aktivistička priča počinje u trećem razredu, kada je s kolegama dobila poziv da bude dio projekta "Budi inspiracija", organizovanog od strane USAID-a i drugih partnerskih organizacija: Nacionalni demokratski institut (NDI), Inicijativa mladih za ljudska prava u BiH (YIHR) i Infohouse. Projekat "Budi inspiracija" omogućio je Hani učešće na brojnim seminarima. U Doboju je prisustvovala brojnim predavanjima o historiji, pravdi u tranziciji, simulaciji suđenja, te brojnim drugim aktivnostima. Nakon Doboja, u Zenici prisustvuje debatnoj akademiji i osnovama debatiranja. Jedna od aktivnosti je, također, i paintback akcija koja je za cilj imala preslikati uvredljive grafite umjetničkim muralom. Nakon Zenice, uslijedio je trening projektnog pisanja na Jahorini, biciklistička posjeta historijskim lokalitetima u Sarajevu, Srebrenici i Tuzli te evaluacija u Sarajevu. Hana je kroz sve ove aktivnosti uspjela ostvariti mnoga poznanstva, te je jedno od tih upravo rezultiralo učešćem na još jednom projektu - paintback akciji, gdje je ukrašen zid Narodne i univerzitetske biblioteke Republike Srpske.

„Na tom seminaru imali smo predavanja o rezoluciji (kao vidu dijaloga), šta je rezolucija, za šta nam služi te smo pisali rezoluciju na različite teme.“

U Sarajevu je, također, učestvovala u aktivnosti „Javni govor i dijalog u zajednici (Stand up)“, gdje je imala priliku saradivati sa Zanom Marjanović i Emirom Kapetanovićem te našim odnedavno pokojnim, sit-down komičarom Jasminom Džemiđićem.

„U februaru je održana Završna konferencija projekta ‘Budi inspiracija’, gdje sam imala priliku da javno iznesem svoje mišljenje o projektu, kako je utjecao na mene, šta sam novo naučila i šta je najvažnije za mene tokom održanih aktivnosti.“

Hana ističe da je ponosna na svaku aktivnost u kojoj je sudjelovala, ponajviše zbog novih poznanstava i činjenice da su upravo ovakvi seminari prilika da se nauči nešto novo, putuje te razmjenjuju mišljenja bez predrasuda o razlici u godinama. Ipak, izdvaja paintback aktivnosti u Zenici i Banjaluci.

„U Zenici smo prefarbali grafite uvredljivih sadržaja, poslali poruku da mladi mogu ujedinjiti sve promijeniti i da želimo promjene, da ne želimo razdvajanja po nacionalnoj ili bilo kakvoj drugoj osnovi. Seminar u Banjaluci mi ostaje u posebnom sjećanju jer nismo bili u pratnji profesora, takav je bio koncept. Zanimljivo je bilo voditi grupu mlađih kolega iz prvog razreda koji nisu imali priliku da do sada učestvuju u prethodno navedenim aktivnostima. Također, to je bila njihova prva posjeta drugom najvećem gradu u BiH koja im je ostala nezaboravna.“

Hana smatra da je jako važno da mladi ljudi budu aktivni učesnici svih dešavanja u okolini uz riječi:

„Na mladima svijet ostaje, jedino mi možemo pokrenuti promjene za bolju budućnost, dok od odraslih možemo tražiti podršku.“ Stipendistkinja je već godinu dana i kaže da je na sastancima upoznala nove mlade i ambiciozne ljude s kojima na svakom sastanku razgovara o različitim temama, gdje razmjenjuju mišljenja i iskustva te se tako uče i toleranciji. „Moja poruka za stipendiste Fondacije jeste da uvijek budu uporni, aktivni, da iskoriste svaku priliku koja im se pruži. Nikada ne znate šta će vam te prilike donijeti i koliko će vam kasnije to značiti. Također, ukoliko volite da učestvujete u sličnim aktivnostima, zapratite prethodno navedene organizacije na društvenim mrežama.“





Ismet Kadrić

Ismet Kadrić je rođen u Travniku gdje je odličnim uspjehom završio osnovnu i srednju školu. Trenutno je na završnoj godini prvog ciklusa studija na Ekonomskom fakultetu u Sarajevu, smjer Finansijski menadžment. Ističe da je veoma ponosan na činjenicu da je stipendista Fondacije Hastor već četiri godine jer tako svoje vrijeme, trud i znanje može pokloniti mlađim stipendistima Fondacije – sada već i prijateljima kojima je rado na raspolaganju. Ističe da najviše volontira u Fondaciji i da nastoji da volontiranje s mladim stipendistima bude njegov prioritet.

Ismet mlade stipendiste podučava najviše o bitnim životnim pitanjima, gdje im priča o stvarnim, vlastitim događajima uz poruku:

„Učite se na mojim greškama.“

Naravno, njegovo volontiranje ne prestaje tu; samostalno je aktivan i u svojoj i u drugim lokalnim zajednicama kada ima dovoljno vremena pored ostalih obaveza.

“Što se tiče aktivnosti u lokalnoj zajednici obično su šarolike, posebno ovaj period nameće dosta poslova u baštama i nastojim pomoći svojoj porodici i prijateljima, ali nekada to zna biti i neka aktivnost koja doprinosi cijeloj zajednici, pa se tako, naprimjer, nekada dosjetim očistiti korito prirodne izvorske vode. Sve to nastojim da uradim zarad svog zadovoljstva, jer me zaista to usrećuje. Naravno, uvijek se držim toga da finansijska pomoć nije jedini način na koji nekome možemo doprinijeti i pomoći, često je lijepa riječ i nekoliko minuta razgovora sasvim dovoljno da nekome makar uljepšamo dan.“

Ono što je jako primjetno kroz Ismetov rad jeste upravo njegova humanost i nesebičnost – vrline neophodne za uspješno djelovanje. U razgovoru je istaknuo da nekada čak i stvari koje su nama potpuno bezazlene, drugima znače mnogo:

„Možda da se zapitamo ako starija nana ili djed u komšiluku nisu u stanju donijeti drva, otići po lijekove, da li je to pomoć? Naravno da jeste, i to pomoć koja nama može biti i ‘usputna’ i na koju nećemo čak potrošiti svoje vrijeme.“

Posebno u ovom surovom vremenu koje je zahvaćemo pandemijom koja ne jenjava bilo je potrebno mnogo volontera, na šta sam se odazvao i uključio u aktivizam mladih ljudi koji su uvijek spremni na pomoć.“

Također, Ismet naglašava koliko je važno samo iskustvo koje se stiče volontiranjem, te da čak i razgovori s ljudima koji se nalaze u teškim i lošim životnim situacijama uvijek ostave poseban utjecaj zbog svake životne priče. Volonterske aktivnosti, kaže, obično opisuje kao „cigle koje grade ličnost“, gdje je svaka aktivnost jedna nova cigla, jedna stepenica više u životu. Za Ismeta, Fondacija Hastor je temelj na kojem se one grade. Pored finansijske pomoći, Fondacija je pomogla i u izgradnji ličnosti, stjecanju vrijednih prijateljstava i dala mnoge dobre ideje.

„Mislim da je ona snaga i pokretač mojih uspjeha, te da svaki uspjeh radim kako bih ispunio zadovoljstvo svoje porodice i Fondacije Hastor kao moje druge porodice. Smatram da svoju ličnost gradim raznim aktivnostima i iskustvima i mogu priznati da se ova metoda do sada, barem kod mene veoma dobro pokazala.“

Ipak, najponosniji je na rad sa djecom. Još od osnovne škole želja mu je bila da bude učitelj, te je redakciji otkrio da je jedan od najsretnijih dana u njegovom životu bio kada je od amidže dobio „razrednu knjigu“, odnosno pravi školski dnevnik.

„Kako su godine prolazile, ekonomija se našla na prvom mjestu, ali utjeha je bila da i, ako završim ekonomiju mogu raditi sa djecom. Zahvaljujući Fondaciji Hastor želja da radim sa djecom se ispunila mnogo ranije, još početkom studiranja. Već skoro tri godine vodim volonterske sastanke koje nastojim učiniti zanimljivim i poučnim, pa tako često zapostavim neke planirane teme i zamijenim ih edukativnim radionicama, testovima inteligencije, temama koje nas uče kako da se ponašamo, komuniciramo, a nekada upetljamo i ekonomiju pa učimo kako da trošimo.“

Posebno ga usrećuju sastanci sa ovogodišnjom grupom stipendista, osnovnoškolaca, kojima je uspio pomoći da već sada izgrade dio svoje ličnosti i da imaju svoje itekako „zrelo“ razmišljanje te nekada pomisli da razgovara s maturantima srednje škole.

„Ponosan sam što sam mnogima od njih uspio pomoći i bio odgovoran za to da poprave svoje opće uspjehe u školama, iako sam svjestan da su i loše ocjene opravdane ukoliko nešto iz toga naučimo. Nekada dobijem i titulu strogog mentora, ali me to raduje, tada znam da sam nešto napravio.“

Kao i svaki pravi volonter, i Ismet smatra da je aktivnost u društvu važna, te da u životu ekonomije i finansija su mnogo važniji priroda i društvo bez kojih se ne može živjeti.

RAM - RUBRIKA AKTIVNIH MLADIH

doprinosom okolini, doprinosimo i nama samima. S obzirom na to da je mjesec ispitnih rokova bio u toku, uspio je ispuniti samo neke od mnogobrojnih ideja za volontiranje u lokalnoj zajednici, kao što su čišćenje lokalnog puta i pomoć pri izgradnji bazena za jedan mali zaseok u njegovom mjestu. Ove aktivnosti svakako da su ga usrećile, posebno jer su jako korisne za mještane. Ismet je svakako otkrio i neke od budućih planova, iako ih je sada zaista mnogo. Priznaje da se boji da će možda biti teško donijeti odluku, ali kako voli prihvatati izazove, razmišlja o nastavku drugog ciklusa studija u inostranstvu te o paralelnom studiranju i zaposlenju nakon završetka prvog ciklusa ove godine u septembru.

„Naravno, uvijek ću biti tu za Fondaciju Hastor i davati sve od sebe, kao što Fondacija trenutno radi za mene. Veliko je zadovoljstvo biti dio ove velike porodice. Svim stipendistima Fondacije bih poručio da Fondaciju ne gledaju samo kao finansijsku ustanovu iz koje im dolazi pomoć, već da shvate važnost i njene druge strane te da se pokušaju pronaći u onome šta najviše vole raditi i slobodno rade, jer sam siguran da će im Fondacija uvijek biti podrška. Mislim da se svi trebamo sjetiti citata koji kaže: ‘Volonteri nisu plaćeni, ne zato što su bezvrijedni, već zato što su neprocjenjivi.’“

Azra Zahirović je dugogodišnja volonterka i stipendistica Fondacije Hastor. Za sebe kaže da je u svoje 23 godine života bila aktivna polovinu toga vremena, pa je titula volonterke postala sastavni dio njenog imena. Zlatna je značka Univerziteta u Sarajevu, a 2019. godine stekla je zvanje Bachelor politologije (međunarodni odnosi i diplomatija). Daljnje školovanje odlučila je nastaviti na Ekonomskom fakultetu u Sarajevu prateći svoje aspiracije u polju ekonomske diplomatije. No, nije se zaustavila samo na formalnom obrazovanju. To je samo dio priče.

„Mislim da je društveni angažman jako važan za razvoj ličnosti, a bez volontiranja u Fondaciji Hastor, kao i mnogobrojnim NGO organizacijama ja sigurno ne bih bila ono što sam danas.“

Azrine prve volonterske aktivnosti počele su kroz školske sekcije i časove Crvenog križa, a nastavile se ozbiljnije u srednjoj školi. Pet godina (gotovo čitavu srednju školu) bila je članica Odbora Omladinske banke u Novom Travniku, istovremeno se uključujući u aktivnosti Mreže savjeta/ vijeća učenika „Mislim da je društveni angažman jako važan za razvoj ličnosti, a bez volontiranja u Fondaciji Hastor, kao i mnogobrojnim NGO organizacijama ja sigurno ne bih bila ono što sam danas.“ Posebno se ponosi projektom IKS (Interkulturalne kreativne sedmice/tjedni) u organizaciji Udruženja za prevenciju ovisnosti NARKO-NE, gdje je čak pet godina bila

volonterka, odnosno članica top tima. Projekat je podrazumijevao razmjenu studenata i rad sa djecom, te je tokom ljetnog raspusta učenicima različitih uzrasta pružena prilika da budu aktivni i nauče nešto novo. Projekat je trajao pet godina, a po finalizaciji istog Azra se posvetila nekim drugim aktivnostima u udruženju.

„Iako je tu bilo mnogo toga, za mene su najljepši trenuci bili u toku projekta Interkulturalne kreativne sedmice, gdje bismo na kraju organizirali i Kids Festival. Bila sam strašno ponosna na činjenicu da su mlade generacije zainteresovane za volontiranje, ali je jako malo onih koji o tome brinu, posebno u manjim sredinama. Tada sam shvatila da naša budućnost zavisi od našeg odnosa prema djeci i onoga što im ostavljamo. Upravo tada, možda prvi put, u potpunosti sam shvatila misiju Fondacije Hastor, i bila više nego ikad sretna što sam dio porodice i svjesnih ljudi koji ulažu u obrazovanje.“

Godine 2019. kreće njeno interesovanje za mirovne procese u BiH i sudjeluje u nekoliko projekata vezanih za izgradnju mira u regiji, te je čak iz predmeta Nauka o miru pisala esej o spomenicima sjećanja u BiH i Sarajevskim ružama, pod nazivom „Crveno kao sjećanje“ za koji ističe da joj je posebno važan. Iste te godine desilo se mnogo lijepih stvari, kao i Azrino diplomiranje. Postala je članica Youth Advisory Group (YAG), Misije

Azra Zahirović



SCE u BiH, te početkom 2020. članica Koalicije „Zanemari razlike“ i volonterka na projektu IMEP podržanog od strane USAID-a. Šta je Azra poručila stipendistima Fondacije Hastor?

„Moja poruka je jasna: edukujte se i čitajte. Znanje je uistinu jedino što vam ne mogu uzeti. A ova država, ako želi izaći iz krize u kojoj se nalazi treba upravo mlade i obrazovane ljude. Ne zaboravite: ‘Naš život završava onog dana kada postanemo nijemi na stvari koje nas se tiču’. (Martin Luther King) Mene i vas se definitivno tiče.“



Amina Vatreš

Fondacija Hastor već dugi niz godina njeguje brojne vrijednosti unutar svoje zajednice. Naši stipendisti su ambiciozni, poduzetni i nadasve uspješni ljudi. Naša porodica se uistinu može pohvaliti velikim brojem stipendista koji ostvaruju zapažene rezultate na polju obrazovanja i nauke. Međutim, pored toga, tim Fondacije čine mladi ljudi koji doprinose radu Fondacije, unapređujući ga svojim znanjem i vještinama, ali i svojom posvećenošću volonterskom radu u okviru Fondacije. Jedna od njih je i dugogodišnja stipendistica Amina Vatreš, koja se može pohvaliti svim ranije navedenim vrijednostima. Amina je rođena u Sarajevu, gdje završava osnovnu i srednju školu, s najboljim ocjenama i brojnim titulama.

S obzirom na to da je već u osnovnoj školi razvila veliku ljubav prema čitanju i povezanost s knjigama, istakla se na brojnim takmičenjima u okviru osnovnoškolskog obrazovanja. Nakon osnovne škole upisuje Drugu gimnaziju, koju završava 2015. godine na jezičkom usmjerenju. Važno je naglasiti kako su jezici jedna od njenih najvećih ljubavi, uz njeno profesionalno usmjerenje i čitanje knjiga. Godine 2015. nastavlja formalno obrazovanje upisavši Fakultet političkih nauka u Sarajevu na Odsjeku za komunikologiju. Po završetku prvog ciklusa studija, 2018. godine, shodno ostvarenom prosjeku ocjena, kao najboljoj studentici na odsjeku, uručeno joj je priznanje Srebrna značka Univerziteta u Sarajevu. Drugi ciklus studija je, također, finalizirala na Odsjeku za komunikologiju Fakulteta političkih nauka s ukupnim ostvarenim prosjekom ocjena 9.8, shodno čemu će joj biti uručeno priznanje Zlatna značka Univerziteta u Sarajevu.

O Amininim ambicijama i poduzetnosti govore brojne aktivnosti koje je obavljala u toku studija, a koje uključuju obravljanje prakse na RTV BiH, te tromjesečne prakse u Centru za istraživačko novinarstvo. Također, angažirana je i u Institutu za društvena istraživanja Fakulteta političkih nauka, gdje radi na realizaciji naučnoistraživačkih projekata i organizaciji stručnih konferencija. U okviru studija je učestvovala na mnogobrojnim takmičenjima, od kojih, kao nama najdraže, izdvajamo prvo mjesto za najbolji tekst u okviru radionice „Medijska i informa-

cijska pismenost u Bosni i Hercegovini u funkciji kritičkog mišljenja i zagovaranja mladih“, te nagradu za jedan od najbolja tri teksta na takmičenju „Naši glasovi kroz pisanu riječ“, koji je tematski orijentisan ka zagovaranju prava osoba s invaliditetom. Naime, govoreći o prvoj nagradi za najbolji tekst u okviru prethodno pomenutog takmičenja, Amini je kao inspiracija poslužila dugogodišnja stipendistkinja Fondacije Hastor Alma Mujanović. Posebnu zainteresiranost Amina pokazuje kada je riječ o izučavanju utjecaja medija na društveni realitet, čime se bavi integrativna sociološko-komunikološka disciplina – sociologija medija i tema njene master teze pripada upravo ovoj naučnoj oblasti. Govoreći o planovima za budućnost, njene ambicije usmjene su ka pisanju stručnih naučnih radova, kao i ka upisu na doktorski studij iz oblasti komunikoloških nauka. Aktivizam, spremnost na rad, marljivost, entuzijizam i pozitivan duh, Amina je pokazala i kroz volonterske aktivnosti u okviru svoga djelovanja unutar Fondacije Hastor, čijim je članom već trinaest godina. Uz volonterske sastanke s mlađim stipendistima Fondacije, Amina je članom redakcijskog tima već dugi niz godina, gdje je trenutno angažirana kao urednica na poslovima u vezi s uređivanjem web-stranice i redovnog mjesečnog biltena. O njenim sposobnostima i preduzimljivosti govori i činjenica da je u okviru Fondacije bila angažirana kao lektorica knjige učitelja Rame Hastora, zajedno sa svojim kolegicama i kolegama. Imajući u vidu sve navedeno i poznavajući Aminu godinama unazad, ne

preostaje nam ništa nego da joj se iskreno i od srca zahvalimo na njenoj predanosti i angažiranosti unutar Fondacije.

„Stavljajući mladu, ambicioznu individuu u fokus svog društveno odgovornog djelovanja i dajući joj priliku da ispolji svoje afinitete unutar različitih društvenih domena, Fondacija Hastor iz godine u godinu afirmira svoju dugoročnu misiju orijentiranu ka sveopćem društvenom progresu temeljenom na kvalitetnom obrazovanju. Mišljenja sam da je elementarni zadatak nas, njenih stipendista, da svojim postignućima i filantropskim djelovanjem konzistentno potvrđujemo suštinu onoga što zapravo reflektira slogan Fondacije da obrazovanje, kao najznačajniji i najdugotrajniji proces u životu svakog čovjeka, zaista i jeste izbor pobjednika. Istakla bih da je članstvo u okviru Fondacije Hastor ubitnome pozitivno utjecalo na izgradnju moje ličnosti. Nesebična podrška i stabilan oslonac, koji sam kao stipendistkinja dobila još prije 13 godina, orijentirali su moje razmišljanje, ponašanje, ali i ambicije ka težnji da uvijek i u svemu budem najbolja verzija sebe, ne postavljajući si pri tome limite ni u čemu što radim niti čemu težim. Rekla bih da smo Fondacija i ja, kroz proteklih trinaest godina koliko sam njenim dijelom, rasle zajedno. Prateći i podržavajući moje formalno obrazovanje, moje uspjehe i moj napredak uopće, od školske klupe pa sve do fakultetske katedre, ostavila je snažan pečat na sve ono što ja danas jesam.“



Lamija Mezit

Lamija Mezit je studentica druge godine Fakulteta informacijskih tehnologija u Mostaru, smjer Razvoj softvera, te je već drugu godinu naša stipendistica. Prije svog ulaska u svijet aktivizma, fokusirala se na formalno obrazovanje, te su joj obuke koje nudi neformalno obrazovanje i projekti izgledali apstraktno. Obuka Instituta za razvoj mladih KULT "Uči, misli i djeluj", generacija 13, promijenila je Lamijin pogled na obrazovanje. Tu je pronašla novi način da pokaže svoju posvećenost i spremnost za usvajanje znanja. Svaki početak je težak, pa priznaje da se, sasvim prirodno, nije najbolje snalazila zbog toga što se takve metodologije rada nisu koristile kroz njeno dotadašnje obrazovanje, ali je ubrzo vidjela koliko su sva stečena znanja

zapravo primjenjiva i vrlo korisna. Tog trenutka cilj joj je postao da poboljša društvo i svoju lokalnu zajednicu kroz građanski aktivizam.

"Građanski aktivizam nam pruža mogućnost da glasno kažemo svoje mišljenje te da ne pratimo nikakve stranačke lidere, nego iznosimo svoje stavove i borimo se za ono u šta zaista vjerujemo."

Neformalno obrazovanje pružilo joj je usvajanje različitih teorijskih znanja primjenjivih u praksi i razvoj kompetencija koje su danas konkurentne na tržištu rada. Ističe da je u današnjem društvu nemoguće očekivati i garantirati jedno zaposlenje za cijeli život koje se sprema kroz proces formalnog obrazovanja. Nakon te obuke bila je učesnica brojnih seminara, radionica, kurseva, u organizaciji vladinih i nevladinih organizacija.

"Aktivnim učešćem u svim tim aktivnostima postala sam bogatija za mnoštvo novih iskustava, znanja, vještina i sposobnosti da odgovorim uspješno na nove izazove i prepreke u savremenom i turbulentnom načinu života. Kroz neformalno obrazovanje mnogo se više pažnje posvećuje međuljudskim odnosima, što mi je pomoglo da proširim vlastite vidike i bolje razumijem sebe i druge ljude."

Njen prvi projekat nosi naziv „Plaža je uređena! Svi na kupanje!“ i predstavlja primjer pozitivne aktivnosti koja budućim generaci-

jama njenih sugrađana ostavlja prostor za djelovanje i podlogu za brojne druge pozitivne aktivnosti. Od vrlina kojima se ponosi ističe upornost i činjenicu da, uprkos višestrukom radu, uspijeva uskladiti sve obaveze i ne odustaje niti od jedne aktivnosti koju odluči realizovati. U slobodno vrijeme izrađuje web stranice, te je i članica udruženja Volonteri i prijatelji konjičke regije, koje joj je pri realizaciji projekta pružilo i najveću podršku. „Pored realizacije projekta 'Plaža je uređena! Svi na kupanje!', postoji još jedan projekat koji sam radila zajedno s organizacijom Volonteri i prijatelji konjičke regije, a to je Karneval dječijeg osmijeha, kojeg realizujemo već šestu godinu za redom.“ Zajednica prepoznaje kvalitet mladih! U decembru 2018. godine dobila je priznanje za građanski aktivizam i razvijanje demokratije, a 2019. godine priznanje za najbolju volonterku godine na području općine Konjic.

"Smatram da mladi trebaju posvetiti više vremena aktivizmu mladih. Aktivizam, u bilo kom obliku je nešto nevjerovatno. Mladi ga često gledaju samo kao besplatan rad, ali on je mnogo, mnogo više od toga. Aktivizam pruža nevjerovatne prilike za učenje, rad, putovanja, ali što je najbitnije, on pruža mogućnost da se tvoj glas čuje. U tome i jeste najvažnija stvar, kroz sve ovo što i ja radim, mlada osoba može dobiti mnogo toga, ali isto tako može pomoći svojim vršnjacima, roditeljima, lokalnoj zajednici i tako dalje."





Benjamin Selimović

Benjamin Selimović dolazi iz Mostara i ove godine završava Koledž ujedinjenog svijeta u Mostaru (UWC Mostar). Stipendista je Fondacije Hastor već dvije godine, a tri godine se bavi aktivizmom, čime se s pravom i ponosi. Njegova aktivistička priča počinje 2017. godine učešćem na Mostar MUN konferenciji koju organizuje UWC Mostar, a koja je okupljala mlade iz cijelog svijeta da simuliraju rad Ujedinjenih naroda. „Tada nisam mogao ni sanjati da ću ja jednog dana biti taj koji će organizirati takve događaje.“ U posljednje 3 godine bio je dijelom jako velikog broja organizacija: član Budi Muško Kluba u Mostaru, Asocijacije srednjoškolaca u Bosni i Hercegovini (ASuBiH), učesnik Mostarskog ljetnog omladinskog programa (MSYP),

Vijeća mladih Grada Mostara, Evropskog parlamenta mladih u Bosni i Hercegovini (EYP BiH). Prisustvovao je jako velikom broju događaja širom Bosne i Hercegovine, ali i regije. Bio je dio prve Simulacije Gradskog vijeća Grada Mostara, organizator više regionalnih sesija EYP BiH, facilitator ljetnih škola u Mostaru, te velikog broja aktivnosti njegove trenutne škole UWC Mostar.

„Svakako smatram da je veliki dio moje ličnosti ustvari izgrađen kroz moj rad s nevladinim organizacijama. Svako ovo iskustvo je jedna priča za sebe, te je svako iskustvo nosilo svoje lekcije. Kako uvažavati i poštovati druge, kako održati govor, kako sam organizirati jedan takav događaj, te kako, ustvari motivirati, mlade ljude da budu dio tog događaja, jer je to ipak ono što svaki ovaj događaj želi – da motivira mlade ljude da budu promjena u svome društvu.“

Jako mu je teško izdvojiti jedan događaj na koji je najponosniji, baš zbog toga što je svaki poseban. Ipak, izdvaja ljetnu školu Bridging Cultures 2018, gdje je kao učenik UWC Mostar imao mogućnost facilitacije događaja. Bridging Cultures 2018 okupio je 35 učesnika iz Hrvatske, Srbije, Albanije, Kosova, Bosne i Hercegovine, Sjeverne Makedonije i Crne Gore. Cilj projekta bio je okupiti mlade sa Balkana i pokazati koliko toga oni imaju zajedničkog. Projekat je trajao 15 dana, i kroz taj period učesnici su prošli kroz iskustvo koje im je promijenilo život.

„Moramo biti realni i prihvatiti činjenicu da je nacionalizam u našoj državi još uvijek prisutan, ali to ne mora i (ja se bar nadam) neće biti tako dugo, upravo zbog mladih ljudi koji su aktivni u svom društvu. Mladi jesu oni koji će promijeniti naše društvo nabolje.“

Benjamin ističe da primijeti da se od doba kada je on postao društveno aktivan kroz djelovanje u svim udruženjima i na događajima sve više mladih počelo priključivati omladinskim organizacijama.

„Shvatili su da od nacionalizma i mržnje nema ništa, da time neće ništa postići, te da samo oni mogu biti promjena koju žele u društvu.“

Za volontiranje u Fondaciji Hastor ističe da je pozitivno djelovalo na njega, te mu dalo mogućnost da podijeli svoju priču i motivira mlade da budu aktivan dio našeg društva. Stipendistima poručuje:

„Priključite se, budite dio promjene.“





Amina Madžak

Amina Madžak iz Konjica studentica je na Fakultetu za ekonomiju i društvene nauke – odsjek Menadžment na Međunarodnom univerzitetu Burch i naša stipendistica. Prva priznanja dobila je za glumačka ostvarenja, a poslije je to prešlo u aktivističke vode koje će je formirati u ličnost kakva je danas. Kao i mnoge mlade ljude, i Aminu su kampovi i edukacije, gdje je upoznala mnogo drugih srednjoškolaca iz različitih krajeva BiH, motivisali da se društveno pokrene. Bila je prvi mladi volonter Crvenog krsta u Konjicu, te je osnovala Skupštinu mladih Crvenog krsta Konjic, koji sada broji 60 volontera. Članica je Odbora Omladinske banke u svojoj općini, te je već godinu dana u Skupštini Vijeća Mladih općine Konjic. Za vrijeme srednjoškolskog obrazovanja bila je dio Asocijacije srednjoškolaca u Bosni i Hercegovini (Lokalni tim Konjic) i članica Junior PR tima Hoću.ba platforme. Kako kaže, „kruna njenog

aktivizma“ je DepresijApp (D-app), aplikacija koju je pokrenula zajedno s kolegama i prijateljima iz svijeta aktivizma. Iako svi dolaze iz različitih dijelova BiH, spojila ih je zajednička ideja koju su prijavili na Burch Start me Up takmičenje, gdje su pored 40 konkurentnih timova, upravo ONI pobijedili! Ideja je pobjedom na takmičenju dobila dosta medijske pažnje, te su tek tada zapravo uvidjeli koliko je njihova ideja značajna. DepresijApp, ili skraćeno D-app, predstavlja konekciju između korisnika i medicinskih stručnjaka putem mobilne aplikacije. Sasvim je anonimno za javnost, jedina osoba koja ima pristup korisniku jeste doktor, psiholog, odnosno psihijatar sa druge strane linije. Trenutno je dostupan samo prototip aplikacije, kojeg je u prvih mjesec dana preuzelo više od 500 korisnika. Ekipa je sklopila ugovore sa zdravstvenim ustanovama u Bosni i Hercegovini, dio su studentskog inkubatora, i saraduju s mnogim drugim partnerima, te se aktivno radi na lansiranju konačne aplikacije! Aminina poruka za sve mlade ljude i stipendiste Fondacije Hastor je da budu svjesni činjenice da u novom, tehnološkom dobu nije dovoljno samo formalno obrazovanje, nego i neformalno stečena znanja koja su put za stjecanje mnogih kompetencija koje izdavaju mlade u očima budućih poslodavaca.

„Probuditi mladog čovjeka da bude aktivan jedan je od najtežih momenata, ali treba izaći iz čahure u kojoj mislimo da nam je dobro, jer je izvan nje mnogo ljepši svijet – zašto ne pokupiti priliku za sve što ti se daje?“

Zbog izuzetnog doprinosa Fondaciji u periodu pandemije koronavirusa, kako u kancelariji, tako i kao članica tima za monitoring volonterskih aktivnosti, Selma je itekako zaslužila da se nađe u ovoj rubrici, a o njenim životnim izborima i uspjesima pročitajte u nastavku.

Stipendistica Selma Pašić rođena je u Sarajevu i nakon završene Prve bošnjačke gimnazije upisuje Mašinski fakultet u istom gradu. Po završetku prvog ciklusa upisuje i master studij na istom fakultetu na odsjeku Energetika i procesno okolinsko inženjerstvo. Trenutno je student druge godine drugog ciklusa, te radi na izradi master teze čija je tema „Analiza potrošnje električne i toplotne energije u zgradi Mašinskog fakulteta“.

Još kao srednjoškolka postala je volonterka Info house kluba Volontiraj – kreditiraj, kao interetničkog i međureligijskog seminara „Mladi – graditelji suživota“, u organizaciji nadbiskupijskog centra za pastoral mladih „Ivan Pavao II“.

Ono što posebno ističe jeste to da je dio tima Tignum (klub mladih u centru Nahla), koji se prvenstveno bavi ženskim aktivizmom, a u sklopu čega je bila i dio organizatorskog tima mnogih projekata. Osim navedenih aktivnosti, već nekoliko godina je član hora duhovne muzike – Derman, a odnedavno je i njegov vođa, te je imala niz televizijskih nastupa i bila učesnik nekoliko koncerata.

Selma Pašić



“Fondacija Hastor je uvijek važila za jednu od fondacija koja, osim što stipendira učenike i studente, pomaže mladim ljudima da izgrade sebe i da se afirmišu kao lideri i pokretači pozitivnih inicijativa, te da budu primjer i uzor vršnjacima svoje okoline, pa je upravo to je ono što me je motiviralo da se prijavim na konkurs. Ono što je nama ostavljeno u amanet jeste da svojim postignućima i djelovanjem potvrđujemo suštinu onoga što je sam slogan Fondacije, da obrazovanje, zaista, jeste izbor pobjednika. Mnogo sam zahvalna Fondaciji, koja je orijentirala moje ambicije tako da uvijek u svemu budem najbolja verzija sebe.“



Aris Karamustajić

Aris dolazi iz Gornjeg Vakufa - Uskoplja i maturant je Koledža ujedinjenog svijeta u Mostaru, te svoje studije ove jeseni namjerava započeti u SAD-u na Univerzitetu Richmond, gdje je prije nekoliko mjeseci primljen. Stipendista je Fondacije Hastor već treću godinu. Aktivizmom se počeo baviti u srednjoj školi, tako što je prvobitno volontirao u Omladinskom centru, a ubrzo je i oživio lokalni tim ASuBiH u njegovom rodnom gradu, gdje je Aris postao koordinatorom.

„Kroz ove organizacije i volontiranja u njima upoznao sam mnoge aktivne ljude koji su me kasnije povezali i s drugim organizacijama poput SHL, Medica Zenica itd.“

Da započne svoju aktivističku priču, Arisa je motivisao sport. Od malih nogu bavi se

karateom te je jako uspješan. Crni je pojas, dvostruki šampion Bosne i Hercegovine, osvajač brojnih balkanskih medalja, te učesnik međunarodnih turnira u Turskoj, Srbiji, Austriji, Hrvatskoj, itd.

„Kroz svoja putovanja na ove turnire upoznao sam ljude svih nacionalnosti, rasa, vjeroispovijesti i uživao sam u razgovorima i prijateljstvima sa njima. Svaki put kada bih se vratio kući bio sam razočaran podjelom svoga grada na hrvatski i bošnjački dio, bio sam razočaran činjenicom da sam imao normalan odnos s ljudima iz drugih zemalja, ali isti takav nije bio među ljudima u mome gradu. Iz tog razloga počeo sam se baviti aktivizmom koji se bavio podjelom ljudi u našoj zemlji i stvaranjem mira između istih.“

Aktivnost na koju je najponosniji je Challenge History, seminar održan na Kosovu na temu historije konflikta na Balkanu. Seminar je poticao debatu između ljudi iz Srbije, BiH, Kosova i Sjeverne Makedonije. Iako nije bio zaslužan za organizovanje samog seminara, imao je veliki udio u pozivanju učesnika koji su bili aktivni u ovim debatama i imali konstruktivne razgovore na osjetljive teme.

„Mislim da je važno da se mladi ljudi uključuju u ovakve aktivnosti jer je ovo motor koji nam može pomoći u razvijanju ove zemlje i dovođenju društva na viši nivo sofisticiranosti. U razvijenim zemljama svijeta ljudi su

naučili živjeti s različitostima i poštovati ih umjesto da prave konflikt zbog njih. Bosna i Hercegovina treba težiti ovome.“

Naravno, Aris savjetuje da je potrebno aktivirati se i u drugim poljima. On je, također, aktivan u polju STEM predmeta pa je tako sa svojim timom otišao na takmičenje u London. Sa Medicom iz Zenice prošao je trening nakon kojeg je postao certificirani vršnjački edukator za prevenciju nasilja.

„Aktivizmom možete sebi uljepšati dane putujući, upoznavanjem ljudi i jednostavno iskušavanjem lijepih stvari koje život ima ponuditi.“

Volontiranje za Fondaciju Hastor za Arisa je bilo prelijepo iskustvo jer je, kako kaže, upoznao ljude sa sličnim razmišljanjima i otvorenim umom, što mu je u život donijelo nove prijatelje na koje zna da može računati u budućnosti.

“Stipendija Fondacije bila je jedna velika pomoć za ostvarivanje mnogih mojih aktivnosti i pomogla mi je u mome pokušaju da promijenim društvo u kojem živimo nabolje.”

“Ako nemate snove, nemate ništa. Ne odustajte, nego gurajte prema svojim snovima, jer, uistinu, sve je moguće ukoliko se dovoljno potrudite!”

Nikolina Gagić



Nikolina Gagić, dvadesetdvogodišnjakinja iz Srebrenice, studentica je četvrte godine na Akademiji dramskih umjetnosti u Tuzli, smjer Gluma. Stipendistica je Fondacije Hastor od prošle akademske godine. Za sebe kaže da je u volontiranju od malih nogu, kada nije bila ni sigurna šta to znači, te da ga je zavoljela odrastajući s ljudima koji u volontiranju uživaju. Kroz osnovnu i srednju školu skoro je u potpunosti djelovala s prijateljima na lokalnom nivou, ali se po odlasku na fakultet odlučila uključiti u organizaciju Mladi ujedinjeni u miru (Youth United in Peace), koja povezuje 5 gradova u 3 države - Srebrenicu, Gornji Vakuf – Uskoplje, Tuzlu, Sombor i Vukovar.

RAM - RUBRIKA AKTIVNIH MLADIH

Organizacija je uglavnom fokusirana na međuetničke odnose djece, omladine, i ljudi koji dođu, rješavanje sukoba, te objektivni prikaz historije.

„Veoma brzo sam upoznala puno prijatelja, još više se zblížila s nekima iz Srebrenice i sad mogu i volim reći da tu imam porodicu. Ljudi unutar organizacije mi pomažu jednako onoliko koliko bih ja voljela pomoći njima, a zajedno i svima koje ne poznajemo. Mnogi od nas su odrasli, ako ništa sazreli u organizaciji, postali otvoreniji i pristupačniji ljudi.“

Nikolina je jako brzo napredovala u organizaciji i postala jedan od voditelja jer su prepoznali da ima iskustvo u tome. Ističe da je najponosnija na radionicu gdje je s prijateljem vodila grupu od 40 djece. Radionica se bazirala na odnose straight muškaraca sa ženama i s pripadnicima LGBTQ+ zajednice.

„U više navrata sam primijetila da je još nešto izvor nasilja među omladinom, što je nekad i bitnije od toga gdje se ko rodio, a to je seksualno opredjeljenje. Uglavnom



su tinejdžeri u pitanju, oko 15 godina, i oni su često skloni nasilju. Nekima od njih smo pomogli da se otvore, neki koji su došli s mržnjom su promijenili mišljenje, ali ono što je najvažnije je to da su se osjećali sigurno jedni među drugima, i s nama. Sljedećih nekoliko dana su mi se ti ljudi često zahvaljivali, i to je nešto što najviše može ispuniti mene kao osobu. Da znam da druga osoba može biti ono što jeste, i da je nije strah.“

Nikolina ističe da mladi moraju biti i međusobno aktivni, jer svaka riječ nekad može značiti promjenu, te da mladi trebaju znati koji je njihov cilj i pritom pomagati drugima – pričati, raditi, širiti stavove – stvari koje je moguće uraditi svakodnevno. Ističe da s Fondacijom dijeli iste stavove, te ju je jedan nedavni primjer s volontiranja naročito ispunio. U januaru su odveli učenike na jednu pozorišnu predstavu, te joj je jedna od učenica rekla da joj se ta predstava dopala te da je od tada krenula ići u pozorište. Nikolini je to jako važno, i kao budućoj glumici, ali i kao čovjeku, te se jako ponosi učenicom budući da je pozorište vid kulturnog uzdizanja.

„Meni je zaista važno da svi odrastaju kao prihvaćeni u društvu, da žive bez ikakvih smetnji od strane drugih ljudi, a i sama poruka stipendistima bi bila usmjerena ka tome. Zaista svaki dan možemo nešto uraditi, najmanju stvar na svijetu, koju čak i ne smatramo volonterskim činom, ali cijeli svijet je stvoren od malih stvari, i tako se i popravlja.“

AKTIVISTA GODINE



Kenan Kraković



Fondacija Hastor se godinama unazad može pohvaliti sjajnim rezultatima u mnogim sferama, zahvaljujući istinski vrijednim i talentovanim stipendistima koji su uvijek spremni na rad kako bi napredovali i razvili se u naučnike, profesore, doktore, inženjere i lidere u lokalnim zajednicama, ali i šire. U kolektivu naše fondacije redovno se izdvajaju stipendisti svojim aktivizmom i ažurnošću na polju obrazovanja, te u svojim volonterskim aktivnostima. Jedan od takvih stipendista je Kenan Kraković, koji se za kratko vrijeme provedeno u našoj porodici redovno izdvaja svojim postignutim rezultatima, zahvaljujući čemu je i ponio titulu aktiviste godine.

Kenan je svršeni student Odsjeka za genetiku i bioinženjering Fakulteta za inženjering i prirodne nauke Međunarodnog univerziteta Burch u Sarajevu. O njegovoj posvećenosti, istrajnosti i napretku u domenama koje su predmet njegovog interesovanja, ali i formalnog obrazovanja, svjedoče brojna postignuća na državnim i regionalnim takmičenjima te učešća u okviru mnogih projekata.



AKTIVISTA GODINE

Na stranicama naših redovnih mjesečnih newsletter-a dosad ste se mogli upoznati s Kenanovim uspjesima, a između ostalih, izdvajamo osvajanje stipendije jednog od najprestižnijih univerziteta svijeta, Univerziteta Harvard, za predmet Osnove neuroznanosti: električne osobine neurona. U okviru svog matičnog fakulteta Kenan je osnovao i Klub za biomedicinska istraživanja čija je elementarna svrha upravo istraživanje, razvijanje naučnih spoznaja, te izrada naučnih radova koji se referiraju upravo na oblast neuroznanosti.

Projekat koji je Kenan odlučio pokrenuti prije nekoliko mjeseci jeste Fly Lab – laboratorij za istraživanje vinske mušice, koji je prvi ove vrste u našoj zemlji. Koliko nas zna za važnu ulogu tako malog organizma kao što je vinska mušica? Kako Kenan kaže, radi se o organizmu koji dijeli veliki broj gena s ljudskim genima, i to je čini idealnim model-organizmom za izučavanje u genetici i srodnim naukama. Objašnjava da smo dosta naučili o stečenom imunitetu, embriogenezi, hromozomima, o tome kako raspoznavamo i pamtimo mirise upravo putem vinske mušice.

U periodu kada je upisao prvu godinu studija, skoro svakodnevno je svirao gitaru na sarajevskim ulicama, kako bi uspio ostvariti dodatne prihode. Također, s obzirom na to da je karatista, Kenan je svake sedmice održavao treninge za male karateke. Krajem iste godine na studiju je ostvario prosječnu ocjenu 10.00 te dobio punu stipendiju na

fakultetu. Upravo u tom periodu je postao stipendistom Fondacije Hastor na Konkursu za dodjelu stipendija objavljenom krajem 2018. godine. O mjestu Fondacije Hastor u njegovom životu Kenan ističe sljedeće:

„Baš tada, 2018. godine sam postao stipendistom Fondacije, uz čiju sam podršku, finansijsku i podršku kolektiva, uspio da se fokusiram na učenje te sam ostvario sve što sam zacrtao do kraja svoga studija. Izabran sam za jedan od najvećih istraživačkih programa na svijetu u mom polju istraživanja, pokrenuo sam potpuno novu laboratoriju na fakultetu, osvojio sve stipendije za magistarski studij na koje sam se prijavio, a sada sam izabran za studenta generacije na nivou svoga univerziteta. Ništa od ovoga ne bi bilo moguće da sam tokom studija morao raditi svaki dan, tako da mi je, zahvaljujući Fondaciji, omogućeno da se usmjerim na akademske ciljeve. Zbog toga ću uvijek biti dugo zahvalan i osjećati se dužnim te se truditi da sve uloženo u mene pretočim u djela na koja će Fondacija moći biti ponosna.“

Cijela naša porodica Fondacije Hastor je iznimno ponosna na njega. Čestitamo mu na dosadašnjim uspjesima i želimo mu svu sreću u ovom i budućim projektima, a i druge studente ohrabrujemo da se ne boje svojih snova i ideja te da djeluju u pravcu njihovog ostvarenja.

STIPENDISTI KAO NOSIOCI ELEMENTARNIH PROCESA

Stipendisti Fondacije Hastor su aktivno uključeni u misiju izgradnje svjetlije budućnosti i stvaranju okoline, pogodnije za prosperitet i bolje rezultate. Okosnicu naše organizacije čine upravo mladi ljudi koji svojim djelovanjem i angažmanom potpomažu rad Fondacije i čine je jedinstvenom organizacijom u Bosni i Hercegovini, ali i šire.

IT tim

Stipendisti članovi IT tima imaju zadatak da vode računa o redovnom ažuriranju službene web-stranice Fondacije Hastor, održavanju dosad realiziranih projekata te izradi novih. Rad u IT timu funkcioniše tako što članovi tima na redovnim sastancima razgovaraju o obavezama koje imaju u periodu koji slijedi te dijele obaveze prema njihovim mogućnostima. Jedan od najznačajnijih projekata na kojem su radili jeste online platforma Fondacije Hastor, gdje su uspjeli pojednostaviti slanje, pregledanje izvještaja

i najava volonterskih druženja te na taj način izbjeći komplikacije do kojih je ranije moglo doći.

„Studenti starijih godina predvode rad, pružajući mladima šansu da se istaknu i usmjeravajući na pravi način. Po završetku projekta, nastojimo održavati ono što je urađeno i to uvijek vodi ka konačnom uspjehu. Rad u ovom timu sa sobom donosi brojne privilegije, a kao jednu od njih izdvajamo susretljivost Fondacije koja nam je prije nekog vremena omogućila odlazak na WeAreDevelopers konferenciju u Beču, gdje smo dosta saznali o novim dešavanjima iz polja umjetne inteligencije i imali priliku razgovarati sa stručnjacima iz tog polja.“



Administracijski tim

Administracijski tim Fondacije Hastor se mijenja prilikom odlaska članova koji završavaju školovanje te gube pravo na stipendiranje (to su uvijek studenti), a svake godine se organizuje obuka za nove članove tima. U slučajima potrebe, članovi organizuju međusobne sastanke kako bi se lakše organizovali i koordinirali obaveze međusobno. Također, jedna od najbitnijih uloga ovog tima jeste pristupačnost stipendistima koji volontiraju na terenu - u vidu pomoći, pružanja informacija, držanja obuke brucosima na početku svake školske godine i sl.

„Biti članom administracijskog tima Fondacije Hastor jedna je od ljepših uloga koju možete dobiti kao stipendista. Ista sa sobom nosi veliku odgovornost i iziskuje posvećenost, jer uvijek morate biti u toku dešavanja i spremni reagovati u novonastalim situacijama. Ipak, ova uloga pruža najviše prostora za lični napredak - s obzirom na to da Vas suočava s različitim dužnostima. Tako ćete biti u prilici unaprijediti svoje komunikacijske vještine i vještine vođenja telefonskih razgovora, formalne komunikacije putem maila, organizacije i koordiniranja vremenom i dokumentima, liderstva i slično.“

Administracijski tim Fondacije Hastor je sačinjen od stipendista čija je dužnost da kontrolišu sve ono što se dešava „iza kulisa“. Neke od dužnosti ovog tima su: primanje poziva od strane stipendista i učenika ili studenata koji žele aplicirati za stipendiju, odgovaranje na mailove s upitima, obavještenjima i sl., pripreme za mjesečne sastanke stipendista, evidentiranje najava volontiranja, izvještaja o volonterskim sastancima, volonterskih sati, kao i različitih obavještenja koja pristižu na našu adresu od strane stipendista. Pored toga, članovi ovog tima imaju kao zadatak koordinaciju stipendista koji volontiraju u kancelariji, da pružaju ispoć glavnom timu Fondacije Hastor itd.

Redakcija

Redakciju Fondacije Hastor čine stipendistkinje koje vode računa o izboru, izradi i uređivanju sadržaja u okviru newslettera Fondacije Hastor koji se objavljuje svakog mjeseca, a dostupan je na web-stranici naše fondacije.

U okviru newslettera svakog mjeseca možete čitati o najnovijim dešavanjima u Fondaciji, uspjesima naših stipendista, pozitivnim i lijepim pričama i aktivnostima koje svakodnevno organizuju te naučiti ponešto novo u redovnim rubrikama.

Redakcijski tim se brine o tome da svi stipendisti i šira javnost pravovremeno budu obaviješteni o najznačajnijim događajima te da provedu neko vrijeme uživajući u edukativno-zabavnim sadržajima.

„‘Iza svake od nas stoji jedna od nas.’ - to zasigurno najbolje opisuje naš tim redakcije koji svakog mjeseca uloži mnogo truda da zajedničkim snagama i vještinama ispiše uspjehe naših stipendista u redovima biltena.“



Pet djevojaka objedinjenih ljubavlju prema Fondaciji Hastor nastoji da, kako stipendisti, tako i donatori, budu pobliže upoznati sa svim onim divnim dešavanjima, sitnim radostima i golemim uspjesima ove zajednice. Sve to ne bi bilo moguće bez dobre organizacije od strane administrativnog tima, pa jedni drugima dajemo odsjaje zlatnih tonova.“



Tim za grafički dizajn

Tim zadužen za grafički dizajn čine stipendisti, sada već diplomirani slikari Akademije likovnih umjetnosti. Kreativnost i profesionalizam ovog tima se ogledaju u dizajnu mjesečnog biltena Fondacije Hastor, godišnjih izvještaja, web-stranice. Pored toga, volonteri koji se brinu za grafički dizajn, u okviru svoga rada imaju zadatak da vode računa o dizajnu raznih zahvalnica, čestitki, priznanja i diploma.

„Rad našeg grafičkog tima je dosta slobodan, što je nama kao mladim umjetnicima od velike važnosti, jer nismo ograničeni u grafičkom i likovnom stvaralaštvu. Također, veoma je zanimljivo biti u grupi ljudi koja među prvima dolazi do saznanja o uspjehu naših kolega iz Fondacije te je od izuzetne važnosti biti dijelom ekipe koja nastoji promovirati trud naših stipendista koji uvijek donese pozitivne rezultate.“

Prevodilački tim

Ovaj tim čine stipendistkinje koje usko sarađuju s redakcijskim timom, s obzirom na to da je njihova glavna dužnost prevođenje mjesečnog biltena Fondacije na engleski i njemački jezik, kako bi bio dostupan svima onima koji prate našu fondaciju, a ne razumiju b/h/s jezik.

Nimalo skromno ćemo reći da na ovaj način vijesti o aktivnostima i uspjesima Fondacije dobijaju krila za put u svijet, do svih onih koji govore drugim jezikom, ali koji razumiju i žele da prate ono što Fondacija godinama zagovara, predstavlja i podržava. Za svaki prevod mjesečnog biltena vođa tima podijeli zadatke, tako da svi dobiju relativno jednaku količinu posla. Zadaci se mijenjaju, tako da članovi tima dolaze u dodir s različitim registrima i stilovima i tako imaju prili-

ku steći svojevršno praktično iskustvo kroz članstvo u timu i pripadnost Fondaciji, što je upravo jedna od ideja vodilja Fondacije: učiti kroz djelovanje.

Pored biltena, prevodilački tim, također, prevodi i Godišnje izvještaje FH, članke na web-stranici, te druge mnogobrojne vrste dokumenata, u ovisnosti od toga šta je u kojem trenutku potrebno Fondaciji.

„Izuzetno nam je drago da članstvom u prevodilačkom timu Fondacije Hastor imamo priliku da svoje stručno znanje i vještine upotrijebimo kako bismo doprinijeli radu i misiji Fondacije Hastor, te smo upravo zbog toga neizmjereno zahvalni na pruženoj prilici.“





Tim za održavanje društvenih mreža

Grupa ovog tima kao zadatak ima informisanje javnosti o aktivnostima u okviru Fondacije, rezultatima stipendista, kao i najavama pojedinih događaja. To podrazumijeva svakodnevno kreiranje objava na društvenim mrežama kao što su Facebook, Instagram i LinkedIn.

Svaka objava zahtijeva trud i promišljanje, poseban dizajn koji je prilagođen temi te sadržaj koji treba da privuče čitaoce, tako što će biti sažet, ali i informativan.

„Ovo je samo jedan od načina da doprinesemo radu naše fondacije. Istovremeno, zahvaljujući svakoj objavi imamo priliku da istražimo nešto novo, usvojimo određena znanja, proširimo vlastite vidike, obogatimo vokabular i sl. Objave pripremamo svaki drugi dan, dakle, riječ je o petnaest objava mjesečno, a uglavnom su u vezi s aktuelnim događajima u Fondaciji Hastor, motivirajućim pričama o uspjesima naših stipendista, raznim događajima koji su od velike važnosti za društvenu zajednicu, važnim datumima u mjesecu, kao što su međunarodni praznici i mnoge druge teme.“

Tim za monitoring

Monitoring je noviji ogranak administracije Fondacije Hastor koji kao primarni zadatak ima praćenje volonterskih sastanaka naših stipendista.

Uloga monitoringa u današnjem radu Fondacije nije isključivo kontrolna, s obzirom na to da se u dosadašnjem toku rada obznanila dodatna funkcija ovog sektora, koja se ogleda u praćenju pozitivnog aspekta rada naših stipendista, usvajanja njihovih ideja, mišljenja i načina rada.

„Za vrijeme pandemije, monitoring ekipa se susreće s naročitim izazovima. Sastanci su sada online, razbijeni su tokom čitave sedmice na različitim platformama, a ne samo vikendom i potrebna je dodatna pažnja i mnogo rada i truda svakog člana da se svi pravovremeno i pomno isprate. Veoma je važno ispratiti na koji način naši stipendisti koriste vrijeme predviđeno za volonterske sastanke. Pored toga, u okviru ovog tima, svakodnevno imamo priliku komunicirati s velikim brojem stipendista i u svrhu razmjene informacija, ideje, pružanja podrške i sl.“



PRIDRUŽITE NAM SE

POSTANITE
DIO
FONDACIJE
HASTOR

Fondacija Hastor je neprofitna organizacija usmjerena ka djeci i mladima, prvenstveno onima koji su, usljed teškog socio-ekonomskog statusa ili sredine u kojoj žive, ograničenih mogućnosti u svojoj edukaciji. Od samog početka, Fondacija ohrabruje i podržava osnovnoškolce, srednjoškolce te studente s područja cijele Bosne i Hercegovine. Na adresu Fondacije Hastor godišnje pristiže veliki broj molbi za stipendiranje, ali nismo u mogućnosti ispuniti želje svih učenika i studenata koji apliciraju na konkurs te zbog toga, nažalost, ponekad budemo prisiljeni odbiti značajan broj molbi.

Imajući u vidu pokretačku viziju i misiju Fondacije Hastor, koja se sastoji u poboljšanju uvjeta školovanja velikog broja djece i mladih, potrebna nam je podrška i pomoć prijatelja. Ovim putem pozivamo sve pojedince, zajednice i organizacije da budu dio Fondacije Hastor i pomognu nam da zajedno koračamo putem uspjeha i društvene odgovornosti, tako što će na svojevrsan način doprinijeti osiguravanju finansijskih sredstava za stipendiranje perspektivne bosanskohercegovačke omladine.

KLUB PRIJATELJA I DONATORA

Fondacija Hastor već četrnaest godina kontinuirano ulaže u obrazovanje, prosperitet i model svog djelovanja, te je zahvaljujući trudu i posvećenosti svih ljudi koji su dijelom njenog kolektiva evoluirala u danas najprepoznatljiviju i najveću fondaciju ovakve vrste na području cijele Bosne i Hercegovine, pa i regiona. Fondacija Hastor danas broji preko 2000 stipendista iz 130 općina širom BiH, a uporedo s brojem stipendista rastao je i broj prijatelja i donatora koji u Fondaciji prepoznaju vrijednosti za koje se i sami zalažu.

Oni su odlučili svoju društvenu odgovornost ispunjavati upravo ulaganjem u obrazovanje, koje su prepoznali kao najefikasniji adut u cilju promjena i napretka. Rezultati i uspjesi kojima se danas Fondacija ponosi ne bi bili ostvarivi bez kontinuirane podrške našeg Kluba prijatelja i na tome smo izuzetno zahvalni.

Sretni smo što zajedno s nama vjerujete da isključivo znanjem i uspješnim školovanjem mladih ljudi možemo vjerovati u svjetliju budućnost i biti dio pozitivnih promjena.

V
O
L
O
N
T
E
R
I
F
O
N
D
A
C
I
J
E
H
A
S
T
O
R

Aganspahić Sead
Ahmetović Edin
Avdić Marizela
Bajgorić Muamer
Broz Zoran
Dedić Amela
Delić Sanel
Deljković Zlatan
Džanko Nermin
Đonlagić Lejla
Gagula Refija
Hadžić Mehmedalija
Hadžić Selmir
Hadžiselimović Eldin
Hasagić Emina
Hasanović Merima
Hastor Ramo
Hodžić Adnan
Jazvin Almir
Karajko Kerim
Karović Esada
Kekić Kenan
Kraišnik Igor
Kovačević Mirsada
Kulo Emra
Lazović Nejla
Morankić Feđa
Muminović Rijad
Mustafić Samir
Palić Safet
Pivić Fazira
Porča Amila
Porobić Jasmin
Pulić Mirza
Rahman Haris
Redžepović Aida
Redžepović Samir
Salkić Aida
Sarajlić Haris
Smajić Nermina
Uzunović Zlatan
Žiško Nirvana
... i mnogi drugi...





FONDACIJA
HASTOR